

# OLELiahona

**Na Soifua Mai e  
Faasaolotoina i  
Tatou, i. 16, 44**

**O Faamanuiaga o  
Auaunaga o Ekalesia  
Soofaatasi, i. 26**

**O Se Malaga a se  
Tamaitai Talavou e  
Faatoilalo ai Vaisu, i. 56**

**Gaoioiga a Tamaiti:  
Faia Lau Oe Lava Tusi  
e uiga ia lesu, i. 68**





*"Ina ua ou vaai ia  
losefa Samita, sa  
ia aveina le lagi,  
i le talanoa atu  
faalemafaufau,  
ma aumaia i lalo i le  
fogaeleele; ma sa ia  
aveina le lalolagi, e  
avae ai i luga, ma  
tatala ai, i le manino  
ma le faigofie, o  
mea a le Atua; ma  
o le matagofie lena  
o lana misiona."*

Peresitene Polika laga  
(1801–77), *Discourses of  
Brigham Young*, sel. John A.  
Widtsoe (1954), 293.



## O SAVALI

- 4** **Savali a le Au Peresitene Sili: Aiga ma Uo e Faavavau**  
Saunia e Peresitene Henry B. Eyring
- 7** **Savali a Faiaoga Asiasi: O Le Misiona Paia a Iesu Keriso: O Le Atalii e Toatasina na Fanaua**

## TALA FAAALIA

- 16** **O Mai, Tatou Vivii ia te la**  
Saunia e Elder Bruce D. Porter  
*O le faataunuuga o valoaga anamua e aumaia ai le saolotoga i e na faapagotaina ma le faamoemoe i tagata.*

## I LE FAAVAA

Luma: *O Le Malamalamama o le Lalolagi*, saunia e Jay Bryant Ward Tua: *O Leoleo Mamone Ta'u Atu le fanau Mai o Iesu*, saunia e Arthur A. Dixon. I totono o le faavaa pito i luma: Ata Pue o le Malumalu o Navu Illinois na pueina e le Scott Jarvie Photography.

## 22 E Taua Tele le Faasino Igoa

Saunia e Jennifer Grace Jones  
*E mafai e se mea e matua faigofie lava ona faia se eseeseaga mo aiga i le lalolagi atoa?*

## 26 Avea ma Au Paia Sili ona Lelei e ala i le Aafia i Ekalesia Soofaatasi

Saunia e Betsy VanDenBerghe  
*O le ala e faateleina ai lo tatou avea ma soi i le auauana atu i tagata o isi faatuatuaga.*

## 32 Mai le Mzungu i le Uo


Saunia e David Dickson  
*E lei manao Godfrey e avea ma se vaega o le Ekalesia, seia oo ina fesoasoani se faaputuga o otigā o laau e sua lona mafausau.*

## 34 Aferika — Konetineta o le Faamoemoe Susulu

Saunia e Richard M. Romney  
*O Aferika o se nofoaga lea e mafai ona tatou vaai ai i le vavega o le Toefuataiga o fofola atu.*

## MATAGALUEGA

- 8** **O Le Mea Tatou Te Talitonu I Ai: O Le a Toe Afio Mai le Alii i le Lalolagi i le Mamalu**
- 10** **O Tatou Aiga, O Tatou Auaiga: Fesoasoani i Fanau ia Iloa le Agaga Paia**  
Saunia e Merrilee Browne Boyack
- 13** **Aoao Atu Mo Le Malosi o le Autalavou: Salamo**
- 14** **Tala Fou o le Ekalesia**
- 40** **O Leo o le Au Paia o Aso e Gata Ai**
- 80** **Seia Tatou Toe Feiloai: O Le Malaga i le Aiga**  
Saunia e Heather Whittle Wrigley



44

**44 O Le Folafolaga o le Kerisimasi**

Saunia e Elder Robert D. Hales  
*O a folafolaga o le a e faia  
 i lou Faaola i lenei vaitau  
 o le Kerisimasi?*



*Vaai pe mafai  
 ona e mauaina  
 le Liahona o  
 loo natia i le  
 lomiga lenei.  
 Faaitete: O le  
 a fesoasoani  
 le tagata oti  
 ulu ia te oe.*

60

**48 Saunia mo le Afio Mai Faalua**

Saunia e Elder Jeffrey R. Holland  
*Talu ai o la tatou tisipenisione e  
 mulimuli ma le sili, o lea ua tatou  
 maua ai le tiutetauave e saunia  
 ai le Ekalesia mo le taliaina o le  
 Tamai Mamoe a le Atua.*

**52 Fesili ma Tali**

*E faapefea ona ou teteina  
 faaososoga?*

**54 Mo Le Malosi o le Autalavou:**

**O Le Vaaiga mai le  
 Faauga o le Auala**

Saunia e Elder Bradley D. Foster  
*E mafai ona e salamo. Ma pe  
 a e faia, o le a sili atu ona  
 lelei mea uma.*

**56 E Le o Toe Avea ma Vaisu:**

**O La'u Malaga i le Faatoilaloina  
 o Ponokalafi**

Taofia le igoa  
*I le avea ma se tamaitai talavou,  
 ou te lei manatu o le a ou tauivi  
 ma ponokalafi.*

**58 Sili atu nai lo o se Paga**

*Mafausau faapea ua na o oe o  
 se tagata tau mulimuli pe a oo  
 i faiaoga o aiga? Toe mafausau.*

**60 Tutu i Nofoaga Paia**

*O ata mai le salafa o le lalolagi  
 o loo faaaliai ai le ala o tutu ai  
 le autalavou i nofoaga paia.*

**64 O Se Pese Kerisimasi**

**e Sili ona Fiafia i Ai**

Saunia e C. G. Lindstrom

*Ina ua savali atu se tuafafine e  
 usu le pese, sa ou mafausau ma le  
 sese faapea pe o le a lelei ea lona  
 usuina o le pese.*



67

**66 O Lo'u Uso o le Faifeautalai**

Saunia e Kevin V.

*O le taimi nei ua i ai lava lo'u  
 potumoe. Atonu e le mafai ona  
 ou misia lo'u uso—pe faamata  
 ou te misia?*

**67 Molimau Faapitoa: Aisea**

**e taua tele ai le faaalu o  
 se taimi ma o tatou aiga?**

Saunia e Peresitene Boyd K. Packer

**68 Aumaia o le Peraimeri i le Fale:**

**Ou Te Illoa o le a Toe Afio Mai  
 Iesu Keriso**

**71 O La Tatou Itulau****72 Faatalitali mo Iesu**

Saunia e Matthew D. Flitton

*O fea sa i ai le pepe o Iesu? Sa le  
 mafai ona matou faamanatuina  
 le Kerisimasi e aunoa ma Ia.*

**74 I le Auala: O Le Nofoaga Lenei!**

Saunia e Annie Beer

**76 Mo Tamaiti Laiti****81 Atatosi o le Perofeta:  
 Iosefa Filitia Samita**

60

O Le Lomiga Faamaonia Faa-Samoa a le Ekalesia a Iesu Keriso o le Au Paia o Aso e Gata Ai

**Susuga a le Au Peresitene Sili:** Thomas S. Monson, Henry B. Eyring, Dieter F. Uchtdorf

**O Le Korama a Aposteto e Toasefululuua:**

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

**Faatonu:** Craig A. Cardon

**Fautua:** Mervyn B. Arnold, Shayne M. Bowen, Stanley G. Ellis, Christoffel Golden Jr.

**Pule Faatonusili:** David T. Warner

**Faatosilili o le Lagolago mo Aiga ma Tagata o le Ekalesia:** Vincent A. Vaughn

**Faatosilili o Mekasini a le Ekalesia:** Allan R. Loyborg

**Pule o Mea Tau Pisinisi:** Garff Cannon

**Pule Faatonutonu:** R. Val Johnson

**Pule Faatonutonu Lagolago:** Ryan Carr,

LaRene Porter Gaunt

**Au Tusitusi ma Faatonutonu:** Susan Barrett, Brittany Beattie, David Dickson, David A. Edwards, Matthew D. Flitton, Mindy Raye Friedman, Lori Fuller, Garrett H. Garff, Jennifer Grace Jones, Michael R. Morris, Sally Johnson Odekirk, Joshua J. Perkey, Jan Pinborough, Richard M. Romney, Paul VanDenBerghe, Marissa Widdison

**Pule Faatonusili Tusiata:** J. Scott Knudsen

**Faatosilili Tusiata:** Tadd R. Peterson

**Au Mamanu:** Jeanette Andrews, Fay P. Andrus, C. Kimball Bott, Tom Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Brad Teare, K. Nicole Walkenhorst

**Faatonu o le Puletaofia ma Fatufatuga:**

Collette Nebeker Aune

**Pule i le Gaosiga:** Jane Ann Peters

**Au Gaosi:** Kevin C. Banks, Connie Bowthorpe Bridge, Julie Burdett, Bryan W. Gygi, Denise Kirby, Ginny J. Nilson, Gayle Tate Rafferty

**Taiolomi:** Jeff L. Martin

**Faatosilili LoloMiga:** Craig K. Sedgwick

**Faatosilili o le Tufutufaga:** Stephen R. Christiansen

Mo le okaina o mekasini, aili i le store.lds.org po o le Faletusi Tutotonu i Pesega, Telefoni 64127. Totogi o le Mekasini: \$0.55 (Samoa) i le kopii. Totogi mo le Tausaga Atoa \$6.60 (Samoa).

**Auina atu tusitisiga ma faafesili i luga o le initoniti** i le liahona.lds.org: pe meli mai i le Liyahona, Rm. 2420, 50 E. North Temple, Salt Lake City, UT 84150-0024, USA; po o le i-meli: liyahona@ldschurch.org.

*O Le Liyahona* (o lona uiga i le Tusi a Mamona o le "tapasa" po o se "faatonuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaoitia, Siekisolvakia, Tenimaka, Take, Igilisi, Estonia, Fiti, Finelani, Farani, Siamani, Eleni, Hanikeri, Initu, Iselani, Irinonesia, Italia, Iapani, Kiripati, Korea, Latvia, Lituna, Malakasa, Masel, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipaniolo, Suetena, Swahili Tagaloka, Tahiti, Tai, Toga, Lukureini, Urutu, ma Viatename. (E eseese lava gagana.)

© 2013 Puletaofia e le Intellectual Reserve, Inc. Ua taofia aia tatau uma. Lomia i le lounata Setete o Amerika.

E mafai ona kopii tala ma ata o le Liyahona mo le toe faaaogaina i lotu po o le aiga ae ia le faia ai ni pisinisi. E le tatau ona kopii ni tala po o ni ata pe afai o faasa mai i le laina o loo ta'ua ai le e ona lea faatufugaga. Auina atu feesili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

**For Readers in the United States and Canada:**

December 2013 Vol. 37 No. 12. O LE LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send all UAA to CFS (see DMM 707.4.12.5). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

# Manatu mo Afiafi Faaleaiga

O lenei lomiga e aofia ai tusiga ma gaoioiga e mafai ona faaaoga mo afiafi faaleaiga.  
O manatu nei e lua.



ATA NA SAUNIA E DAVID STOKER

## "Fesoasoani i Tamaiti ia Iloa le Agaga

**Paia,** itulau 10: A uma ona toe iloioloina lenei tusiga, mafaufau e fuafua ni gaoioiga faalogologo, fesoasoani vaia, ma le iloina o le gaoioi o le tino o le a fesoasoani i lau fanau e aoao le ala e talanoa mai ai le Agaga Paia ia i latou. Atonu e mafai ona e faiataua ma faatino le tala o le Kerisimasi. E mafai ona outou aoao i viiga ma pese o le Peraimeri e uiga i le soifua mai o le Faaola ma faatinoina mo uo ma tuaoi. Atonu e mafai ona outou maimoaina faatasi ia ata o le Faaola pe tuu le ata o le fanau mai o lesu i se nofoaga e iloagofie e lou aiga. E mafai ona outou fuafuaina se gaoioiga auaua atu faaleaiga. Soo se mea na e filifili e faia, fesoasoani i lau fanau ia iloa pe ua latou lagonaina le Agaga.

## "Avea ma Au Paia Sili ona Lelei e ala i le Aafia i Ekalesia Soofaatasi,"

itulau 26: Mafaufau e saili se auala e fesoootai ai ma se isi tapuaiga faalelotu i le taimi o lenei vaitau o le Kerisimasi. Atonu o le a e auai faatasi ma se isi aiga Kerisiano e faiata le tala o le Kerisimasi po o le faia o auau-naga. Atonu o le a valaauliaina se aiga mai se faatuatuaga e le Kerisiano e auai atu mo se afiafi faaleaiga ma feauauai i le aoaoina e uiga i talitonuga ma tu ma aga masani o le tasi ma le isi. Mafaufau e talanoaina ma lau fanau pe a mae'a po o ni upumoni sa latou aoaoina mai au uo.

## I LAU GAGANA

O loo maua le Liyahona ma isi tusi a le Ekalesia i le tele o gagana i le languages.lds.org.

## AUTU I LENEI LOMIGA

*E ta'u mai e numera le itulau muamua o le tusiga.*

**Aferika,** 32, 34

**Afio Mai Faalua,** 8, 48, 68, 72

**Agaalofo,** 80

**Agaga Paia,** 10

**Aiga,** 10, 66, 67

**Ala o faasalalauga,** 56

**Aoao atu,** 10

**Auauna atu,** 26, 32, 58

**E le atoatoa le malosi,** 64

**Epikopo,** 54

**Faamagaloga,** 54

**Faaosoosoga,** 52, 56

**Faiaoga o aiga,** 58

**Faitalia,** 52

**Faitioga,** 80

**Feagaiga,** 44

**Galuega faafaifeatalai,** 4, 32, 34

**Galuega faalemalumalu,** 22

**Iesu Keriso,** 7, 8, 16, 48, 68

**Kerisimasi,** 4, 16, 40, 41,

43, 44, 64, 72, 76

**Ola mama,** 56

**Paionia,** 34, 74

**Peraimeri,** 71

**Perofeta,** 34, 48

**Ponokalafi,** 56

**Salamo,** 13, 16, 54, 56

**Samita, Iosefa Filitia,** 81

**Saolotoga,** 16

**Talafaasolopito o aiga,** 22

**Tamaiti,** 10

**Ta'uta'u Atu,** 54

**Tisipenisione,** 48

**Valoaga,** 44



Saunia e Peresitene  
Henry B. Eyring

Fesoasoani Muamua  
i le Au Peresitene Sili

# AIGA MA UO E FAAVAVAU

**S**oo se mea e te nofo ai, o le a e maua ni uo o loo saili mo le fiafia sili atu ua e maua i le ola ai i le talalelei toefuataiina a Iesu Keriso. Atonu e le mafai ona latou faamatalaina lena fiafia i upu, ae e mafai ona latou iloa pe a latou vaai i ai i lou olaga. O le a latou naunau ia iloa le punavai o lena fiafia, aemaise lava pe a vaai atu ua e feagai ma tofotofoga e pei lava ona latou oo i ai.

Ua outou lagonaina le fiafia ao outou tausia poloaiga a le Atua. O le fua lena na folafola mai o le ola ai i le talalelei (tagai i le Mosaea 2:41). E te le tau usitai ma le faamaoni i poloaiga a le Alii ina ia iloa ai e isi tagata, ae o i latou o e matauina lou fiafia ua saunia e le Alii e faalogo i le tala lelei o le Toefuataiga o le talalelei.

O faamanuiaga ua tuuina mai ia te oe ua fatuina ai ni tiute ma ni avanoa matagofie mo oe. I le avea ai ma se soo o le feagaiga a Iesu Keriso, ua ia te oe se tiute e tuuina atu ai i isi se avanoa e saili ai le fiafia faateleina, aemaise lava i au uo ma tagata o lou aiga.

Na silafia e le Alii lo outou avanoa ma faamalamalama mai lou tiute i lenei poloaiga: "Ua tatau i tagata taitoatasi o e ua uma ona lapataia ona lapatai atu i le la te tuaoi" (MF&F 88:81).

Ua faafaigofieina e le Alii ona usitaia lena poloaiga e ala i suiga o loo tupu i lou loto a o e taliaina ma ola ai i le talalelei a Iesu Keriso. O se taunuuga, o lou alofa mo isi o le a faatupulaia, e faapena foi lou manao mo i latou ina ia maua lena lava fiafia e tasi ua e oo i ai.

O se tasi o faataitaiga o lena suiga o le ala lea e te taliaina ai le avanoa e fesoasoani ai i le galuega faafaifeatalai a le Alii. Na vave ona iloa e faifeatalai faamisiona e mafai ona latou faamoemoeina mai se tagata liliu mai faamaoni se tali fiafia o se talosaga mo se igoa e faailoa atu. E matua manaomia e le tagata liliu mai ni uo ma tagata o le aiga e faasoa atu lo latou fiafia.

Pe a fesili atu ia te oe le taitai misiona a le uarota po o faifeatalai mo ni igoa o se tasi e aoao atu, o se faamālō tele lea ia te oe. Latou te iloa ua vaaia e uo lou fiafia ma, o le mea lea, ua saunia na uo e faalogo ma filifili e talia le talalelei. Ma latou te talitonu o le a avea oe ma le uo lea latou te manaomia ao latou o mai i le malo.

E le manaomia ona e fefe faapea o le a leai ni au uo ona o le valaauliaina o faifeatalai e feiloai ia i latou. E i ai ni au uo o e na teena ia faifeatalai ae na faafetai mai ia te au i le aluga o le tele o tausaga mo le ofoina atu o se mea ia i



latou sa latou iloa e matua taua ia te au. E mafai ona e faia ni uo e faavavau i le ofoina atu o le talalelei, lea latou te vaia ua aumaia ia te oe le fiafia. Aua nei misia se avanoa e valaaulia ai se uo ma aemaise lava o se tagata o le aiga e filifili e mulimuli i le fuafaga o le fiafia.

E leai se avanoa sili atu mo lena valaaulia nai lo o totonus o le malumalu o le Ekalesia. O iina o le a ofoina atu ai e le Alii ia sauniga o le faaolataga i o tatou tuaa na le mafai ona latou taliaina i le olaga. Latou te vaavaai ifo i o outou luga ma le alofa ma le faamoemoe. Ua folafola mai e le Alii o le a latou maua le avanoa e o mai ai i Lona malo (tagai i le MF&F 137:7–8), ma na Ia totoina ai se alofa mo i latou i lou loto.

O le toatele o outou ua lagonaina le olioli i le ofoina atu o sauniga o le

malumalu i isi, e pei lava ona e faia pe a e tuuina atu igoa o tagata i faifeautalai e feiloi i ai. Ua outou lagonaina le olioli e sili atu e faataunuui ai sauniga mo ou tuaa. Sa faaali mai i le Perofeta o Iosefa Samita e mafai ona maua lo tatou fiafia e faavavau pe afai tatou te ofoina atu le ala i lena faamanuiaga i o tatou tuaa e ala i sauniga sui o le malumalu (tagai i le MF&F 128:18).

O le taimi o le Kerisimasi e liliu atu ai o tatou loto i le Faaola ma i le olioli na aumaia ia i tatou e Lana talalelei. Tatou te faaalia lo tatou agaga faafetasi sili ia te Ia ao tatou ofoina atu lena fiafia i isi. O le a liua le agaga faafetasi i le fiafia ao tatou tuuina atu ni igoa i faifeautalai ma ao tatou aveina atu ia igoa o o tatou tuaa i le malumalu. O lena faamaoniga o lo tatou agaga faafetasi e mafai ona maua ai ni uo ma ni aiga e tumau faavavau. ■

#### AOAO ATU MAI LENEI SAVALI

**N**a faamalamalama mai e Peresitene Eyring e mafai ona tatou faaali atu lo tatou agaga faafetasi mo le Faaola e ala i le faasoa atu o le talalelei i isi. E mafai ona outou talanoaina faatasi ma i latou o loo e aoaoina le ala ua faamanua ai e le meaalofa o le talalelei o latou olaga. Mafaufau e valaaulia i latou e faailoa atu ma le agaga tatalo i latou, latou te mananao e faasoa atu i ai le meaalofa o le talalelei, ma le auala atonu latou te faia ai lena mea.

## Faasoa Atu Lau Molimau

**E**mafai ona e faasoa atua le meaalofa o le talalelei i lenei Kerisimasi e ala i le tuuina atu i se uo po o se tuaoi o se kopi o le Tusi a Mamona ua tusia ai i totonu lau molimau. Mulimuli i laasaga nei ina ia saunia ai:

1. I se fasi pepa, fua se faatafafa laumiumi pe  $4\frac{1}{2} \times 6\frac{1}{2}$  inisi ( $11\frac{1}{2} \times 16\frac{1}{2}$  cm) ma tuu atu i se tagata matua e fesoasoani e otiina.
2. Faaopoopo i ai sou ata—a le o se ata tusi po o se ata pue—i le pito i luga o le itulau.
3. Tusi lau molimau i lalo o lou ata.
4. Tuu atu i se tagata matua e fesoasoani e faapipii le pepa i totonu o le faavaa o le Tusi a Mamona.



## AUTALAVOU

### Mata e Mafai ona Ou Faasoa Atu se Tusi a Mamona?

Saunia e Josh Arnett

I le taimi o lo'u tausaga muamua i le aoga maua-luga, sa valaaulia ai e lo'u faiaoga seminare la'u vasega e tuuina atu ni kopi o le Tusi a Mamona i ni uo e le lolotu. E ui lava ina sa ou matuai matamuli lava, ae sa ou talia-inia le valaaulia.

Na ou faaaluina ni aso se lua e atinae ai le lototele, ae na iu lava ina ou tuuina atu i lau uo o Britny le tusi i le taimi o le 'aiga i le aoauli ma tuuina atu se molimau puupuu. Na faafetai mai Britny ia te au mo le tusi.

I le faaiuga o lena tausaga faaleaoaoga, na siitia ese ai ia Britny, ae na ma fesootai pea. Sa ia faamatala mai ia te au e uiga i lana aoga fou ma

e toetoe lava o ana uo uma o ni tagata o le Ekalesia, ae na te le talanoa mai lava ia te au e uiga i se mea faaleagaga.

Na suia lena mea ae ou te lei alu i la'u misiona. Sa ou maua se poloai mai ia Britny fai mai, sa i ai sana tala fiafia mo au: o le a papatiso o ia, ma sa ia manao e faafetai mai ia te au mo le avea ma ana uo ma le faia o se faatai-taiga lelei.

Sa ave e le Atua se tamaitiiti matamuli e 15 tausaga le matua ma e leai se aafiaga faafafeautalai ma na taitaiina o ia e faasoa atu le talalelei i se tasi na la silafia o le a talia-inia. Ou te iloa e ala i le faa-logo i le Agaga, e mafai ai e i tatou uma ona maua tagata

o loo siomia i tatou o e o loo faatalitali mai ina ia aoao e uiga i le talalelei toefuataiina. Ou te iloa pe afai tatou te fesoasoani e aumaia se tagata e toatas i le Alii, "e matua tele lava lo [oulua] olioli faatasi ma ia

i le malo o [lo tatou] Tama!" (MF&F 18:15). *O le tusitala e alala i Uosigitone, ISA.*



Ia suesue ma le agaga tatalo i lenei mataupu ma saili ia iloa le mea e faasoa atu. E faapefesa e le malamalama i le sofiuaga ma le misiona a le Faaola ona faateleina ai lou faatuatua ia te la ma faamanuia ai isi e te leoleoina e ala i faiaoga asiasi? Mo nisi faamatalaga, alu i le relief society.lds.org.

## O Le Misiona Paia a Iesu Keriso: O Le Atalii e Toatasi na Fanaua

O se vaega lenei o se faasologa o Savali a Faiaoga Asiasi e faaautu i le vaega o le misiona a le Faaola.

**O**lo tatou Faaola, o Iesu Keriso, ua ta'ua o le Alo e Toatasi na Fanaua aua ua na o Ia lava le tagata i le lalolagi na fanaua e se tina faaletino ma se Tama e ola pea. Sa maua e Ia mana faalelagi mai le Atua, Lona Tama. Mai Lona tina, o Maria, na Ia maua ai le tino faaletino ma oo ai ia te Ia le fiaai, fia inu, vaivai, tiga, ma le oti.<sup>1</sup>

Talu ai ona o Iesu Keriso o le Toatasi Na Fanaua e le Tama, ua Ia mafai ai ona maliu ma toe tu mai. Na aoao mai tusitusiga paia, “e ala i le togiola a Keriso,” tatou te “maua o se toetu” (Iakopo 4:11). Ua tatou iloa foi o tagata uma e “mafai . . . ona faatu mai o ia i le ola pea mo le ola e faavavau” pe afai tatou te “talitonu” (MF&F 29:43).

Pe a tatou malamalama atoatoa e uiga i le avea o Iesu ma Alo e Toatasi na Fanaua e le Tama, o le a faateleina lo tatou faatuatua ia Keriso. Na saunoa mai Elder D. Todd Christofferson o le Korama a Aposetolo e Toasefululu,



“O le Faatuatua ia Iesu Keriso o le talitonuga maumaututu ma le faamautinoaga lea o (1) Lona tulaga o le Alo e Toatasi na Fanaua a le Atua, (2) Lona Togiola e le iu, ma le (3) Lona Toetu moni.”<sup>2</sup> Ua molimau mai le perofeta o aso Nei: “O [Iesu Keriso] o . . . Alo pele e Toatasi i la le tino, le Togiola o le lalolagi.”<sup>3</sup>

### Mai Tusitusiga Paia

Ioane 3:16; Mataupu Faavae ma Feagaiga 20:21–24; Mose 5:6–9

#### FAAMATALAGA

1. Tagai i le *Mataupu Faavae o le Talalelei* (2009), 10–11.
2. D. Todd Christofferson, “Fausiaina o le Faatuatua ia Keriso,” *Liahona*, Sete. 2012, 13.
3. “O Le Keriso Soifua: O Le Molimau a Apostolo,” *Ensign*, Apri. 2000, 2–3.

### O Le a se Mea e Mafai Ona Ou Faia?

**1.** Aisea e taua ai ia te au le malamalama i matafaioi a Iesu Keriso?

**2.** E faapefesa ona faateleina lo tatou faatuatua a o tatou tausia o tatou feagaiga?

Faatuatua, Aiga,  
Toomaga



### Mai Io Tatou Talafaasolopito

I le Feagaiga Fou tatou te faitau ai e uiga i tamaitai, i latou e i ai igoa ma nisi e leai ni igoa, o e na faaalia le faatuatua ia Keriso, aoaoina ma ola i Ana aoaoga, ma molimau e uiga i Lana galuega, vavega, ma le mamalu sili. O nei tamaitai na avea ma ni soo lelei ma ni molimau taua i le galuega o le faaolataga.

Mo se faataitaiga, o Maretana molimau malosi e uiga i le paia o le Faaola ina ua ia faapea atu ia te la, “Ou te talitonu o oe o le Keriso, o le Alo o le Atua, le a o le a afio mai i le lalolagi” (Ioane 11:27).

O nisi o uluai molimau e uiga i le paia o le Faaola o Lona tina, o Maria, ma lona tausoga o Elisapeta. O le taimi lava na uma ai ona asiasi le agelu o Kaperielu ia Maria, sa asiasi loa [Maria] ia Elisapeta. O le taimi lava na faalogo ai Elisapeta i le faamālō a Maria, sa “faatumuina [o ia] i le Agaga Paia” (Luka 1:41), ma molimau atu o le a avea Maria ma tina o le Alo o le Atua.

# O LE A TOE AFIO MAI LE ALII I LE LALOLAGI I LE MAMALU

**O**mea uma tatou te faia i le Ekalesia—galuega faafafeau-talai, talafaasolopito o aiga ma galuega faalemalumalu, aoao atu le talalelei, ola e faapei o Keriso—e saunia i tatou ma isi mo le ola e faavavau ma mo le Afio Mai Faalua o le Alii.<sup>1</sup>

O Lona afio mai muamua—o Lona soifuaga faaletino—na molimaunina e ni tagata toalaiti lava. A toe afio mai o Ia “i le mana ma le mamalu tele,” o le a molimau i ai ia tagata uma (MF&F 29:11). O le a faafeao mai e le Afio Mai Faalua le Meleniuma, lea o le a “mau faatasi [le Faaola] ma tagata i le amiontonu i luga o le lalolagi i le afe o tausaga” (MF&F 29:11).

O loo faamatalaina i tusitusiga paia ia mea e tele o le a tutupu ao

lei oo mai le Toe Afio Mai Faalua. O nisi o na mea e aofia ai:

- O Le Liliuese Tele, o se o ese mai le upumoni (tagai i le 2 Tesalonia 2:1–3; 2 Timoteo 4:3–4).
- O Le Toefuataiga o le talalelei ma le perisitua, faapea foi ma le oo mai o le Tusi a Mamona (tagai i le Isaia 29:4–18; Galuega 3:19–21).
- O le talalelei ua talai atu i le salafa o le lalolagi (tagai i le Mataio 24:14).
- O se taimi o taua, amioleaga, ma faalavelave faalenatura (tagai i le Mataio 24:6–7; 2 Timoteo 3:1–7).
- “O mea ofoofogia i le lagi, ma i le lalolagi” (Ioelu 2:30; tagai foi i le Mataio 24:29–30; MF&F 29:14–16; 49: 23).

E ui lava e mafai ona tatou vaai i faailoga o Lona Afio Mai Faalua ua lata mai, e leai se tasi ua iloa tonu pe o le a le taimi o le a toe afio mai ai le Alii: “O le itula ma le aso e leai se tagata na te iloaina, po o agelu i le lagi, pe latou te iloaina seja oo ina afio mai o ia” (MF&F 49:7).

O nisi o le a le saunia mo le toe afio mai o le Faaola. O le a avea o se taimi taufaafefe mo e amioleaga, ae o se taimi o le filemu ma le manumalo mo e amiontonu. O lea, na aoaoina ai i tatou e tusitusiga paia ma perofeta o aso e gata ai ina ia tatou ola sauniuni e feiloai ma lo tatou Faaola po o le a lava le taimi e toe afio mai ai o Ia. Na aoao mai le Alii:

“Ma i lena aso, pe a Ou alu atu i lo’u mamalu, o le a faataunu ai le faataoto na Ou tautala atu ai e faata-tau i taupou e toasefulu.

“Aua o i latou o e e popoto ma ua latou talia le upumoni, ma ua latou ave le Agaga Paia mo o latou tai-alai, ma sa lei faaseseina—e moni Ou te fai atu ia te outou, o le a lē tatuuina i latou i lalo ma lafo i le afe, ae o le a latou gafatia le aso” (MF&F 45:56–57; tagai foi i le Mataio 25:1–13). ■

Mo nisi faamatalaga, tagai i le Luka 21; 2 Peteru 3; Mataupu Faavae ma Feagaiga 45:16–52; 88:87–107; 133:17–56.

## MANATUA

1. Tagai, mo se faaitaiga, David A. Bednar, “O Le A Liliu Atu Loto o Fanau i o Latou Matua,” *Liahona*, Nov. 2011, 24; and Neil L. Andersen, “Sauniaina o le Lalolagi mo le Afio Mai Faalua,” *Liahona*, Me 2011, 49.



“Matou te tautino atu o le a i ai se aso e toe afio mai ai [Iesu Keriso] i le lalolagi. ‘Ona faaalia mai ai lea o le pupula o leova, e vaaia lava e tagata uma faatasi’ (Isaia 40:5). O le a pule o la o le Tupu o Tupu ma nofotupu foi o le Alii o Alii, ma o le a tootuli tulivae uma ma tapua’i laulau-faiva uma ia te la. O le a tatou tutu atu taitoatasi ina ia faamasinoina e la e tusa ma a tatou galuega ma manaoga o o tatou loto

*“O Le Keriso Soifua: O Le Molimau a le Au Apostolo,” Ensign, Apr. 2000, 2–3.*



A o lumanai le toe  
Afio Mai Faalua, o  
le a i ai mafuie, afa,  
ma faititili ma uila,  
ma galu o le sami  
e fafati mai i latou  
e "tiaina o latou  
tuaoi" (tagai i le  
MF&F 88: 89–90).



"E muamua ona liua le la  
i le pouliuli, ma le masina  
i le toto, i le oo ai i le aso  
tele ma le silisili o leova"  
(loelu 2:31).



O e amiontonu o le a  
toetutu ma aveina  
ae e faafetaiai le  
Faaola i ao (tagai i  
le MF&F 88:95–97).



O le a toe afio mai le Faaola i le  
mamalu: "Ma o le a matua tele  
lava le mamalu i ona luma o le  
a natia ai e le la ona mata i le  
maasiasi" (MF&F 133:49).

O le a tu ai le Faaola i luga  
o le Mauga o Olive, ma o  
le a fesili atu tagata lutaia,  
"O a ia manua ua i ou lima  
ma ou vae?" Ona tali atu lea  
o la, "O nei manua, o manua  
ia na Ou manua ai i le fale o  
a'u uo. . . . O A'u o lesu o le  
na faasatauroina." (Tagai i le  
MF&F 45:48–52.)

# FESOASOANI I FANAU IA ILOA LE AGAGA PAIA

Saunia e Merrilee Browne Boyack

*E mafai ona tatou faaaoga auala eseese e fesoottai mai ai le Agaga Paia e fesoasoani ai i a tatou fanau ia atiina ae molimau.*

le avea ai ma matua o ni atalii e toafa, ma te saili e le aunoa ma lo'u toalua ni auala e fesoasoani i la maua fanau e lagona le Agaga ma maua se molimau. Sa i ai se mea taua na matou malamalamai i ai i se auala tulaga ese. Sa ou tu i se faleoloa i le taimi na oo mai ai le unaiga.

O togia le ma atalii ulumatuia i lana vasega o suesuega faaagafesootai na amata ona alu i lalo. Sa ma talanoa ia te ia e uiga i ai, faamalosiau ia te ia e suesue malosi atili, ae sa leai lava se tulaga faaleleia. Na ma tatalo mo ni manatu e fesoasoani ai ia te ia. I se tasi aso i totonu o se faletusi, sa ou maua se unaiga malosi e faatau se tusi mai se faaputuga o tusi lea sa faia ai se faatautui.

O le tusi e faatatau i le ala e tofu ai i tatou taitoatasai ma auala eseese e aoao ai. E toatele tagata e aoao i mea faitino, o lona uiga e lelei le latou aoao e ala i mea latou te vaaia. O nei tagata e masani lava ona fiafia i faatufugaga ma le faitautusi. O nisi e lelei le aoao i mea latou te faalogo i ai. E sili atu le latou faagaoioia o faamatalaga pe latou faalogo i ai. O nei tagata e masani ona fiafia i musika. Ma le vaega mulimuli, o nisi o tagata e lelei le latou aoao i mea e feminoiai. E sili atu ona latou aoao pe a aafia ai le feoai solo po o ni gaoioiga. O nei tagata aoao latou te tauivi i nisi taimi i le aoga pe a taumafai faiaoga e



faanofo filemu i latou. E lelei le latou aoaoina pe a latou feminoia'i solo.

Sa i ai iina le tali! O le ma atalii na mautinoa lava o se tagata e aoao i le faalogo—e fiafia i musika ma le talanoa! Sa ma iloaina e matele lava ina aveese mai le vasega mo nisi gaoioiga i le taimi o suesuega faagafesootai ma

sa ta'u atu e le faiaoga e alu i le fale ma faitau mea na tusitusia. Sa ia tauivi aua na te lei faalogo i talanoaga a le vasega. O le taimi lava na ma malamalamai i lenei mea, na ma faamalosiau atu ia te ia e faitau leotele ana meaaoga ua atofaina atu ona matou talanoaina faatasi lea. Na toe oso i luga ona togia.

## Lagolagosua i Aafiaga Faaleagaga

Ae e lei gata ai iina lo ma malamalamaaga i ituaiiga o aoaoga. Na ma iloaina ao ma suesue atili i lenei mea ma matauina le ma fanau ma faapea e matele lava ina aoaoina e le Agaga Paia a tatou fanau i auala e sili ona latou aoaoina ai. Na aoao mai le Perofeta o Iosefa Samita e faapea, e tau-tala mai le Agaga ia i tatou i la tatou gagana ma le auala e mafai ona tatou malamalama ai. E fetuunaia e le Agaga Paia Lana gagana ina ia malamalama i ai tagata uma, e oo lava i fanau iti. "E avanoa lo tatou Tama Faalelagi mo i tatou i taimi uma lava. E fetuutuunai o Ia i lo tatou tulaga o le malamalama. "Afai e afio mai o Ia i se tamaititi laitiiti, o le a fetuunai o Ia lava i le gagana ma le gafatia o se tamaititi laitiiti" (Iosefa Samita, i *Talafaasolopito o le Ekalesia*, 3:392).<sup>1</sup>

O le iloaina e fetuunai e le Agaga Lana fesootaiga mo lo tatou malamalama, e mafai ona faamalosiau atu ai i matua e fatu ni avanoa mo a latou fanau e faalogo ai i aoaoga mai le Agaga Paia i auala o le a sili atu ai ona latou malamalama i ai. "E aoaoina lau fanau uma lava e Ieova; e tele foi le manuia o lau fanau" (Isaia 54:13).

E pei ona ou ta'ua, o le metotia autu lava e aoao ai le ma atalii ulumatua o le faalogo. E fiafia uma lava i lau ma le ma atalii lona tolu i musika, ma o lea la e tele lava ina ma tātāina ai ni musika matagofie mai le Aufaipese Tapeneko Mamona, faapea foi ma fatuga tuai o musika. Sa la lagonaina loloto le Agaga i lenei siosiomaga. E tele foi ina faia ni matou lesona mataalia e faatau i le talalelei, ma na fesoasoani lenei mea ia te i lau e aoao ai i upu moni lea sa faamalosiauina

e le Agaga a o la faalogo atu i ai.


O le isi atalii sa matele lava i le aoao i mea faitino. Sa fiafia e faitau ma e sili le lagona o le Agaga ao faitauina tusitusiga paia po o tusi e faaogatotonu ai le talalelei. Sa ma tuuina atu ni tusi se tele mo ia e faitau lea na fesoasoani ia te ia ia lagona ai le Agaga ma maua se molimau. Sa matou faapipiina foi ni ata o le vaaiga o le talalelei ma faaupuga i luga o o matou puipui ina ia avea ai lo matou fale ma se tau-mafataga o le aoaoina o mea faitino.

O le ma atalii lona lua o se tagata e aoao i mea faitino ma le feminoiai. O ia o se tamaititi matuai tiotio lava ma e sili ona fiafia e tietie uila po o se savaliga sopo ma lona tama. Na matou iloaina, na sili atu le lelei o lona lagonaina o le Agaga pe a i ai i fafo ma fealuai solo. Na tele ni matou malaga mo tolauapiga faaleaiga lea na matou talanoa ai e uiga ia Iesu Keriso, le Foafoa, ma le ata o le faaolataga. O nei savali na oo atu i le ma atalii lona lua i se auala mamana ao ia auai i nei gaoioiga.

Na ma iloaina foi ma lou toalua o le aoao e ala i le feosofa'i solo e mafai ona tupu pe a faia ni auauunaga. O lea e anoanoai ni gaoioiga auauuna atu na matou faia ma le ma fanau ina ia mafai ai ona latou vaai, faalogo, ma auai. O lenei mea na fatuina ai se siosiomaga matagofie lea e mafai ai e le ma fanau tama uma ona faaaoga ia lesona o le alofa mama ma le auauunaga faa-Keriso, ma o nei galuega faatino na matuai luluina ai lava le ma atalii lona lua.

## Faalogo ma Malamalama

Sa matou iloaina foi e "lagona" e tagata le Agaga Paia i ni auala eseese.



Sa ou aoaoina se lesona o le Aoga Sa i ni tagata fou e lei leva ona liliu mai, ma sa ou tuuina atu se fesili faapea, "E faapefea ona e lagonaina le Agaga?" O a latou tali na matuai malamalama lelei. Fai mai se tasi, "Ou te lagona le manino o o'u mafaufauga." O le isi na faapea mai, "Ou te lagona le mafanafana i totonu," ae faasoa mai se isi, "Ou te lagonaina se lagona loloto o le filemu." O se tamaitai o le sa avea ma se tagata o le ekalesia mo ni nai masina na fai mai, "Ou te lagona le manitiniti atoa o lou tino!" Ma o nisi sa ta'ua e i ai taimi latou te "lagonaina" ai se leo o tautala atu ia te i latou po o ni manatu fou o le a oo ia te i latou.

Na aoao mai Elder Dallin H. Oaks o le Korama a Aposetolo e Toasefulua: "I ona tulaga e sili ona lauiloa, o faaaliga po o musumusuga e oo mai e ala i upu po o manatu e fesootai atu i le mafaufa (tagai i le Enosa 1:10; 8:2-3 MF&F), e ala i le malamalama faafuasei (tagai i le 6:14-15 MF&F), e ala i lagona lelei pe leaga e uiga i ni fuafuaga faatino na fautuina mai, pe ala mai foi i faafiafiaga musuia, e pei o faiva i faafiafiaga. . . . "O musumusuga



e tele ina oo mai o se lagona nai lo o se leo.”<sup>2</sup>

E manino lava o i tatou taitoatasi e mafai ona faalogo ma lagonaina le fesootaiga a le Agaga Paia i ni auala eseese. E tatau ona tatou galulue i tua atu nai lo na o le aoao atu o tamaiti o le a latou maua se lagona mafanafana, aua atonu latou te le maua se na lagona; atonu latou te maua uunaiga i se ala e ese mai.

Na faamatalaina e Elder Jay E. Jensen, o le na avea muamua ma au Peresitene o Fitugafulu, le tala lenei e uiga i se tasi o le Korama a Apostolo e Toasefululua o lē na alu sana asiasiga taamilo i se misiona. I le va o konafesi faalesone, na faliu atu

lenei Apostolo i se tasi o Fitugafulu lea na saunoa i le konafesi talu ai ma faapea atu, “Ou te mafaufau pe e te lei tuuaina se manatu i mafaufau o faifeautalai ua atili tele ai faafitauli nai lo mea e mafai ona e foia. A o ou femalagai i le Ekalesia atoa, e toalaiti lava ni nai tagata ua ou iloa na maua se lagona o le mu o le loto. O le mea moni, sa toatele ni tagata na tau mai ia te au ua latou le fifia ona latou le’i mauaina lava sea lagona, e ui lava na latou tatalo pe na anapopogi mo ni vaitaimi uumi.” Sa faaaauau pea le faamatalaga a Elder Jensen: “I le aluga o tausaga, sa ou taumafai e aoao ia auala eseese lea e galue ai le Agaga o le Alii. E moni, e fetalai mai le Atua

mai le lagi, ae na te faaalia, faamautu, pe tuuina mai le taitaiga i ni auala eseese.”<sup>3</sup> E taua tele le aoao atu o a tatou fanau e tatau ona latou aoao e faalogo i le Agaga i le ala e talanoa mai ai o Ia ia i latou.

A o tatou aoaoina a tatou fanau, ua tatou faasoa atu ia mataupu faavae o le faatuatua, salamo, papatisoga, ma le meaalofa o le Agaga Paia. O le aoao atu o i latou e faalogo ma malamalama i musumusuga e oo mai ia i latou, e taua mo lo latou alualu i luma faale-agaga. Na fautuaina i tatou e Peresitene Gordon B. Hinckley (1910–2008) e faapea, “O le a manaomia e [lau fanau] le malosi ma le faatuatua uma e mafai ona e tuuina atu ia i latou a’o latou latalata atu ia te oe. Ma o le a latou manaomia foi se malosiaga sili atu lea e sau mai i se mana e maualuga atu.”<sup>4</sup>

O le mauaina o le taiala ma le taitaiga mai lo tatou Tama Faalelagi e ala i le Agaga Paia, o se faamanuiaga sili i o tatou olaga. A o tatou aoaoina a tatou fanau i auala e maua ai ma gauai atu ai i nei uunaiga, lagona, ma faatonuga, o le a latou maua ni molimau patino o le a tuu atu ai ia te i latou le malosi i le lumana. E mafai ona avea le Agaga Paia ma a latou soa tumau, ma o le a mafai ona latou lagona atili o Ia. I le avea ai ma matua e mafai ona tatou fesoasoani i lenei faagasologa ma fesoasoani e faamanui a tatou fanau. ■

*E alala le tusitala i Kalefonia, ISA.*

#### FAAMATALAGA

1. Gérald Caussé, “E oo Lava i se Tamaititi e Mafai Ona Malamalama,” *Liahona*, Nov. 2008, 32.
2. Dallin H. Oaks, “O Mafuaaga e Valu mo Faaaliga,” *Liahona*, Sete. 2004, 8.
3. Jay E. Jensen, “Have I Received an Answer from the Spirit?” *Ensign*, Apr. 1989, 21–22.
4. Gordon B. Hinckley, “O i Latou Nei, o a Tatou Fanau,” *Liahona*, Tes. 2007, 7.

# SALAMO

**O**le Togiola a le Faaola o Iesu Keriso ua mafai ai ona salamo, ma e ao i tagata uma ona salamo.

O nisi taimi tatou te fefefe ai pe afai o le tuga tele o le natura o se agasala e manaomia ai le ta'uta'u atu i se epikopo po o le peresitene o le paranesi, o le faamalamalama mai lea a Elder Bradley D. Foster o le Fitugafulu i se tusiga o loo i itulau e 54–55 o le lomiga o le masina lenei. Ae ui i lea, “o i latou o e sa malaga i le auala o le salamo o le a ta'u atu ia te outou e le gata e mafai ona faia le malaga ae afai sa e i ai iina ma toe tepa i tua, o le mea lenei o le a e vaaia:

*E mafai ona e faia lenei mea. Ma pe a e faia, o le a lelei mea uma. . . .*

*“O le taimi lava e te amata ai, o le a e lagona le matuu atu [o se avega]. . . .*

*“O lou epikopo o le a fesoasoani ia te oe i lenei mea. O le a e alofa ia te ia ma o le a le galoo ia.”*

## Fautuaga mo le Aoaoina o le Autalavou

Faitau faatasi ma lou [alo] talavou le vaega e uiga i le salamo i le *Mo le Malosi o le Autalavou*. Ia talanoaina faamanuiaga e mafai ona tatou maua e ala i le Togiola ma le ala ua mafai ai e le salamo lenei mea.


E mafai foi ona e faasoaa atu lau molimau e uiga i le salamo ma le Togiola ma o laua uiga i lou olaga. Atonu foi e te manao e fai atu i au

talavou e faasoaa mai a latou molimau o le salamo ia te oe. Ma pe a talafeagai ai, e mafai ona e valaaulia ni fanau talavou ina ia fesoasoani i uso ma tuafafine laiti i le gaoioiga o loo faamatala atu i lalo.

## Fautuaga mo le Aoao Atu o Tamaiti

Ina ia faaalia le uiga o le tumau i le ala ua poloaiina ai i tatou e le Alii e mulimuli ai, mafaufau e faaaoga se taavale meataalo (po o se vaalele, vaa, po o se taavaletoso) i se lesona faatino. Faaaoga se faafanua ma fai atu i le tamaitiiti e faame'i atu le taavale mai se tasi tulaga i luga o le faafanua i le isi. Fesili atu, “O le a se mea e tatau ona fai pe afai e amata ona se ese le taavale mai le ala?”

Afai e manino a se ese le taavale, e tatau ona toe aumai i le ala sa'o, fesili atu pe faapefea ona pei lenei mea o le salamo. Faamalamalama atu e faapea, o nisi taimi a o tatou femalagaaai ai i le olaga, e tatau ona suia lo tatou taiala ina ia mautinoa o tatou agai atu i le ala sao. O nisi taimi e mafai e i tatou lava ona faia lenei mea. Ae o nisi taimi tatou te manaomia le fesoasoani. Fai atu i tamaiti e tau mai ni taimi na latou fesoasoani ai ia i latou lava, ni taimi na fesoasoani ai nisi ia i latou, ma auala e mafai ona fesoasoani ai le Tama Faalelagi ma Iesu Keriso ia i latou. Ao e aoao atu lenei autu, ia manatua o tamaiti e



## O MAU E UIGA I LE SALAMO

Faataoto 28:13

Isaia 1:16–18

Enosa 1:2–8

Mosaea 4: 1–3; 26:30–31

Alema 34:32–33

Helamana 12:23

3 Nifae 9:20–22

Mataupu Faavae ma Feagaiga

18:10–13; 58:42–43

i lalo o le valu tausaga e le faamasinoina ma e le manaomia ona salamo, ae e taaa tele mo i latou le aoao e uiga i le mataupu faavae o le salamo.

Ia talanoaina a latou tali faatasi ma i latou ma talanoa e uiga i le auala e avea ai le salamo o se meaalofa mai le Tama Faalelagi ma Iesu Keriso lea e mafai ai ona tatou toe foi atu ia i Laua. ■

# TALA FOU O LE EKALESIA

Asiasi ane i le news.lds.org mo se faaopoopoga o tala fou ma mea e tutupu i le Ekalesia.

## Saunoa Atu Elder M. Russell Ballard i le Au Paia i Europa

O le faatuatua na faaalia e paonia Europa anamua ua manaomia i le taimi nei pe afai o le a faaalualuina i luma e le Au Paia o Aso e Gata Ai le Ekalesia ma le malo o le Atua, na saunoa i ai Elder M. Russell Ballard o le Korama a Apostolo e Toasifululua i le taimi o se faasalauga na tuuina atu i tagata o le Ekalesia i Suetena, Tenimaka, Finelani, ma Nouei.

“O le a le tulaga o le a i ai Le Ekalesia a Iesu Keriso o le Au Paia o Aso e Gata Ai i le 20 tausaga o i le lumana'i totonu o outou atunu?” Na saunoa Elder Ballard. “O le a faafefea ona tatou tali atu i tagata Scandinavian anamua a le Ekalesia pe afai

**O Elder M. Russell Ballard o le Korama a Apostolo e Toasifululua o loo tutu faatasi ma tagata o le Ekalesia ina ua maea se sauniga i Suetena ia luni.**



e le mafai ona tatou lipoti atu o lo tatou faatuatua, lototoa, amioga na tutusa ma i latou, ma sa tatou faia ni taumafaiga sili atu e faamalosia ai le Ekalesia i uarota, paranesi, siteki, ma itu uma?”

O le faasalalauga o se tasi o vaega o le asi-asiga talu ai a Elder Ballard i Stockholm, Suetena; Lonetona, Egelani; ma Paris, Farani.

Na feiloai atu Elder Ballard ma faifeautalai o loo faamisiona i Suetena ma saunoa atu i talavou matutua nofofua i Stockholm. O lena sauniga na faasalalauna atu i faletapuai e 402 i le Atu Europa. Sa ia saunoa atu e uiga i le taua o le faaipoipoga ma faamamafaina atu ai o filifiliga o loo faia e talavou matutua e uiga i le ola i mataupu faavae o le talalelei o le a fuafua ai le lumana'i o le Ekalesia. Sa ia luiina i latou taitoatasi ina ia oo atu i le faaiuga o le tausaga ua latou aumaia se tagata se toatasi i le Ekalesia po o le toe faamalosia mai o se tagata i le Lotu.

Na saunoa atu foi Elder Ballard i tagata o le Ekalesia i le konafesi a atunu i matusisifo Europa lea na faasalalauna i faletapuai uma i Suetena, Tenimaka, Finelani, ma Nouei. O le aofai o tagata auai a le Ekalesia i atunu i matusisifo Europa e silia ma le 23,000 tagata i aulotu e 123.

I Lonetona, Egelani, na fono faatasi ai Elder Ballard ma Elder José Teixeira, Peresitene o le Eria o Europa ma faifeautalai o loo faamisiona i Misiona a Lonetona ma Lonetona i Saute. Na faalogologo ia le fia selau o faifeautalai i le molimau a Elder Ballard ma lagona lona naunautaiga mo le galuega faafaifeautalai.

I Farani na fono faatasi ia Elder Ballard ma faifeautalai i Versailles. Sa ia asia foi le nofoaga o le a fausia ai le Malumalu o Paris Farani i le lumana'i, lea na faalauiloa i le konafesi aoao ia Oketopa 2011. ■

*Mai se tala na sauniga e Sarah Jane Weaver,  
Church News.*

## Lolomiina ma Faasalalaunina atu le Tusi a Mamona i le gagana Meleisia

**U**a faalauiloa atu e le Ekalesia le Lolomiina ma le faasalalaunina atu o le Tusi a Mamona i le gagana Meleisia, ma ua atoa i ai le 109 o gagana mo lenei tusi o mau. Na maua le Tusi a Mamona i le gagana Silovakia ia Mati o lenei tausaga. O le gagana Meleisia o le gagana tautatala lea o atunu Asia i Sautesasae o Meleisia, Sigapoa, Initonlesia, ma Initia.

Ua maua nei le Tusi a Mamona i le gagana Meleisia i faletusi autu o le Ekalesia ma faleoloa i luga o le initonet i le store.lds.org (aitema 35607 348) ma le scriptures.lds.org.

## Punaoa mo le Aoaoina o Fanau i le LDS.org

**M**o le tele o tausaga, na faalelei a mai e faiaoga, taitai, ma matua a latou aoaoga o le talalelei i le fesoasoani mai o mekasini o le *Friend* ma le *Liahona*. I le taimi nei o loo maua nisi o nei punaoa e tasi i luga o le initonet i le LDS.org ma faatulagaina ina ia faigofie ona e mauaina ia fesoasoani o lesona o loo e sailia.

E mafai ona e sailia ia punaoa i autu, vaega, ma faapea foi i numera o lesona o le Peraimeri i le faaPeretania i le taina i totonu o "Punaoa mo le Aoaoina o Tamaiti" i le pa saili o le LDS.org. E mafai foi ona e sau i le itulau lenei mai le itulau o le tusi lesona o le Peraimeri.

O loo maua foi ia vaega o autu o Punaoa mo le Aoaoina o Tamaiti i le gagana Sipaniolo ma le Potukale ma e mafai ona mauaina uma i le LDS.org po o le itulau autu o le *Liahona* i gagana nei.

O punaoa e aofia ai ia tala, gaoi-oiga, tusiga o le *Liahona*, ma isi ala o faasalalauga ua faatagaina e le Ekalesia mo le aoaoina o tamaiti i le fale po o le lotu. O le a faaopoopoina nisi autu i masina taitasi.

*Mai se tala na saunia e Camille West, LDS.org Tala Fou ma Mea e Tutupu.*

## Ua Faamanatuina e le Peraimeri le 135 Tausaga

**F**armington, Iuta, ISA, i le 135 tau-saga ua mavae, na popole Epikopo Ioane W. Hess e uiga i amioga a tamaiti o lana uarota. Na ia valaauna faatasi ia tina o le uarota ma talanoa atu e uiga i le taua o le taiatalaina o manatu o tamaiti laiti.

Na faalogologo ia Aurelia Spencer Rogers, ona talanoa atu lea ia Eliza R. Snow, o le na asiasi atu i Farmington i le tautoulu o le 1878. Na feiloai atu Sister Snow i le Peresitene o le Ekalesia o Ioane Teila, lea na faatagaina ai Epikopo Hess e faatu se faalapotopotoga mo tamaiti i lana uarota. Na

faatulagaina aloaia le Sosaiete a le Peraimeri a le Uarota a Farmington i le aso 11 o Aokuso, 1878, ma o Sister Rogers na avea ma peresitene.

I le aso, pe tusa ma le tasi miliona tamaiti i le lalolagi atoa ua maua fesoasoaniga mai le Peraimeri i vaiaso taitasi. O loo taumafai ia taitai ma faiaoga o le Peraimeri e lagolago ia matua ia latou matafaioi o le fesoasoani i fanau ina ia maua ni molimau i le Tama Faalelagi, Iesu Keriso, ma le talalelei toefuataiina. ■

*Mai se tala na faamatalaina e Rosemary M. Wixom, Jean A. Stevens, ma Cheryl A. Esplin, Au Peresitene Aodo a le Peraimeri.*



**O Le Uluai Fonotaga a le Asosi o le Peraimeri, saunia e Lynn Fausett ma Gordon Cope.**



**O loo taumafai ia taitai ma faiaoga o le Peraimeri e fesoasoani atu i fanau ina ia maua ni molimau i le Tama Faalelagi, Iesu Keriso, ma le talalelei toefuataiina.**

© PULETAORIA E LEIRI

ATA NA PUENIA E CHRISTINA SMITH © PULETAORIA E LEIRI



Saunia e Elder  
Bruce D. Porter  
O Le Fitugafulu



# OMAI, TATOU VII IA TE IA

*Soo se mea e fusia faatasi ai i tatou—  
agasala, tulaga, po o mea na tutupu i taimi  
ua tuanai—ua oo mai le Alii o Iesu Keriso, le  
Emanueli silisili, e faasaoloto ia i tatou.*

**E**silia ma le 700 tausaga a o lei oo i le soifua mai o Iesu Keriso, sa vavaloi ai Isaia ia te Ia i upu na faamaluina ai i le galuega faamusika a George Frideric Handel o le *The Messiah*: “Aua ua fanau mai mo i tatou le tama, ua foaiina mai mo i tatou le atalii, e i lona ua le malo, e igoa foi o ia, o le Silisili ese, o le Faipule, o le Atua malosi, o le Tama o le faavavau, o le Alii o le Filemu” (Isaia 9:6).

O le fatuga a Handel o le *Messiah* ua faaalia ai i se faa-aliga matagofie faamusika le apoapoaiga lenei, e faavae i le Isaia 40:9: “O oe le au mai le tala lelei ia Siona, . . . Ia matua leotole, o oe le au mai le tala lelei ia Ierusalem; ia leo tele, aua le fefe; fai atu i le aai o Iuta, Faauta i lo outou Atua!”<sup>1</sup>

Faauta i lo outou Atua, na soifua mai o se pepe i Peteleema na aui i ie. Faauta i lou Atua, na soifua mai i le mativa ma le faatauvaa ina ia mafai ona Ia femaliua’i i tototon o tagata masani o se tagata le taualoa. Faauta o lo outou Atua, o le Togiola lava e le i’u ma faavavau, ua faaofuina i le tino ma afio mai e soifua i le lalolagi lava lea na Ia foafoaina.

Tatou toe tepa atu i lena uluai Kerisimasi paia i Peteleema e mafaufau i le soifua mai o lo tatou Alii. Na afio mai o Ia i le taaligoligoa o le po, i le ogatotonu o taimi, o Ia o Emanueli (tagai i le Isaia 7:14), o le Pogai o Iese (tagai i le Isaia 11:1), o le Totogo a’e o le Aso Fou (tagai i le Luka 1:78), o le Alii Silisili Ese (tagai i le 2 Korinito 6:18). O lona soifua mai na faailoga ai le asiasiga folafolaina a le Foafoa o le lalolagi,



o le faamaualalo o le Atua i le tagata (tagai i le 1 Nifae 11:16–27). E pei ona tusia e Isaia e uiga i le mea na tupu, “O le nuu sa sava-vali i le pouliuli ua latou iloa le malamalama tele: o e sa nonofa i le nuu o le ata o le otí, ua pupula mai ia te i latou le malamalama” (Isaia 9:2).

Ua tatou iloa mai faaaliga o onaponei, na afio mai lē na muai faauuina o le Tupu o Isaraelu i le lalolagi i le vaitau o le tautotogo (tagai i le MF&F 20:1). Na valoia e Mika o le a soifua mai o Ia i Peteleema—“e itiiti oe i le afe o Iuta” (Mika 5:2). O le afioaga na Ia soifua mai ai o loo taoto i le ataata o Ierusalema malosi, lea e lima maila (8 km) i le itu i matu. O Ierusalem o le laumua o Iutaia, o le aai sa i ai le malumalu ma le malosiaga o Roma. O Peteleema, e ese ai, o se taulaga maotua e atinae ai laautotō ma tausi ai lafumanu. Ona pau lava le itu na lauiloa ai ona o le nuu na fanau ai Tavita, le tupu anamua o Isaraelu e ala mai i lona gafa o le a soifua mai ai Keriso; o le mea lea, o le nuu laitiiti sa masani ona ta'ua o le Aai o Tavita. O lona igoa faaEperu, *Beth Lechem*, o lona uiga o le “fale o areto,”<sup>2</sup> se igoa sa leai se taua faapitoa seia oo ina soifua mai Le o le a ta'ua o le Areto o le Ola.

O laufanua e siomia ai Peteleema na avea ma nofoaga o le tele o lafu mamoe, ma o le amataga o le tautotogo o le vaitau masani lea o le fanau mai [o tamai mamoe]. O le tele o po e feala ai lava leoleo mamoe, e vaai a

*Sa silafia e  
le Faaola le  
olaga mai  
itu uma ma  
vaaiga uma,  
i luga ma  
lalo. O Ia o  
lē sili na faia  
o Ia lava e  
aupito faa-  
tauvaa—  
o le Leoleo  
Mamoe Fa-  
lelagi na avea  
ma Tamai  
Mamoe.*

latou mamoe i lalo ifo o le lagī lagilelei; o lea, o agelu sa faalauiolaina le fanau mai o le Faaola, sa le manaomia ona latou tau fafagua i latou.

### O Le Tamai Mamoe a le Atua

O le tamaitiiti na taunuū mai i le vaitau o le fananau mai na lauiloa “O Le Tamai Mamoe a le Atua” (Ioane 1:29; 1 Nifae 11:31; MF&F 88:106). O se faalupega e loloto lona taua, aua na taunuū mai o Ia faatasi ma tamai mamoe ma o le a i ai se aso e “taitaiina ia fasia, e pei o le mamoe” (Isaia 53:7). Ae o le taimi lava foi lea, o Ia foi o le Leoleo Mamoe Lelei (tagai i le Ioane 10:11), o lē e popole mo tamai mamoe. O lea la, o nei faatusa e lua o Lona soifuaga ua faatusa ia i latou o e faia auauanga ma i latou o e tuuina atu i ai auauanga. O se mea talafeagai le faataunuū e Keriso o matafaioi uma e lua, aua i le olaga na Ia “afio ifo o ia i lalo o mea uma” (MF&F 88:6), ma i le faavavau na Ia “afio ae i luga” ma o loo i totonu ma i ai e ala atu ma ua “faataamilo i mea uma” (MF&F 88:6, 41). Sa Ia silafia le olaga mai itu uma ma vaaiga uma, i luga ma lalo. O Ia o lē sili na faia o Ia lava e aupito faatauvaa—o le Leoleo Mamoe Faalelagi na avea ma Tamai Mamoe.

O Lona afio mai sa sili atu nai lo na o le fanau mai o se perofeta maoae, o le oo mai o se suli na folafola mai i le nofoalii mamalu, po o le taunuū mai foi o le tagata e toatasi

ua atoatoa o le a feafioai i le lalolagi. O le afio mai o le Atua o le lagi “e feafioai i luga o lona tuuvae ma avea e toetoe lava a pei o le tagata.”<sup>3</sup>

O Iesu Keriso o le Foafoa o le lalolagi ma o le Ieova Silisili o le Feagaiga Tuai. O Lona siufogoa lea na faalogoina i luga o Mauga o Sinai, o Lona mana na puipuia ai Isaraelu filifilia i ana feoiga, ma o Lona afioaga na faaalia mai ia Enoka, Isaia, ma perofeta uma le mamalu o mea e oo mai. Ma o iina ua ai taoto le vavega aupito maoae o le Fanau Mai o Iesu: ina ua uluai faaali mai e le Atua ma le Foafoa o le lagi ma le lalolagi o Ia lava o le tagata i le lalolagi, sa Ia filifili e faia lena mea i le avea ai ma se tama meamea—vāivai ma ia tausia.

Sa ta'ua e faapea o se aganuu faa Eperu anamua, o le a fanau mai le Mesia i le Paseka. Ua tatou iloa sa pau moni lena Aperila i le ogatotonu o taimi i le vaiaso o le tausamaaga o le Paseka—o lena faamanatuga paia e tagata Iutaia o le laveaiga o Isaraelu mai le agelu o le faafanoga lea na aumaia ai le oti i atalii ulumatuua o Aikupito. Na faasaoina ai aiga taitasi o Isaraelu na ositaulagaina se tamai mamoe ma olo lona toto i luga o pou laupapa o faitotoa o o latou fale (tagai i le Esoto 12:3–30). I le tolusefulu-tolu tau-saga ina ua mavae le soifua mai o le Keriso i le Paseka, sa pisia i Lona toto luga o pou laupapa o se satauro ina ia laveai ai Lona nuu mai agelu o le faafanoga o le oti ma le agasala.


O le taumafataga o le Paseka atonu o le mafuaaga lea na leai ai se potu i le faletalimalo mo Maria ma Iosefa. O le faitauao fai o tagata Ierusalem sa fiasefulu afe le toatele i le taimi o le Paseka, na faapea ona faamalosia ai tagata malaga e saili ni nofoaga e faamautu ai i taulaga taulalata ane. Sa o atu Maria ma Iosefa i Peteleema, i le aiga o tuaa o Iosefa, e faataunu ai tulaga manaomia o se tusigaigoa aloaia na poloaiina e Kaisara Aokuso.

O le tulaga manaomia o le tusigaigoa e faatagaina ai i latou ona o atu i Peteleema i soo se taimi o le tausaga, ae atonu sa latou filifilia le vaitau o le Paseka ona o le tulafono Faamose sa moomia ai ia oo atu alii uma i Ierusalem i le Paseka.<sup>4</sup> Ona o Peteleema sa toeitiiti lava sosoo ma le Aai Paia, o lea sa mafai ai e le ulugalii mai Nasareta ona faia ni matafaioi se lua i le taimi e tasi.

E tele taimi na faapea ai o le pule o le faletalimalo sa fai si lauiloa i se mea faalelelei. Ae ona o le tumutumu o lena vaimea i le vaitaimi o le Paseka, e le mafai ai ona tatou tuuaia o ia i le leai o se potu e ofo atu i le ulugalii mai Nasareta. E ui o le toatele o tagata na malaga atu mo le Paseka sa tolauapi i fafo i le faitau afe o faleie na faatutu i laufanua na siomia ai Ierusalem, ae sa su'e e le faitauafe o isi ni malutaga i faletalimalo o le lotoifale. Sa le masalomia foi le tumu saisai o le faletalimalo o Peteleema, ma atonu o le ofoina atu e le pule o le faletalimalo o le fale o manu, o se faatinoga lea o le agalelei moni.

E tusa lava foi pe na maua e le ulugalii se avanoa i le faletalimalo, semanu la te nonofo foi i ni tulaga faatauvaa ma lē taualoa. O aso na, o se faletalimalo

*Sa ta'ua e  
faapea o se  
aganuu faa E-  
peru anamua,  
o le a fanau  
mai le Mesia  
i le Paseka.  
Ua tatou iloa  
sa pau moni  
lena Aperila i  
le ogatotonu  
o taimi i le  
vaiaso o le  
tausamaaga  
o le Paseka.*



masani o se fale na fai i maa e i ai ni nai potu laiti, o ia potu e na o le tolu puipui, ae o le isi itu e taalaelae lava e iloa uma mai lava e tagata. Ae peitai, o le fale o manu, atonu o se lotoa e punipuni po o se āna papa amu, lea na tuu ai manu e ā mālō.<sup>5</sup> E tusa a la po o totonus o le lotoa, āna, po o se isi malutaga, o le soifua mai o Keriso i le [nofoaga] o manu sa i ai se tulaga lelei manino e tasi nai lo o potu tumutumu o se faletalimalo: na lelei iinei ona e filemu ma na o i la'ua. I lenei la tulaga, o le ofoina atu o le fale o manu sa o se faamanuiaga, na mafai ai ona faataunu le fanau mai e aupito sili ona paia i le talafaasolopito o tagata, ma le migao ma le le faalavelaveina.

### Saolotoga i le Tafeaga

I le fitu selau tausaga a o le'i oo i lena uluai Kerisimasi, na tusia ai e le perofeta o Isaia se valoaga faamesia lea na fofogaina mulimuli ane e le Faaola i Ona uso a tagata i le nuu o Nasareta: “Ua i o'u luga le Agaga o le Alii o Ieova; aua ua faauuina a'u e Ieova e talai le tala lelei i e ua tigaina, ua ia auina mai a'u e fufusi i e loto momomo, e talai le saolotoga i le tafeaga, ma le matua tatalaina o e ua fusifusia” (Isaia 61:1; tagai foi i le Luka 4:18–19).

A tatou faitau i le misiona a Keriso o le, ia folafola atu le saolotoga i le tafeaga, ma tatala le falepuipui ia i latou o loo saisaitia, atonu tatou te mafaufau muamua lava i Lana galuega i le lalolagi o agaga i e ua maliliu. *Peitai o i tatou uma ua faatagataotaua*—faatagataotaua i le pala ma vaivaiga o tino faaletino ma oo i faaososoga o le tino, i ma'i, ma iu lava, i le oti—*ma tatou te manaomia uma le faasaolotoina*.

Soo se mea e saisaitia ai i tatou—agasala, tulaga, po o mea na tutupu i taimi ua tuanai—na afio mai le Alii o Iesu Keriso, le Emanuelu silisili, e faasaoloto i tatou. Ua ia folafola mai le saolotoga i e faatagaotaudaina ma le saolotoga mai noataga o le oti ma le falepuipui o le agasala, valea, faamaualuga, ma mea sese. Na valoia o le a Ia fetalai atu i e saisaitia, “O mai ia i fafo” (Isaia 49:9). Na pau lava le tulaga o lo tatou saolotoga o le tatou o atu ia te Ia ma loto momomo ma agaga salamo, salamo, ma saili e fai Lona finagalo.

E tusa o le 30 tausaga ua mavae sa ou feiloai ai i se tagata o le a ou ta'ua o Tomasi. Pe a ma le 45 tausaga o lona matua na ou feiloai ai ia te ia. O le luasefulu tausaga na muamua atu na auai ai ona matua i le Ekalesia. Sa leai se fiafia o Tomasi i le tapuaiga fou a ona matua. Ae sa

alofaina o ia e ona matua, ma sa la'ua teufatuina le faamoe-moe e i ai se aso e mafai ai ona aumai lo la atalii ia iloa le moni o le talalelei toefuataiina. A o gasolo pea tausaga, sa la'ua taumafai i le tele o taimi e faatauanau o ia ia tau lava ina feiloai atu i faifeautalai ma faalogo i la latou savali. Sa ia teena pea lava pea, ma sa ia ulagia ona matua ona o le la'ua faatuatuaga faalelotu.

I se tasi aso sa fai atu ai lona tina ma le augani malosi, “Tomasi, afai e te faalogo i lesona a faifeautalai i se taimi se tasi lava, o le a ou le toe talanoa atu lava ia te oe e uiga i le Ekalesia. Sa manatu Tomasi o se fetuunaiga lelei lea ma malie loa e feiloai i faifeautalai. I taimi o lesona muamua e tolu, sa na o lona saofai lava iina ma le tumu i le faamaualuga, na i ai taimi na ula ai i mea na aoao atu e alii faifeautalai.

I le taimi o le lesona lona fa, e uiga i le Togiola a Iesu Keriso ma uluai mataupu faavae o le talalelei, sa le'i tautala Tomasi ae na ese lava lona filemu ma faalogologo toto'a. I le faaiuga o le lesona, sa tuuina atu e alii faifeautalai a la'ua molimau e uiga i le Faaola. Ona musuia lea o se tasi o faifeautalai e susu'e lana Tusi Paia ma faitau i upu nei:

“Ia outou o mai ia te a'u, o outou uma o e tigaina ma mafatia i avega, o a'u foi e malolo ai outou.

Ia outou amoina la'u amo, ma ia outou faaaoao ia te a'u; aua o a'u le agamalu ma le loto maulalo: ona maua lea e outou o le malologa mo outou agaga” (Mataio 11:28–29).

E aunoa ma se lapataiga, sa matuai maligi loimata o Tomasi. “O e taumafai e ta'u mai e mafai e Keriso ona faamagalo a'u i a'u agasala?” na ia fesili ai. “Sa ou ola i se olaga faaletonu. O loo tulituli a'u i le manatuaina o au agasala. Ou te faia soo se mea ia saoloto ai i le tausalaina o loo o'u lagonaina.”

O lona faamaualuga na avea ma se faafoliga na natia ai se agaga ua pologa i le agasala ma le tausalaina. Na faamautinoa atu e alii faifeautalai ia Tomasi o le a faamagaloia o ia e Keriso ma faasaoloto ia te ia mai le avega o le tausalaina pe afai o le a salamo ma papatisoina ma faamauin. Ona la molimau atu lea e uiga i le mana o le Togiola. Mai lena lava taimi, na suia ai mea uma i le olaga o Tomasi. Sa tele mea e salamo ai ma faatoilalo, ae e ala i faamanu-iaga a le Alii, na agavaa ai o ia mo le papatisoga.

O le 20 ma ona tupu tausaga mulimuli ane, a o ou saofai i le falesa o le Malumalu o Frankfurt Siamani, sa faliu mai se tamalii lauulu sinasina ia te a'u ma faapea mai, “Pe le



o oe ea o Elder Porter?" I lo'u fiafia tele, na ou matauina ai Tomasi—o se tagata ua faa-saolotoina mai i le nofopologa e le mana o Iesu Keriso ma o loo faamaoni pea i le Ekalesia a le Alii.

Atonu i lenei vaitau o le Kerisimasi, ia taitoatasi i tatou ma o atu ma le faamaualalo i lo tatou Tama oi le Lagi i le tatalo, ma ole atu mo le mana o Lona Alo Pele ia faatasi ma i tatou i la tatou savaliga i aso taitasi, ma ia faasaolotoina i tatou mai o tatou tulaga patino o le faatagataotauaina, tele pe laitiiti.

### Le Po Paia

Ia Tesema 1987, pe tusa toe lua vaiaso oo i le Kerisimasi, sa ou faimalaga atu i Isarael i se pisinisi. Ae paga lea, sa le o se taimi toafilemu lea i le Nuu Paia. Sa i ai feteeenaiga i le Faletupe i Sisifo, na tuufua alatetele o Ierusalem Tuai, ma sa punitū uma faleoloa. Na i ai lagona le fiafia i tulaga faaupufai, ma le mea na atili ai ona leaga, ona sa toeitiiti atoa le vaiaso o mauluulu le timu malulu. O le fefefe i fetauaiga, na aloalomamao ai le toatele o turisi mai le eria. Ae a o ou savalivali solo i Ierusalem, sa tumu lo'u loto i le toafilemu i le iloa o le aai lenei na alofaina tele e le Togiola.

Sa ou toe foi mai i le Iunaite Setete i le leva o le afiafi o le aso Faraile ao lumana'i le Kerisimasi. Ina ua tafa ata o le Sapati i le lua o aso mulimuli ane, na fafagu a'u e le faailo o la'u uati i le musika "Le Po Paia":

*Atonu i lenei  
vaitau o le  
Kerisimasi,  
ia taitoatasi  
i tatou ma  
o atu ma le  
faamaualalo i  
lo tatou Tama  
oi le Lagi i le  
tatalo, ma  
ole atu mo le  
mana o Lona  
Alo Pele ia  
faatasi ma  
i tatou i la  
tatou savaliga  
i aso taitasi,  
ma ia faasa-  
lotoina i tatou  
mai o tatou  
tulaga patino  
o le faatagata-  
otauaina, tele  
pe laitiiti.*

*Le Tupu o tupu ua taoto i le faatanoa vao  
faatauva'a,  
I o tatou tofotofoga uma na soifua mai ai  
e avea ma a tatou uo.<sup>6</sup>*

O le musika ma savali na o'u ootia loloto ai, ma na maligi o'u loimata a o ou mafaufau i le taulaga mamalu ma le soifuaga atoatoa o le Faaola o Isara-el—o Lē na soifua mai e avea ma uo o ē lotomaua-lalo ma le faamoemoe o ē agamalu. Sa ou mafaufau i lo'u aafiaga i Ierusalem, ma sa lofia lo'u tagata atoa i le alofa ia te Ia o lē na afio mai i le lalolagi ma ave i Ona lava luga avega a i tatou uma. Sa lofituina a'u i le mafaufau e faapea, atonu Na te manatu ia te a'u o se uo. E le'i galo lava ia te a'u lagona faamemelo o lena taeao po o le Aso Sa, sa faapea ona pei o se molimau mama e pei ona sa ou mauaina.

Ou te tuuina atu la'u molimau i le Faaola o le lalo-lagi. Ou te iloa o loo soifua o Ia. Ou te iloa na muai faauuina o Ia a o le'i Foafoaina le lalolagi e folafola atu le saolotoga i e faatagataotauaina. O Lona soifua mai ma [Lonal] soifuaga ou te faapea atu ai, "Oi, o mai, tatou vivii ia te ia."<sup>7</sup> ■

*Mai se lauga, "Ua Fanau Mai Se Tamaititi," na tuuina atu i le aso 9 o Tesema, 2008, i le Iunivesite o Polka Iaga. Mo le tusiga atoa i le gagana Peretania, asiasi i le speeches.byu.edu.*

### FAAMATALAGA

1. *The Messiah*, ed. T. Tertius Noble (1912), vi.
2. Tagai i le Guide to the Scriptures, "Peteleema," scriptures.lds.org.
3. "Le Atua, le Tama e," *Viiga*, nu. 97.
4. Tagai Bible Dictionary, "Feasts."
5. Tagai Russell M. Nelson, "O Le Filemu ma le Olioli i le Iloa o loo Soifua le Faaola," *Liahona*, Tes. 2011, 21.
6. "Cantique de Noël" ("Le Po Paia"), *Recreational Songs* (1949), 143.
7. "Outou Faamaoni o Mai," *Viiga*, nu. 114.

# E Taua Tele

## LE FAASINO IGOA

Saunia e Jennifer Grace Jones

Mekasini a le Ekalesia

**O** se faamatalaga puupuu i luga o ki o le komepiuta e faapea, “O le komepiuta lenei ua faapolopolo mo Samuelu i le 5:00 i le taeao.” O le tali atu i le lu’i a lona peresitene o le siteki ina ia faasino e le siteki ni igoa e tasi le miliona, sa amata ala ai i luga ia Samuelu B. e 14 tau-saga le matua mai Iuta, i le 5:00 i le vaveao ina ia mafai ona ia faasinoina ni igoa a o lei amataina le aoga. O le tasi o le komepiuta i le aiga ae toaono nai ona tei e i ai meaaoga e fai, na tatau ai ia Samuelu ona ositaulaga lana moe ina ia mafai ona ia maua le avanoa i luga o le komepiuta.

Ae o le naunautai o Samuelu na salalau atu i tagata uma o lona aiga. E lei umi ae ositaulaga e lona uso o Natano lona taimi pasiketipolo ae ositaulaga e lona tuafafine o Ivyllyn ona taimi faitautusi ina ia mafai ona faia le faasinoina o igoa. “E le’i i ai lava se taimi ua matuai luitauina ai a’u e la’u fanau,” o le tala lea a le tamā o Samuelu. “Ana latou le aafia ai, sa ou faapea lava e faigata le faasinoina o igoa. Sa latou aoaoina a’u e faapea, e mafai ona faigofie ma malie.” O le Po o le Faauma na sosoo ai, sa pisi ai tamaiti e faauma a latou sini faaletausaga o le faasinoupuina a o lei oo i le vaeluapo.

E faitau afe maila le mamao, na maua ai foi e le aiga o le Lanuza i Kuatemala lea lava naunautai e tasi. O lenei aiga e toaiva—o le fanau e toalima, Tina, Tama, Tinamatua ma Tamamatua—e tasi le komepiuta latou te faaaogaina. Faatasi ai ma tamaiti e faaaogaina le komepiuta mo meaaoga, Tina o loo faauma ana aoaoga i le iunivesite, ma le Tama e faigaluega, e matuai manaomia ai lava le faaaogaina o le komepiuta i taimi uma, ae o tagata taitasi foi o le aiga e auaua’i i le faasinoupuina o igoa. O le tuufaatasiga, na faasinoupu ai e le aiga ia faamaumauga e sili atu ma le 37,000 i le 2011.

*O le faasinoupuina o igoa e mauagofie ai faamaumauga i le initonet i ina ia mafai ai e le au paia ona maua ma ave igoa o aiga i le malumalu.*

O nei tamaiti ma o latou aiga ua tulai atu e tali i le lui-tau na tuuina mai e Elder David A. Bednar o le Korama a Aposetolo e Toasefululu i le autalavou o le Ekalesia ia Oketopa 2011:

“O le toatele o outou atonu ua manatu o le galuega o talafaasolopito o aiga e tatau ona matele i tagata matutua latou te faia. Ae e leai se tapulaa ua ou iloa i le matua o faamatalaina i tusitusiga paia po o taiala ua fofogaina mai e taitai o le Ekalesia, e faatapulaa ai lenei auaunaga taua i tagata matutua. . . .

“Ou te valaau atu i tupulaga talavou o le Ekalesia ina ia aoao ma ia iloa le Agaga o Elia.”<sup>1</sup>

### Talafaasolopito o Aiga Vave ma Faigofie

O le faasinoupuina o igoa o se auala faigofie lea mo tagata uma e amata fai ai talafaasolopito o aiga ma iloa le Agaga o Elia. Ua fia seneturi o teu e malo ma ekalesia ia faamaumauga o tagata ma aiga, ae o nei faamaumauga sa faigata ona maua ma tele le taimi e alu ai i le tau faavase-gaina. O aso la, o tagata na ese atunu e nonofo ai mai atunu o o latou augatama na tatau ona malaga atu i na nofoaga ma tauasa i faamaumauga, ma le leai o se faamau-tinoaga o le a latou maua se igoa se tasi o le aiga.

O le folasia mai o le faasinoupuina o igoa o le FamilySearch i le 2006 na faatelevaveina ai le sailiga o talafaasolopito o aiga. O igoa sa natia i faamaumauga na tusa pepa ma teu mamao i nofoaga e teu ai ua toe tusia (faasinoupuina) ma ua vave nei ona sailia i le komepiuta. Ina ia ausia lenei mea, o volenitia e faia faasinoupu latou te sii mai i a latou komepiuta i le fale ni “faaputuga” o faamaumauga e aofia ai ni igoa e 10 i le 50. Latou te taina igoa,

aso, ma isi faamatalaga i totonu o le utuofaamatalaga o le FamilySearch, e faapea ona mafai ai le fatufatuina o faasino igoa faaeletonika e mafai ona sueina.

A o lei faalauiloaina le faasinoupuina o igoa o le FamilySearch, e mafai ona tele ni tausaga e fatu ai se polokalama faasinoupu o igoa mo se seti se tasi o faamau-mauga e faaaoga ai metotia o le sailiga o igoa na i ai muamua. Fai mai Michael Judson, o se pule o le faasinoupuina o igoa mo le FamilySearch, e 11 tausaga na alu i le faasinoupuina o igoa o Faamaumauga a le Faletupe o Freedman (faamaumauga a le Iunaite Setete o pologa na faasaolotina o e na faia ni teugatupe i faletupe). O le taimi nei ua ia taumateina e na o ni nai masina e fai ai.

Ua faasinoupuina e volenitia i le lalolagi atoa le sili atu ma le tasi piliona o faamaumauga talu mai le 2006, ae o loo tele pea galuega e fai. E faitau piliona faamaumauga faaopoopo o loo taatitia i le Sefe o Faamaumauga i le Mauga Foaga i le Aai o Sate Leki, Iuta. Ma e ese atu i lo o na, o loo i ai isi faamaumauga o loo maua i isi faila o teuina i le kelope atoa, lea o loo tapueina e le Matagaluega o Talafaa-solopito o Aiga ia ata i se vave e tusa ma le 35 miliona ata faafuainumera i le masina.

### Tulaga Faapitoa, Faamanuiaga Faapitoa

Ua ta'u mai e le Au Peresitene Sili, "Ua uunaia le au paia e auai i le faasinoupuina o igoa i le FamilySearch, lea e taua tele i le talafaasolopito o aiga ma galuega faalemalu-malu."<sup>2</sup> O loo tali atu le au paia mai le lalolagi atoa i lenei fautuaga ma maua ai faamanuiaga ofoofogia.



O loo galulue malosi le Au Paia i Iukureini e fatu faa-eletonika le faasinoupuina o igoa, o le a faatelea'iina ai le sailiga o talafaasolopito o aiga i Europa i Sasae. O le aiga Rudenko i Kyiv, ua faia se faataitaiga mamana. Ua latou ositaulaga e totogi le Initoneti ina mafai e i la'ua ma le la fanau ona faasinoupu igoa. E tuu e Sister Rudenko le komepiuta feaveai a le aiga i luga o laulau o le umukuka, ina ia mafai ona ia faasinoupuina ni igoa pe a i ai ni ona taimi avanoa o le aso. Na te taina igoa, i le lima e tasi a o sii se pepe i le isi lima. O le la atalii e 16 tausaga le matua ma lo la afafine e 12 tausaga le matua ua avea foi ma tagata masani i le faasinoupuina o igoa, ma o isi taimi e asiasi atu ai le aiga i fale o le malo e teu ai faamaumauga e saili ai igoa o le aiga. E masani ona auina atu e le aiga o Rudenko ni igoa i le malumalu ma faia sauniga mo na igoa, o nisi taimi e o faafia ai i le malumalu i se vaiaso.

Na saunoa Sister Rudenko e uiga i faamanuiaga ua ia mauaina e ala i le galuega o talafaasolopito o aiga: "Ou te tali-tonu o le faasinoupuina o igoa ma le galuega talafaasolopito o aiga e puipuia ai i tatou. Ua folafola mai i lo'u faamanuiaga faapeteriaka o le faia o lenei galuega o le a puipuia ai a'u ma la'u fanau. O le a mamā o latou mafaufau, ma o le a mafai ona latou teteet atu i faatosinaga leaga o lenei lalolagi. . . .

E maua e [la'u fanau] le mana o le Atua mai lenei galuega."

Ua iloa e le toatele o tagata, o le faasinoupuina o igoa e maua ai se avanoa mo se auaunaga anoa, tusa lava po o a tomai po o tulaga. O Malinda Perry o Iuta, ISA, sa aafia i se faalavelave tau taavale ina ua 24 ona tausaga, ma na iu ai ina le toe gaoioi lona ua faasolo agai i lalo. A o faamasani o ia i lenei ituaiga olaga fou, sa tatalo Tuafafine Perry mo ni auala e mafai ona ia auauna atu ai. Sa ia maua lana tali ina ua asiasi atu Rayleen Anderson mai le au peresitene o le Aualofa a le siteki ma aoao o ia i le faiga o le faasinoupuina o igoa. Ua faaalu nei e Tuafafine Perry le taimi i le komepiuta i aso uma ma se fasilaau e faapipii i lona lima, e faaminoi ai ia tau lava ia mafai ona ta [i totonu igoa]. Na te faasinoupuina se faaputuga o igoa i aso uma.

"Nai lo o lo'u mafaufau ia te a'u lava, e pei na ou masani ai, ae ua sui mea ou te taulai atu i ai i le auauna atu i isi," o le tala lea a Tuafafine Perry. "Ou te alofa i le Alii, ma ou te fiafia e faasafua atu Ana faamanuiaga i isi e ala i le faasinoupuina o igoa."

A o faalogologo i se aoaoga e uiga i talafaasolopito o aiga, sa lagona e le peresitene o le siteki o David Pickup i Chorley, Egelani, se uunaiga o le faasinoupuina o igoa e mafai ona fesoasoani i le au paia o lana siteki ia faateleina lo latou mananao e tapuai i le malumalu. Ae sa ia mafaufau, e faapefea ona taitai atu e se mea e pei



o le taina masani o faamatalaga ia tagata i le malumalu?

Sa tonu ia te ia e taumafai e faasinoupu ia igoa ma iloa ai na aumai ai se fuataga faaopoopo o le Agaga o Elia i lona olaga. Ia te ia, o le faasinoupuina o igoa ua avea ma se galuega o le “faamamaina”. “E le mafai ona e faasinoupuina igoa e aunoa ma le mafaufau e uiga e le gata i igoa na faasinoupuina ae faapea foi i igoa o lou lava aiga,” o lana tala lea.

Sa luiina e peresitene Pickup tagata o lana siteki e faaoga le faasinoupuina o igoa o se auala e auai ai i le galuega o talafaasolopito o aiga. I totolu o se taimi puupuu, sa latou matauina ai ma isi taitai o le siteki le faatupulaia maoa’e i le agavaa mo pepa faataga o le malumalu ma le auai i sauniga faamanatuga. Sa latou matauina o tagata o le ekalesia o e na auai i le faasinoupuina o igoa sa atiina ae se manao e ave igoa o o latou lava aiga i le malumalu.

O Mackenzie H. e sefulufitu tausaga, sa talia le lu’i a Peresitene Pickup ma amata ai ona faasinoupuina igoa, ma sa fesoasoani o ia i nai ona tei, matua ma matua o matua ina ia latou aafia ai foi. I le ititi ifo ma le lua tausaga, na faasinoupuina ai e Mackenzie le sili atu ma le 44,000 o igoa. Ae o le mea na sili atu ona taua, sa lagona e Mackenzie ma lona aiga le uunaia e sailia igoa o o latou lava aiga, ave i latou i le malumalu, ma auai i sauniga faaola.

Sa fesoasoani le faasinoupuina o igoa i tagata o le siteki a Chorley, i le aumaia o se fuataga faaopoopo o le Agaga i o latou olaga, ma i le tuuina atu ia te i latou o meafaigaluega latou te manaoia e ave ai igoa o o latou aiga i le malumalu. “E le faapea e tatau ona e agavaa mo le malumalu ina ia fai ai faasinoupu o igoa,” o le tala lea a Peresitene Pickup, “ae a e faasinoupuina igoa, o le a faaleleia ai oe, ma o le a e manao ia agavaa mo le malumalu ma o le a e fia alu i le malumalu, ma o le a e manao e fai galuega mo ou tuaa. . . Ou te iloa lenei mea ona sa tupu ia te au.”

### E Fesoasoani le Faasinoupuina o Igoa i Tagata Uma

Ua folafola mai le Alii, “Faauta, o le a ou faanatinatiina la’u galuega i lona taimi” (MF&F 88:73). O le faasinoupuina o igoa o se tasi lea o auala ua faataunuina ai e le Alii lena folafolaga. E mafai e tagata ona saili o latou lava tuaa ae tuu isi e su’e o latou lava [tuaa], ae o le faasinoupuina o igoa e faafaigofieina ma faatelevaveina ai le sailiga o talafaasolopito o aiga mo tagata uma. “Ua tuuina mai e le Alii ia i tatou le tekinolosi mo le matuai faaleleia o le sailia o igoa,” o le tala lea a Uso Judson. “E te le galue mo na o ou lava talafaasolopito o aiga i le taimi nei; o le faasinoupuina o igoa o se taumafaiga tuuafatasi ina ia fesoasoani i fanau uma a le Tama Faalelagi.” ■

### E SILI ATU NAI LO NA O LE TAINA I TOTONU O FAAMATALAGA

O le taimi muamua, o le faasinoupuina o igoa atonu e foliga mai e tutusa lava ma le taina masani i totonu o faamatalaga, ae o tagata potomasani i le faasinoupuina o igoa e masani ona molimau mai, o le faasinoupuina o igoa o se taumafaiga faaleagaga e faamanuiaina ai olaga i itu uma e lua o le veli.


O loo ta’ua i lalo ni fautuaga o le a fesoasoani i le faasinoupuina o igoa ia avea ma se aafiaga faaleagaga ma le faamalieina:

1. Amata i le Tatalo. Atonu e te manao e tatalo patino ia iloa le Agaga o Elia ina ia liliu atu lou loto i ou tuaa.
2. Faaititia mea faalavefau, e aofia ai le televisio po o musika e mafai ona aveesea ai le Agaga.
3. Ia faasino igoa faatasi ma aiga po o uo. E le gata o le a e maua ai le fesoasoani i le faitauina o tusilima faigata, ae e mafai foi ona tatala ai le faitotoa mo oe e talanoaina ai lou lava talafaasolopito o aiga.
4. Ia manatua o igoa uma e te faasinoupuina ua faatusaina i se isi tagata e mafai ona maua e suli o ola ma maua sauniga e ala i le fai ma sui i le malumalu.
5. Ia manatua, o le a fesoasoani le Alii ia te oe. E ala mai i le Faaola e mafai ai ona e manumalo i soo se luitau atonu e te oo i ai i le faasinoupuina o igoa (tagai i le 2 Korinito 12: 9–10).

O le faasinoupuina o igoa o loo maua i le gagana Take, Igilisi, Farani, Siamani, Italia, Japoni, Polani, Potukale, Rusia, Sipaniolo, ma le Suetena. Mo nisi faamatalaga, asiiasi i le [familysearch.org/indexing](http://familysearch.org/indexing).

### FAAMATALAGA

1. David A. Bednar, “O Le a Liliu Atu Loto o Fanau i o Latou Tama,” *Liahona*, Nov. 2011, 24.
2. Tusi a le Au Peresitene Sili, 29 Feb. 2012.



*I le Tapeneko i le Lotoa o le Malumalu i le Aai o Sate Leki, luta, o loo saini ai e Dr. David R. Parker, o le faatonusili lagolago o le Eunice Kennedy Shriver National Center for Community of Caring, le "Let There Be Peace on Earth" a o pepese le aofia. Sa faia ia Fepuari 2012, o lenei fuafuaga sa i lalo o le taitaiga a le Salt Lake Interfaith Roundtable.*

AVEA MA TAGATA SILI ATU ONA  
LELEI O LE AU PAIA E ALA I LE

# Aafia i Ekalesia Soofaatsi

*Pe a tatou auauna atu faatasi ma i latou o isi faatuatuaga,  
e le gata ina fausia ai o tatou lotoifale ma faalelei atili a tatou  
fegalegaleaiga ae avea foi i tatou lava ma soo ua sili atu ona lelei.*

**Saunia e Betsy VanDenBerghe**

**E**masani ona valaau atu taitai o le Ekalesia i tagata o le eklesia ina ia auai ma le loto faamaoni—e tua lava po o sootaga faalelotu—i auaunaga ma mafuaaga e uiga i amioga mama. Ma e masani ona faia e taitai o le Ekalesia le faataitaiga. Talu ai nei, na maua ai e Peresitene Dieter F. Uchtdorf, ma lona faletu o Harriet, se taui o Fesoasoani Alofa o le Tausaga mai le Tautua o Tagata Katoliko; sa ia matauina le malie o ni “Siamani se toalua, sa avea muamua ma ni tagata lolotu Luteru, lenei ua avea ma ni Mamona tuuto, i le faamamaluina e tagata Katoliko i le Iunaite Setete o Amerika.”<sup>1</sup>

Ua tali lelei atu tagata o le eklesia i le lalolagi atoa i le valaau e auauna atu soosoo tauau ma tagata o isi faalapotopotoga. Na ou ootia i tala o uarota o le AAG ua totoina togalaau i lotoifale, faia ni konafesi a eklesia soofaatsi i le faatauaina o amioga lelei, ma le faia faatasi ma isi tapuaiga o galuega faamama i alalafaga.

I le auauna atu faatasi ma i latou o isi faatuatuaga, ua ou iloa ai le moni o le faamalosiauga mai ia Elder Quentin L. Cook o le Korama a aposestolo e Toasefuluua: O auaunaga faaaloalo ma faamaoni a eklesia soofaatsi e le gata ina fausia ai o tatou alalafaga, ae e mafai ai foi ona tatou tuputupu a'e faatasi ma faaletagata lava i lo tatou alofa i le Atua ma Ana fanau.<sup>2</sup>

## **Faaleleia o le Lalolagi**

I ni nai tausaga ua mavae, na siitia mai ai se faifeau Pesipeteriane i le matou nuu, i le manao e auauna atu i ona tuaoi uma, ae le na o lana aulotu. Ao ia aapa mai ma le agaga faaauo i lo matou pitonuu na matele lava i le AAG, ma ofo mai e fesoasoani, ma ni valaaulia i pati a le pitonuu, sa amata ona auai tagata o le au paia i galuega fesoasoani a lana aulotu; o ia faatasi ma tuaoi o faatuatuaga eseese na faia se sailiga



*O le E Afaina Holladay (i Holladay, Iuta, ISA) sa faatulaga e faafeiloai ai tagata o faatuatuaga uma, pe leai foi se sootaga faalelotu, i galuega faatino ma gaoioiga a le pitonuu. O loo vaiaia i le ata ia sui faavae, o tamaitai o tapuaiga eseese.*

tupe na matuai fesoasoani i se aiga o le AAG sa pagatia i le tele o pili mo tausiga faafomai.

Na saunoa le aposetolo o Orson F. Whitney (1855–1931), “Ua faaaoga e le Atua le sili atu nai lo o se tagata e toatasi mo le faataunuina o lana galuega tele ma le ofoofogia. . . . E telē tele, e faigata tele, mo soo se tagata e toatasi.”<sup>3</sup> E mafai ona ausia ni mea se tele pe a tuufaatasati taumafaiga a tagata lelei. O taumafaiga a le faifeau a le matou pitonuu na taitai atu ai i le faavaega o se komiti a le nuu mo ekalesia soofaatasati lea, faatasi ai ma le Aualofa a le matou siteki, na faia se konafesi mo tamaitai ma sapalai ai ni pusa o mea e faaaoga mo le tausisia o le tumama ma ni tusi i ofisa mo tagata sulufai. O nei fegalegaleaiga i ekalesia soofaatasi na mafai ai e tagata o le siteki ona fesoasoani i se aulotu e fafaga se vaega toatele o tagata sulufai, ma tulai atu ina ua manaomia e se isi ekalesia ni volenitia faaopoopo i se nofoaga mo tagata ua leai ni fale.

“Ua i ai sa tatou tiutetauave . . . ia galulue soosoo tau’au ma isi lotu ma faalapotopotoga,” na ta’u atu ai e Peresitene Thomas S. Monson i tagata o le ekalesia,<sup>4</sup> ma o lenei aapa atu ua faamanuiaina ai le lalolagi e ese mai i auaunaga fesoasoani agaalofa. I sana saunoaga i taitai Kerisiano i le Iunaite Setete, na faamatala ai e Elder Jeffrey R. Holland o le Korama a Aposetolo e Toasefululu se faasologa o soalaupulega i le va o le AAG ma Kerisiano Faaevagelia na faia i le Iunivesite o Polika Iaga.<sup>5</sup> O se taunuuga o nei konafesi na tupu ina ua faatoese mai se taitai lauloa faalelotu ona o le le sa’o o le faamatalaina o le ekalesia Mamona e nisi o tagata o lana aulotu.<sup>6</sup> E uiga i le fausiaina o lena fegalegaleaiga na saunoa ai Elder Holland, “E le mafai ona ou taofia ae talitonu o lenei mea o se vaega o se tuufaatasiga faalelagi o mea e tutupu i nei vaitaimi faigata.”<sup>7</sup>



*Ia Tesema 2011, na faatino ai e tamaiti mai le Immaculate Conception o le Ekalesia Katoliko i New Jersey, ISA, se polokalama o le Kerisimasi faatasi ma tamaiti mai se aulotu o Le Ekalesia a Iesu Keriso o le Au Paia o Aso e Gata Ai. O le konaseti suetupe na fesoasoani e ao mai meaai mo le kapoti meaai i le lotoifale.*

### Faaleleia Atili o a Tatou Sootaga

Ao tatou auauna faatasi ma isi, e mafai ona fesoasoani ni taiala patino ina ia atili anoa ai a tatou fegalegaleaiga ma aloese mai le tuuina atu o le faatausuai. Sa i ai se taimi na ou nofo ai i se aai tele ma ou volenitia ai e faiaoga mo se polokalama a se ekalesia i le lotoifale na tatala i tagata lautele—ae na ou iloa ai, o le tagata e vaia sana le taliaina a’u ona o lo’u avea ma se tagata auai O Le Ekalesia a Iesu Keriso o le Au Paia o Aso e Gata Ai. O lena aafiaga na faatalitonuina ai a’u e faatauaina i saofaga a soo se tasi e tusa lava po o a ona fegalegaleaiga faalelotu (pe o le leai foi). Sa ou tulitatao ma le agaga faafetai i le fiafia o soo se tasi e aoao e uiga i le Ekalesia, ae ou te iloa foi, o i tatou o le Au Paia o Aso e Gata Ai tatou te faamamafaina tele le poloaiga a Iesu e alofa i lou tuaoi, faalavalava e lē lavalava, fafaga e fiaai, ma asiiasi i e faafalepuipui (tagai i le Mataio 25:34–36) e aunoa ma le faamoemoe e liua le tagata e mauaina le fesoasoani po o i latou o e tatou te auauna faatasi. O taumafaiga faamaoni ma faaaloalo a ekalesia soofaatasi e le manaomia ai soo se vaega, e aofia ai i tatou, ona faatō i ona



talitonuga. Nai lo lena, e uunaia ai tagata e auai ia “aua le finau faasaga atu i se ekalesia” (MF&F 18:20) ma “faaoofuina [i latou] lava i le fusi o le alofa mama” (MF&F 88:125).

O se isi taiala aoga na ala mai i se taitai atamai o le siteki i lo matou pitonuu e toatele lava i le AAG. Sa ia fautuaina le au paia o loo galulue faatasi ma isi faatuatuaga e aua le “fao malo” e ala i le pulepuletutu i le faia o faaiuga po o le taitaiga, ae ia galulue e soalaupule ma tuu atu i tagata uma ia maua “le avanoa tutusa” (MF&F 88:122). Sa uunaia foi e lenei taitai, o lē na i ai se aafiaga tele i le galulue faatasi ma isi lotu, ia tagata o le ekalesia e atiina ae ni mafutaga lelei. Sa ia iloaina, o ni isi o e na faipaaga ma le Au Paia o Aso e Gata Ai, na iloaina o i latou o ni tagata galulue malosi ma lelei ae e sili atu le fiafia i le faia o le galuega nai lo le atiina ae o faauoga.

O o’u aafiaga i faamoemoega i alalafaga ma faaleaoaoga, ua faatalitonuina ai a’u e malosi le Agaga pe a tutufaatasi tagata eseese i se misiona tauaogaina. O le alofa faaleuso ma faamoemoega mamā e uunai ai i luma

auaunaga e sili atu nai lo o le galue malosi na aafia ai.<sup>8</sup>

Na ta’ua e se tasi o failauga o le AAG i se konafesi faakatemia a ekalesia soofaatasi e faapea, o le faia o fesootaiga ma isi e fesoasoani ia i latou e i fafo atu o lo tatou faatuatuaga ia malamalama lelei ia i tatou.<sup>9</sup> O se tasi tagata atamai, e le auai i le tatou faatuatuaga, na aoao mai se semina i le Faamamona i se iunivesite iloga i Amerika. Sa ia iloa ai sa mananao ia ana tagata aooga e aoao e uiga i la tatou Ekalesia “e muamua lava . . . aua sa latou ola a’e ma le talitonuga o le tapuaiga e le faavaea, ae sa le tutusa o latou aafiaga ma a latou uo ma paaga Mamona ma lena faamatatalaga.”<sup>10</sup>

### Faaleleia o i Tatou Lava

O le galulue faatasi ma isi e le gata ina fesoasoani latou te malamalama ai ia i tatou, ae e uunaia ai foi i tatou e aoao mai ia i latou ma iloa atili ai o le Atua e “le failogaga tagata” (MF&F 1:35). E fesoasoani o Ia i tagata lelei o tapuaiga ma aganuu uma i a latou taumafaiga e faaleleia atili olaga o Lana fanau.

O lenei iloa o le lelei i isi e fesoasoani ia i tatou e tumau ai i le lotomualalo—e ese mai i le au Faresao lea na ta’usalaina e Iesu i lo latou faamaualuluga faaleagaga (tagai i

### MANATU FAALEAO-AOGA FAAVAE

- E faaaoga e le Atua e e loto faamaoni i au-lotu ma aganuu uma e faalautele ai Lana galuega i le lalolagi.
- O le galulue faatasi ma isi e le auai i la tatou faatuatuaga e faatupulaia ni mea lelei, e mafai ai ona tatou fai le lelei sili atu nai lo le mea e mafai ona tatou faia na o i tatou.
- O fuafuaga faaaloalo ma faauo a ekalesia soofaatasi e faaitiitia ai feeseseaiga, fausia ai lagona o le usoga a alii ma tamaitai, ma tatou latalata atili atu ai i le Tama o i tatou uma.

*O tagata auai o loo talanoaina le puipua o saolotoga faalelotu i se konafesi a ekalesia soofaatasi na faia i São Paulo, Pasila, ia Mati 2013.*



*Lalo, mai le aga-vale: O le ausiva Bharatanatyam na faafafia i le Tapeneko i Sate Leki i le taimi o se Saafiafiga Faamusika a Ekalesia Soofaatasi ia Fepuari 2010. O loo fiafia se tagata o le au maimoa i le saafiafiga. I se vitio o Savali a Mamona, na talanoaina ai e talavou matutua mai faatua-tuaga eseese le taua o le mama i feusuaiga. Na faia e tagata auai i le Interfaith Charity Quilting Bee i Houston, Texas, ISA, ni ie lalaga mo aiga e le tagolima.*

le Mataio 23) po o sa Soramā, lea o loo faafalia e le Tusi a Alema e fiatagata ma faafefetina (tagai i le Alema 31). O le iloa o le lelei o isi e mafai ai ona avea i tatou ma ni tagata sili atu ona lelei.

E mafai ona faalauteleina lo tatou alofa mai se li'o pumoomoo o le aiga ia aofia ai e le gata i a tatou uo ae mulimuli ane o o tatou tuaoi—ma e oo lava i fili. Na faamatala e se tasi tagata o le Ekalesia na auauna atu i le militeli a Amerika ina ua mavae le—Taua Lona II o le Lalolagi i Iapani, e uiga i lana tauiviga ma le ita agai i tagata Iapani. Ina ua uma ona faafeiloai [a'u] i totonu o se maota tapuai e tagata Iapani o le aai, peitai, sa ia iloa ai “na pai mai o latou agaga ia te a'u, ma sa ou lagonaina se suiga ofoofogia i o'u lagona ia i latou. Sa liusuavai lo'u ita. . . . Sa ou mafau-fau e uiga i le mea na tutupu i totonu o lena maota tapuai ma le suiga ofoofogia sa ou lagonaina agai i tagata iina.”<sup>11</sup>

E faapena foi, a tatou taliaina moni isi i lo tatou lotolotoi, e mafai foi ona latou oo i se suiga faapea. Sa tusia e se Kerisiano Faaevangelia sa faau mai le Junesite o Polika Iaga se tusiga e uiga i lona aafiaga ma faamatala

mai lona faatautee muamua i tagata aooga o le AAG. Ae ina ua uma ona faia ni faauoga anoa, sa oo ina ia talisapaia “le faamamafa sa ou iloa na tuu e le Au Paia o Aso e Gata Ai i le latalata mai o le Atua i le tagata soifua. Sa amata ona ou malamalama ona sa ou taumafai e taofi [i lo'u mafaufau] le maoae o le Atua, sa ou lafoaia ai le latalata mai o le Atua—ma o lenei iloaina sa i ai se aafiaga loloto ia te au.”<sup>12</sup>

I lana saunoaga i taitai Kerisiano, na faa-iloa ai e Elder Holland le “tulaga lamatia e o faatasi ma le aoaoina o se mea fou e uiga i se isi tagata. O malamalamaaga fou e aafia ai i taimi uma ia vaaiga tuai, ma o lea o se toe manatunatu, toe faatulaga, ma le toe fausia o o tatou malamalamaaga e uiga i le lalolagi e le mafai ona alofia.”<sup>13</sup> I le faauoina o tagata o isi faatuatuaga, sa masani ona ou iloiloina ai o tatou eseesega, taumafai e tuveseese eseesega faaleaganuu mai aoaoga faavae, ae o le taimi foi lena e taumafai e talisapaia mea uma e mama ma matagofie latou te ofoina mai. E moni, o le taumafaiga o nisi taimi e ono lamatiaina, ae e aoga i taimi uma lava. I le faagasologa o lo'u vaai atu i mea mai se





*O Alan Bachman, o le taitafono o le Salt Lake Interfaith Roundtable, o loo saunoa i le Tapeneko i Sate Leki ia Fepuari 2012.*



*E toatolu tamaitai o le Au Paia o Aso e Gata Ai na auai i le Faith Feast, o se tau-mafataga faasolosolo i aganuu i Spokane, Uosigitone, ISA. O i latou faatasi ma isi tagata auai sa asiati atu i se faletapuai Mosalemi i le lotoifale, se falelotu o le ekalesia Sikh ma se ekalesia Pesipeteriane.*

vaaiga e ese mai, na ou iloa ai lo'u aveeseina o lo'u lilifa atu i aganuu e papa'u ae ou latalata atili atu i le fatu o le talalelei.

Sa valaaulia e nisi o vaega o le AAG la'u uo faifeau e saunoa atu ai i le autu o le "alofa atu i o tatou tuaoi e ui i eseesegea faalelotu," ma sa ia oo i le maoae o le taliaina e i latou na auai ai. O le isi taimi na sosoo ai, sa ia valaaulia ai ni isi o le Au Paia o Aso e Gata Ai, e aofia ai ma a'u, e talanoa atu i aulotu eseese i le autu lava lea e tasi. Ina ua maea ia sauniga, sa ou iloa ai le siomia o a'u e tagata o aulotu sa mananao e talanoa mai ia te au, opo au, ma faapea foi ona maligi loimata o le alofa soofaatasi ma le malamalama. I aafiaga faapenei, ua ou iloa ai le moni o le faaiuga a Elder Holland:

"A tatou vaai i tua atu o lanu o tagata, vaega faaleatunu, li'o o agafesootai, ekalesia, sunako, faletapuai, tautinoga, ma faamatalaga o talitonuga, ma pe a tatou taumafai e vaai atu ia te i latou po o ai ma o a i latou—o fanau a le Atua lava lea e tasi—e tupu se mea lelei ma aoga i totonu o i tatou, ma faapea ona tāina atu ai i tatou i totonu o se faatasiga vavalalata ma le Atua, o le Tama o i tatou uma."<sup>14</sup> ■

*E alala le tusitala i Iuta, ISA.*

#### FAAMATALAGA

1. Dieter F. Uchtdorf, i le Marjorie Cortez, "Catholic Community Services honors Uchtdorfs, Eccles as humanitarians of the year," Nov. 7, 2012, deseretnews.com.
2. Tagai Quentin L. Cook, "Partnering with Our Friends from Other Faiths," Aug. 9, 2010, patheos.com.
3. Orson F. Whitney, i le Conference Report, Apr. 1928, 59.
4. Thomas S. Monson, i le "The Mormon Ethic of Civility," Oke. 16, 2009, mormonnewsroom.org
5. Tagai i le Jeffrey R. Holland, "Tutu Faatasi mo le Faamoemoe o Keriso," *Liahona*, Aok. 2012, 24–26.
6. Joseph Walker, "Evangelical leader says LDS Church is not a cult," Oke. 10, 2011, deseretnews.com.
7. Jeffrey R. Holland, "Tutu Faatasi," *Liahona*, 24.
8. Tagai i le Michael A. Neider, "The Voice of the People," *Ensign*, Oke. 2012, 38–40.
9. Tagai Blair D. Hodges, "Mormons, Methodists meet to consider similarities, compare cultures, theology, music," Feb. 25, 2012, deseretnews.com.
10. Joseph Walker, "University of Virginia Chair in Mormon studies named for Richard L. Bushman," Oke. 12, 2012, deseretnews.com.
11. Ferron A. Olson, "Forgiveness at Wakayama," *Ensign*, Tes. 2011, 57.
12. Sarah Taylor, i le "An Evangelical Student's Experience at BYU," *Meridian Magazine*, ldsmag.com.
13. Jeffrey R. Holland, "Tutu Faatasi," *Liahona*, 29.
14. Jeffrey R. Holland, "Tutu Faatasi," *Liahona*, 29.

# MAI LE *Mzungu* I LE UO

*O se gaoioiga faatauvaa o le auauna atu mai se faifeau faamisiona matua na tuua ai se uunaiga malosi tumau.*

**Saunia e David Dickson**

Mekasini a le Ekalesia

**O** se *mzungu* i luga o se laau? O le a le mea a se *mzungu* e fai i luga o se laau? Ae o le a lenei mea-faigaluega sa ia faaaogaina e tatipi vave ai lalā?

O fesili faapena na tuufesili ai mafaufau o tagata Uganda a o matamata atu i se tagata ese (*mzungu*) o faaaogaina se ililaau e ola i le ma'a e tatipi ai lala mamago o se laau paolo tele. O le meafaigaluega lava ia na maofa ai tagata o le nuu. O le toatele o i latou e le'i vaai muamua lava i se mea faapea.

Ae o le mea na sili atu ona latou maofa ai o le *mzungu* lava ia. Sa teu e Elder Roland Harris, o se faifeau faamisiona matua mai Iuta, ISA, ia lea lala ma lea lala, ma tatipiese lala mamago mai vaega maualuluga o le laau. Sa maofa tagata sa i lalo ona o le faia e se tagata ese o se mea faapea mo se tasi o i latou.

I le iuga, o le gaoioiga faatauvaa a Elder Harisi o le auauna atu, o le a faailoga ai le amataga o se faigauo ma se tasi sa le manao e fesootai ma le Ekalesia po o soo se tasi e auai ai.

## O Le Masani ia Godfrey

O Elder Roland Harris ma Sister Janet Harris na tautua i se misiona e 23 masina i le Misiona a Uganda Kampala. O Sister Harris, o se tausimai pasi, sa valaauina e avea ma faufautua faafomai i faifeatalai. O Elder Harris, o se taitai kamuta ua litaea e mafai ona ia toe faaleleia soo se mea lava i le atulau-lau, sa na vaaia fale o le Ekalesia ma taavale a le misiona.

E lei leva ona taunu atu i Uganda, ae faafaigaluega e Elder ma Sister Harris se tagata o le Ekalesia i le lotoifale o Maria, e fesoasoani i le faamamaina o lo la'ua fale.

O Maria na papatisoina i le tolu tausaga na muamua atu. "Sa oo ina ma alolofa ia te ia," o le tala lea a Sister Harris. "Sa fesoasoani o ia aoao i ma'ua i ala o Uganda."



O le tele lava o le la iloa o Maria, o le tele foi lena o le loloto o le latou faauoga. Sa vave ona la iloa e uiga i lona toa-lua o Godfrey—o se tagata lelei sa taumamao pea mai tagata o le Ekalesia, ae maise lava o faifeatalai. "Sa ia le faatagaina faifeatalai i lona fale," o le faamatala mai lea a Sister Harris. Ae peitai, sa manao pea Maria ia feiloi Godfrey ia i latou.

Sa ia valaaulia le au Harris mo se asiasiga puupuu. "Sa leai se mea na la faamoemoeina," na faamalamalama mai ai Sister Harris. "Sa ma ta'u atu ia Godfrey o Maria ua avea nei ma a ma'ua uo pele, ma ma te mananao e iloa lona aiga." Sa latou talanoa ma Godfrey, ae sa le'i manao tele i le manatu o le faamasani atili ia i la'ua nai lo na o ni tagata e iloa.


O na mea uma na suia i le aso na tu atu ai Elder Harris ma meafaigaluega e ola i le paoa, se apefai, ma ofo atu e auauna atu.

## Faaiuga Tonu

O le fale o Godfrey ma Maria sa si'o e laau paolo maualuluga na tumu i lala pepē ma laa ua maualuluga tele na falala atu i se tulaga e lamatia ai luga o le tumutumu o le latou fale.

O le taimi lava lena na galue ai loa Elder Harris. Sa ia faaaluina le fa itula i luga o laau i le tatipiina o lala lapopoa e oo i le 10 inisi (25 cm) le tetelē. Na mautinoa lava ua leva na tatau ona fai le galuega. "Sa le itiiti ifo ma le 20 futu (6 m) lo'u mamao mai le eleele," o le tala lea a Elder Harris. A o savavali ane tagata, sa tau le talitonu i le mea na vaai i ai.

Sa faapena foi le te'i o Godfrey. "Sa ia faafetai ma saga faafetai mai ia i ma'ua," o le tala lea a Sister Harris. E oo lava foi i gaoioiga faatauvaa e pei o le faagataina o laau



e mafai ona i ai ni tulaga lama-ogaoga. "E leai ni a latou tupe mo se vaaiga faafomai," na faamalamalama mai ai Sister Harris. Mo se faataitaiga, afai e pau se tasi mai se laau ma gau ai le lima po o le vae, e masalo o le a tuu ai lava e toe manuia ai lava i latou ia.

O lena faaputuga tele o tipiga laau i luga o le eleele, na faataatia ai le faavae o se faauoga faapelepele. "Na amata mai i lena taimi ona sau i fafo Godfrey e faafeiloi i ma'ua," o le tala lea a Elder Harris. Sa amata foi ona talia e Godfrey ma Maria isi tagata o le Eklesia i lo latou fale.

### Sopoia o le Naila

Sa atili ona latalata atu Elder ma Sister Harris ia Godfrey ma Maria a o faasolo pea masina. Mulimuli ane, o lenei faauoga na avea ma se malosiaga ma se fesoasoani mo le au Harris ina ua faafusei ona la feagai ma se faalavelave i le ogatotonu o le la misiona. Sa la maua le tala ua maliu lo la atalii o Brad i se faalavelave tau taavale i auala tetele.

O le taimi lava na iloa ai e Maria ma Godfrey lenei mea, sa faamaulu loa o la lavalava sili ona lelei ma o atu loa i se malaga matautia ina ia i ai i tafatafa o o la'ua uo pele.

I Uganda, e toalaiti lava tagata e i ai ni taavale. A le o le savavali ia o le faaaoga o taavale laiti la'upasese. E mautinoa lava, o le taavale laiti la'upasese masani o se *boda boda*, o se

uila afi e masani ona vaaia o aveina ni tagata e oo i le toaono i le taimi e tasi.

"I le pogisa, o le tietie i se *boda boda* e matautia," na faamatala ai Sister Harris. "Sa la'ua laasia le naila i se *boda boda* i le pogisa."

Ina ua uma ona malaga atu i auala matautia i le tuneva o le po ma na alu ai se la tupe tele, sa faapea ona tutū atu ai Godfrey ma Maria e "faanoanoa faatasi ma e e faanoanoa" ma "faamafanafana atu ia te i latou o e e manaomia le faamafanafanaga" (Mosaea 18:9). I lena afifi, sa faapea ona toe faafoi moni mai ai galuega alofa ma le alofa. O Maria ma Godfrey o i la'ua ia na tuuina atu le auaunaga. "Sa o se mea ofofogia," o le tala lea a Sister Harris. Sa fautuaina mai e Maria, ia latou tootutuli faatasi i le tatalo. Sa auai Godfrey e aunoa ma le faatuai.

Na o atu Elder ma Sister Harris i Kalemfonia, ISA, e auai i le falelauasiga o Brad. Mulimuli ane, sa la'ua toe foi atu i Uganda e faauma le la misiona. O lenei la ua toe foi atu i le fale i Iuta, ae o loo tumau pea le felata'i o Roland ma Janet Harris ma Maria ma Godfrey.

O le auauna atu o se ki lea e mafai ona tatalaina ai faitotoa na semanu e tapunia ia i tatou. Ua aoao mai Peresitene Thomas S. Monson, "A aveesea e auaunaga lē manatu faapito tau-mafaiga faapito, o le mana o le Atua e aumaiia Ona faamoemoega" ("Naunau ma Agavaa e auauna Atu," *Liahona*, Me 2012, 68). ■





# Aferika

## Konetineta o le Faamoemoe Susulu



**Saunia e Richard M. Romney**  
Mekasini a le Ekalesia

*O le faatuatua ma  
le usiusitai o le au  
Paia o Aso e Gata  
Ai i Aferika ma  
Matakasa ua faia  
ai se faataitaiga mo  
tagata o le Ekalesia  
i soo se mea.*

**E** faigofie ona alofa atu i tagata o Aferika,<sup>1</sup> na saunoa ai Elder Jeffrey R. Holland o le Korama a Aposetolo e Toasefululua i Freetown, Sierra Leone, i se tofiga na aofia ai ni asiasiga i Laipiria ma Ghana.

Na saunoa o ia o le faatuatua ma le usiusitai o le Au Paia o Aso e Gata Ai i Aferika, lea na maua mai ona o lo latou alolofa i le talalelei, na faia ai se faataitaiga mo tagata uma o le Ekalesia.



*O feagaiga o le papatisoga ua matala ai le faitotoa i le tele o faamanuiaga, ma e faa-pena foi i le suesue faamaoni i le talalelei.*



E faagaeetia loto, o le saunoaga lea a Elder Holland, “le vaiai o le taua tele o le talalelei ia i latou, le vaiai o mea ua latou faia i ai, auala ua latou faatauaina ai, i le vaiai o lo latou faamaoni i le sefuluai ma i auaunaga, i le o i le malumalu—ou te mafaufau i le malumalu o le vaaiga faapaleina lea—ma le vaiai o le tausiaina o a latou fanau i le Ekalesia ma le auina atu o o latou atalii ma afafine i le misiona. O se faamaoniga matagofie o lo latou faamaoni.”<sup>2</sup>

### I Ou Luma

Na ta’ua e Elder Holland, e ese mai ia Aferika i Saute (lea na faatulagaina ai se siteki i le 1970), e itiiti ifo ma le 30 tausaga talu ona i ai le Ekalesia i Aferika. Ona o lena mea, o le Ekalesia iinei na “faavaeina a o e vaai atu i ai, faavaeina i se taimi sili ona puupuu,” ma o “Aferika o se tasi o na nofoaga faapitoa lea e mafai ona e tagai ai i le mamalu o le Alii, le ofoofogia ma le vavega o le Toefuataiga, o fofola moni mai i ou luma.”<sup>3</sup>

Na saunoa o ia o le a ia manatua pea le i ai i Accra, Ghana, faatasi ai ma Peresitene Gordon B. Hinckley (1910–2008), ina ua ia fofogaina o le a fausia ai iina se malumalu. “Sa tutū [tagata] ma alalaga, fetagisi ma sisiva, sa opo e le tasi le isi ma fetagisi. Ma i se itu, o loo faaauau pea lena

agaga. O lo'u alofa lena mo tagata Aferika—o lo latou olioli e le faatapu-laaina i le talalelei. O le toatele na itiiti ni a latou meatotino faalelalolagi, ae ina ua latou maua le talalelei, sa latou taliaina atoatoa ma mulimuli ai. . . . O loo latou faia pea. O loo latou faia e oo mai lava i le asō.”<sup>4</sup>

### Faataunuina o Valoaga

O isi perofeta ma apostolo o e na faataunuina ni tofiga i Aferika na saunoa e uiga i le konetineta o se nofoaga lea ua faataunuina moni ai valoaga a le Alii.

“O tagata Aferika o ni tagata agalelei ma onosai,” o le saunoaga lea a Elder Richard G. Scott o le Korama a Apostolo e Toasifululua, ina ua mavae se asiasiga faatasi ma tagata o le Ekalesia i Mozambique ma Nigeria. “E le tele sa latou tupe maua po o ni punaoa e mafai ai ona latou faia ni mea i tipe, latou te faia e ala i a latou taumafaiga naunautai. O le a latou savavali i le tele ma tele o maila ina ia faataunuina se mea ua uunaia i latou e le Agaga Paia e fai e faalauteleina ai le galuega.”<sup>5</sup>

Sa ta’ua e Elder Scott i le 1999, ina ua ia faapaiaina Mozambique mo le talaiga o le talalelei, sa na o le 40 le au paia iina, ma sa avea le atunuu ma se vaega o le Misiona a Johannesburg Aferika i Saute. I le taimi o lana asiasiga lona lua, ia Ianuari 2011, o le Ekalesia i Mozambique na faatoateleina i le silia ma le 5,000 tagata o le ekalesia ma salalau atu i itu e lua ma paranesi e 19 na feiloai i le atunuu atoa. O Mozambique foi o le laumua lea o le Misiona a Maputo Mozambique, lea e aofia ai le atunuu o Angola.<sup>6</sup>

### Fou ae o loo Tuputupu Pea

“Tatou te fou iinei,”<sup>7</sup> o le saunoaga lea a Elder Russell M. Nelson, o le Korama a Aposetolo e Toasefululua, a o asiati atu i Matakasa, Malawi, ma Kenya. “O loo tatou vaavaai i le galue o le Alii i luga o lenei konetineta tele o Aferika e faamanuia tagata . . . i le upu moni, le malamalamo o le talalelei, [e aofia ai] sauniga o le faaolataga ma le faaeaga.”<sup>8</sup> Na ia ta’ua, sa sili ona faagaeetia o ia i le malosi o le tulaga faaleautaitai o le Ekalesia i le lotoifale i Aferika: “E le mafai ona faamatala lo matou matuai faafetai mo nei taitai [i le lotoifale], o e ua tuuina atu o latou taimi ma taleni i le galuega a le Alii e faamanuia ai olaga o nei tagata.”<sup>9</sup>

O Elder Nelson e “matuai talitonu” i le lumanaiai o le Ekalesia ma tagata i Aferika ma Matakasa ona o lo latou faatuatua e malosi atu nai loo o latou luitau. “O outou moni lava o fanau a le Atua, fanau o le feagaiga o Israuelu, ua saunia e feiloai i le Alii o Iesu Keriso ma le Atua, lo tatou Tama Faavavau, ma nonofo faatasi i lo La’ua afioaga faatasi ma o [outou] aiga,”<sup>10</sup> na ia saunoa ai i se fonotaga i Matakasa. Na ta’ua foi e Elder Nelson, “o tagata nei e maoae tulaga gafatia. Latou te faatuatua. E ia i latou se alofa i le Alii, ma latou maua mea uma e manaomia ina ia matuai malolosi ai se nuu.”<sup>11</sup>

I le taimi o se faatalanoaga i Nairobi, Kenya, na saunoa ai Elder Nelson, “Ua i ai a tatou falelotu o le Au Paia o Aso e Gata Ai. Ua i ai se tatou siteki iinei [i] Nairobi. Na fai ananei se tatou konafesi faalesiteki. O se fiafiaga le feiloai ai ma tagata. E silia ma le afe tagata na faapotopoto ai, [ma sa ese lo latou] migao [ma sa i ai se] aufaipese





*O le taumafai e manatua pea le Faaola,  
ua faamalosia ma faafouina ai tagata  
o le ekalesia e ala i le aai ma feinu i le  
faamanatuga.*



matagofie, [se] au peresitene maoae o le siteki, [ma se] pete-riaka i luga o le tulaga. E faapefea ona faailoa atu lo'u olioli pe a ou vaai i se alualu i luma faapenei?”<sup>12</sup>

#### **E Ui Lava i Faigata**

Na saunoa Elder Holland, o loo manuia le Ekalesia i Afrika e ui lava i luitau. O se faataitaiga, na ia saunoa mai ai, “E ui ina sa i ai se taua malosi faalelotoifale i Côte d’Ivoire [Ivory Coast], ae sa o mai pea . . . le Au Paia o Aso e Gata Ai i le malumalu. O se saafiafiga maoae ia i latou. Ou te tu ma ofo.”<sup>13</sup>

I le saunoa ai e uiga ia Sierra Leone ma Laipiria, na saunoa ai Elder Holland, “Ona o o latou olaga vevesi ma faatamaia e taua faalealofa i se taimi e le’i mamao atu, o se tasi lea o mafuaaga ua vave ai le tuputupu ae o le talalelei. Na latou vaai i le olaga e *le* tatau ona i ai, ma o le taimi nei faatasi ai ma faifeautalai ma tagata o le ekalesia ua molimau atu, ua latou vaaia ai le mea *e mafai* ona i ai. O le lagu ua mafai ai ona liliu [o latou tofotofogal] i faamanuiaga, ma ua latou sii ese a’e ai i latou lava mai le fenumia’i faaupufai ma fetauaiga faalemaloo.”<sup>14</sup>

E le gata i lea, na ta’ua e Elder Holland o loo faaauau pea le tuputupu ae o le Ekalesia i Zimbabwe e ui lava i

taimi faigata i tausaga talu ai nei: “Ua tupu talaulau le Ekalesia. Ua i ai le tuputupu ae, ua i ai o tatou siteki, ua i ai a tatou misiona. O le mea lena o loo tupu i Aferika atoa.”<sup>15</sup>

### Talaiina Atu o le Talalelei

O se tasi o mea autu ua manuia ai le Ekalesia i Aferika, na saunoa ai Elder Holland, o le “tatou te le o aafia i faafitauli tetele faaupufai pe faaagafesootai. Tatou te talai atu le talalelei. Tatou te popole e uiga i le faamasi-noga tonu, ma o loo tatou popole i avanoa faaagafesootai ma le fai mea tutusa. Ae tatou te manatu [o loo maua i le talalelei ia tali], o lea e na o le tatou talai atu lava o le talalelei. Ma ua moni lena mea i isi nofoaga ma e moni foi i Aferika, e maua e tagata lena malamalamamaaga, faamanuiaga, ma le malamalamama i o latou olaga, ma e faafuasei lava ona amata sui ia mea ma faamanuiaina ai o latou olaga.”<sup>16</sup>

### O Le Folafolaga a le Alii

Na sii mai e Elder Holland le feta-laiaga a le Faaola, o lē na fetalai mai, “E faapea ona muamua o e na mulimuli, e mulimuli foi e na muamua” (Mataio 20:16).

“I nisi o itu,” na ia saunoa ai, “na tuai le oo mai o le talalelei i Aferika, ae o le mea sili e mafai ona tatou faia i le taimi faatulagaina a le Alii—ma o le taimi faatulagaina a le Alii, ou te vave faamautuina atu. E lata mai nei lava ona amata maua e tagata Aferika ni misiona ma faifeautalai, o faamanuiaga o le perisitua, ma isi mea faapena. O se konetineta tele, ma e tele lava se tatou galuega e fai. Ae ou te talitonu o le tuputupu ae o loo

tatou vaiaia nei i Aferika, o se vaega o le faataunuuga o le folafolaga a le Alii. Ua tulai ae le Au Paia o Aso e Gata Ai i Aferika ma le faatuatua. Ua amata ona latou galulue. Ua latou faafetaiaia luitau o le mauaina o le talalelei ma faia ia aliali i o latou olaga.”<sup>17</sup> ■

### FAAMATALAGA

1. Jeffrey R. Holland, i le “Emerging with Faith in Africa,” [www.lds.org/prophets-and-apostles/unto-all-the-world/emerging-with-faith-in-africa](http://www.lds.org/prophets-and-apostles/unto-all-the-world/emerging-with-faith-in-africa).
2. Jeffrey R. Holland, i le “Emerging with Faith in Africa.”
3. Jeffrey R. Holland, i le “Emerging with Faith in Africa.”
4. Jeffrey R. Holland, i le “Emerging with Faith in Africa.”
5. Richard G. Scott, i le “Mormons in Africa: A Bright Land of Hope,” [mormonnewsroom.org/article/mormons-africa-bright-land-hope](http://mormonnewsroom.org/article/mormons-africa-bright-land-hope).
6. Tagai i le “Jesus Christ Lives’ Elder Scott Testifies in Mozambique,” [lds.org/prophets-and-apostles/unto-all-the-world/jesus-christ-lives-elder-scott-testifies-in-mozambique](http://lds.org/prophets-and-apostles/unto-all-the-world/jesus-christ-lives-elder-scott-testifies-in-mozambique).
7. Russell M. Nelson, i le vitio i le “Learn of the Savior, Saints in Madagascar and Malawi Are Told,” [lds.org/prophets-and-apostles/unto-all-the-world/learn-of-the-savior-saints-in-madagascar-and-malawi-are-told](http://lds.org/prophets-and-apostles/unto-all-the-world/learn-of-the-savior-saints-in-madagascar-and-malawi-are-told).
8. Russell M. Nelson, i le “Elder Nelson Completes Trip to Africa in Kenya,” [lds.org/church/news/elder-nelson-completes-trip-to-africa-in-kenya](http://lds.org/church/news/elder-nelson-completes-trip-to-africa-in-kenya).
9. Russell M. Nelson, i le vitio i le Heather Whittle Wrigley, “Elder Nelson Visits Madagascar, Dedicates Malawi,” 28 Oke. 2011, [lds.org/church/news/elder-nelson-visits-madagascar-dedicates-malawi](http://lds.org/church/news/elder-nelson-visits-madagascar-dedicates-malawi).
10. Russell M. Nelson, i le vitio i le “Learn of the Savior, Saints in Madagascar and Malawi Are Told.”
11. Russell M. Nelson, i le vitio i le “Elder Nelson Visits Madagascar, Dedicates Malawi.”
12. Russell M. Nelson, i vitio i le “Family Success Comes from Following the Savior,” [lds.org/prophets-and-apostles/unto-all-the-world/family-success-comes-from-following-the-savior](http://lds.org/prophets-and-apostles/unto-all-the-world/family-success-comes-from-following-the-savior).
13. Jeffrey R. Holland, i le “Emerging with Faith in Africa.”
14. Jeffrey R. Holland, i le “Emerging with Faith in Africa.”
15. Jeffrey R. Holland, i le “Emerging with Faith in Africa.”
16. Jeffrey R. Holland, i le “Emerging with Faith in Africa.”
17. Jeffrey R. Holland, i le “Emerging with Faith in Africa.”



### ERIA O AFERIKA I SAUTESASAE MA SISIFO\*

Tagata o le Ekalesia: 381,417

Siteki: 70

Uarota: 508

Misiona: 22

Itu: 60

Paranesi: 646

Laumua: Johannesburg, Aferika i Saute ma Accra, Ghana

\*Talu mai Aperila 2013.

### MALUMALU

Faaaogaina

Accra Ghana, na faapaiaina i le aso 7 o Aokuso, 2005

Aba Nigeria, na faapaiaina i le aso 11 o Januari, 2004

Johannesburg Aferika i Saute, na faapaiaina i le aso 24–25 o Aokuso, 1985

Fofogaina

Durban Aferika i Saute

Kinshasa Ripapelika Tominika o Congo

# O LE VAVEGA AUPITO SILI

se aso susulu o Setema na lavea ai le ma uii i teine, o Erika, i se faalavelave tuga tau taavale. Sa aveina atu o ia [i le helikopa] i le falemai, ma ina ua mavae le tele o itula o taotoga faanatinati, na ma maua ai le tala matautia: ua maliu le ma tama teine lalelei, tiotio e 17 tausaga le matua.

I nai masina na sosoo ai sa tiga mo i ma'ua. Na ma onosaia lona aso fanau ma le Aso Faafetai ma saunia i matou lava mo la matou Kerisimasi muamua e aunoa ma ia. Na lapataia i matou e tagata e faapea, o aso malolo o le a faigata, peitai e leai se tele o ni lapataiga na mafai ona saunia i matou.

E ese mai le lagona lofituina o le faanoanoa ma le faavauvau, sa ou fuā i isi aiga o e sa faatasi ma faamanatuna fiafia [aso malolo]. Sa ou mafaufa ma le le fiafia, "Aisea ua tupu ai ia i matou? Aisea na matou le maua ai se vavega e pei o vavega ia o loo talanoa i ai isi?"

I le lotolotoi o lo'u faanoanoa, sa ou manatuaina se taimi na faia ai e la matou uarota se gaoioiga e ta'ua "O Le Kerisimasi i Peteleema." Na laei mai tagata o le uarota e peiseai sa latou i ai i le taimi na soifua mai ai Iesu. O Erika, sa fa ona tausaga i lena taimi, na ofuina se ofu tuai totoso, e paepae ma se sikafu na taai i lona ulu. O le faatumumuga o le afiafi o se faatinoga o le fanau mai o Iesu i se fale faafoliga o manu sa teuteuina i fusi vaovao mago ma se faatanoa vao. O se ulugalii talavou ma le la pepe faatoa fanau mai na avea ma Maria, Iosefa, ma le pepe o Iesu.

A o matou faapotopoto e siomia le vaaiga faafaatusa o le fanau mai o Iesu,

sa ou matauina ua leai Erika mai ou autafa. Sa ou popole seia oo ina ou vaaia sina vaega o lona ofu paepae i autafa o le vaaiga faafaatusa o le fanau mai o Iesu. Ona sui lea o lo'u popole mai le fefe mo lona saogalemu i le fefe nei ona faalavelave i le vaaiga. Sa toeitiiti lava ou valaau atu ia te ia, ae sa ou tu ma matauina ao ia agai mai i le faatanoa vao.

Na tootuli filemu ifo Erika i talaane o Maria ma tilotilo atu i luga ia te ia e peiseai o ia fia mauaina sana faataga. Ona aapa atu lea o Erika ma milimili ma le alofa le pepe o loo moe. Sa le na o au na matauina. Na vave ona filemu isi ma matamata atu a o ia tootuli latalata atu i le pepe. Sa faatumulia le vaega i se lagona alofa ina ua latou iloaina o lenei pepe o le tamaitiiti o Keriso ia Erika.

I lo'u faavauvau, na aumaia e lenei manatuaga o le Kerisimasi ia lagona o le toofilemu ma le mafanafana ao ou

tomanatu i le tuuto o la'u tama teine. Sa matuai tumu lou mafaufa i fesili e uiga i le olaga ma le oti—ni fesili e lei foliga mai na taua tele a o lei maliu Erika. A o ou mafaufa loloto i le Toetu ma le Faasatauroga, sa ou malamalama ia Maria. Sa ia alofa i lana Tama faatoa fanau mai, ma sa ia onosaia mulimuli ane ia tiga matuitui ma le ita ao ia molimauna Lona mafatia ma le maliu. Sa lei faasaoina Keriso i le satauro, ma na lei faasaoina Maria i lona faavauvau.

I le Kerisimasi, tatou te faamana-tuina ai le amataga o le soifuaga o le Faaola i le lalolagi, ae mo au, o Lona soifua mai o le a fesootai lava e le aunoa i Lona puapuagatia, maliu, ma le Toetu—o le Togiola. Talu ai o le Faaola na motusiaina ia noataga o le oti, ou te iloa o le oti o Erika o le a le tumau ai. O le vavega lena ia faafe-

tai ai—o le vavega aupito maoae lea o taimi uma. ■

Ellen Knell, Iuta, ISA

**S**a faatumulia  
le vaea i se  
lagona alofa ina ua  
latou iloaina o lenei  
pepe o le tamaitiiti  
o Keriso ia Erika.



# O SE TALI I ANA TATALO

Sa ou le lagonaina le agaga o le Kerisimasi. Ua oo ia Tesema o lo'u tausaga faai i le aoga maualuga, ma o pepa e faatumu e ulufale ai i kolisi faapea ma lau galuega faatino mulimuli o le Lora na faamalumalu mai i ou luma. Ou te faamoemoe e maua se avanoa volenitia e mafai ai ona ou lisia i totonu o au pepa faatumu o kolisi na ou auai ma faaaoga foi o sau galuega faatino a le Lora. O le mea e laki ai na talosagaina i maua ma la'u uo o Jesicca e le faufautua o tamaiti aoga pe mafai ona ma faamaopoopoa se gaoioiga a le aoga e ao mai ai ni mea taalo mo se faalapotopotoga o galuega alofa i le lotoifale.

Sa ou faamatuu atu le tele o le galuega i le komiti o le galuega faatino. Sa ou tuu atu ia i latou e fatu se laupapa puletini o loo faailoa mai ai se fua tele e iloa ai le aofaiga o meataalo na foai mai. Na matou manatu ua lava na faalauiloaga, ma sa ma faaaluina ia periota taitasi o malologa e ao mai ai foai. Na foai mai e tamaiti ni nai meataalo, e ui i lea, na tumau le maualalo o le fua.

O le mea na ese ai, na amata ona tuueseina e lo matou faufautua nisi o meataalo. Ina ua ma fesili atu ma Jessica po o le a se mea na te fuafua e fai i ai, sa ia tau mai ia i maua o loo i ai se faiaoga i le aoga na iloaina talu ai nei lava ua maua i le kanesa. Ina ua mavae se tauiviga e faiaoga a o faia ni togaftiga, na ia filifili loa e ave ni aso malolo mai le galuega. I le lalata mai o aso malolo ma le faulalai o pili a le fomai, o le a leai ni meaalofa o le Kerisimasi mo lona aiga. Na fautua mai lo matou faufautua e matou te afifiina mo i latou ia meaalofa ia na tuuese.

Sa ootia lo'u loto. Sa ou vaa'i la'u

auaunaga faatino o se auala e auauna ai ia te au lava ia, ae le o isi. Sa ou filifili loa e faatoluina la matou sini mo meataalo e foai faameaalofa mai ma amataina ona fai se saogatupe mo le faiaoga ma lona aiga.

Na ma asiiasi atu ma Jessica i potuaoga ma faasilasila atu lo matou faamoemoega. Sa tele le tali mai. Na tuuina mai e faiaoga, le aufaigaluega, ma tamaiti aoga ni meataalo ma tupe e fesoasoani ai i le aiga. E lei umi ae matou ausia la tatou sini o meataalo, lea na maofa ai le faalapotopotoga o galuega alofa. Na matou aoina mai foi le sili atu ma le \$1,000 mo le aiga.

Ao matou afifiina ma le faaeteete ia meaalofa na matou aoina mai ma faatauina, na ou iloaina ai o le molimau e uiga i auauna atu sa ou mauaina na tutusa lava le maoae ma meaalofa na matou tuuina atu. E le mafai

A o matou afifiina ia meaalofa, na ou iloaina ai o le molimau e uiga i le auauna atu sa ou mauaina na tutusa lava le maoae ma meaalofa na matou tuuina atu.

ona ou faamatalaina le lagona faagaeetia sa ou lagonaina a o matou vaavaai atu faalilolilo i le mauaina e le aiga o meaalofa na matou tuua i luma o lo latou faitotoa e aunoa ma lo latou iloa.

I ni nai masina mulimuli ane, na talosagaina ai i maua ma Jessica e faiaoga i se semina e faataau i galuega auauna atu. Na ma faamatalaina le mea na matou faia e aunoa ma le ta'ua o le suafa o le faiaoga. Na sii i luga le lima o se teineitiiti ma tu i luga. Na tagi ma fai mai. O le faiaoga o le uso o lona tama, ma sa ia faamatalaina le tele o le aafiaga na oo ia te ia ona o la matou auaunaga. Sa ia fai mai o se tali lea i ana tatalo.

Oka o se fiafiaga i lena vaitau o aso malolo o le o mai faatasi i se auaunaga faamoni ma le iloaina sa matou

faia se eseesege. ■  
Lindsey Leavitt,  
Nevada,  
ISA



# E MAFAI ONA OU FAIA LENEI MEA!

**O**se afiafi o le vaitau o le Keri-simasi, ma sa taatia mai i luga o le palapala se kiona mafafia. Mo le tele o masina na ma onosaia ai ma la'u soa le tau malulu o Siamani, tu'itu'i i fai-totoa, ma tuuina atu ni kopi o le Tusi a Mamona. Na oo lava i lena taimi, i le 15 tausaga talu ona maea le Taua Lona 11 a le Lalolagi, o le toatele lava o tagata Siamani e faaeteete i tagata Amerika.

Ae o lena po o le a papatiso ai Ingeborg Bienmuller. Ae peitai, i le malaga umi i le pasi e agai atu i le nofoaga a le Fuavaalele Tau a le Iunaite Setete, sa filemu o ia. Sa ou iloaaina le tuputupu ae o lona lagona o le tiga.

A o matou latalata atu i le fale

faatalipasi, na faliu mai Ingeborg ia i maua ma fai mai, "E te lua iloa le faigata o lenei mea ia te au? Na fasiotia lo'u toalua i le taua e le autau Soofaatasi, ae o le toatele o isi tagata o lou aiga na feoti i tu'igapomu."

Sa ia pai atu i lona vae. "Sa ou lavea i se uamea mai se pomu. O le a lē toe lelei lava lo'u vae. Ou te le iloa pe mafai ona ou alu i totonu iina."

Na matou nonofo e aunoa ma se pisa ao goto ifo i totonu ana upu ma tu loa ma le pasi. Na nofo faamalo Ingeborg. Na tatavale lo'u fatu. Sa ou tatalo ina ia aua nei ona alu ese i le fefe.

Ona ia tu lea i luga mai lona nofoa ma tautino mai, "Ua tuuina mai e le Tama Faalelagi ia te au se molimau e

uiga i le moni o le Toefuataiga. Ou te iloa e moni le Tusi a Mamona. E mafai ona ou faia lenei mea! Elder Atkin, faamolemole fesoasoani mai ia te au e savali."

Na matou faia se savaliga umi e oo i le faitotoa, na faigata ona manava ia Ingeborg ao matou pasia leoleo. Sa matou sui i o matou ofu papae ma maua le vai i le nofoaga autu. Na avea le vai ma se nofoaga paia, ma sa i ai le filemu i o matou luga. O popolega na i foliga o Ingeborg na suia i le olioli a o ia laa atu i totonu o le vai ma papatisoina o se tagata o le Ekalesia.


"O le po lea na tuuina mai ai e faifeautalai se Tusi a Mamona ia te au, sa ou matuai fiafia lava," sa ia fai mai ai a o matou tietie atu i le fale. "Sa ou ala ma faitauina seia oo ina ou tau i le Mosaea 18, lea na valaaulia ai e Alema le nuu ina ia papatisoina: 'Faauta, o vai nei o Mamona . . . ma o lenei, ona ua outou mananao e o mai i le lafu a le Atua, ma ta'ua o ona tagata, . . . se a se mea tou te tetee ai i le papatisoina'" (Mosaea 18:8, 10).

Sa ia faaauau pea ma le lemu, "Sa ou moe i le fai-tauina o na upu, ma sa ou faia se miti. Sa ou tu i autafa o se vaega manaia o le vai, e pei o le Vai o Mamona. I le isi itu o le vai na tutu ai ia tagata e laei papae—o lo'u aiga! O lo'u toalua, lea na fasiotia i le taua, sa ataata ma faailo mai ia te au ina ia papatisoina."

O le po lena na avea ai Sister Bienmuller ma se tasi o le Paranesi a Würzburg ma se tasi o le toatele i Siamani o e na iu lava ina manumalo i o latou popolega ma auai i le Ekalesia. ■

Roy Atkin, Kalefonia, ISA

**N**a faliu mai Ingeborg ia i maua ma fai mai "E te lua iloa le faigata o lenei mea ia te au?"



# NA MATOU O MAI MO A MATOU MEAALOFA

Ina ua avea au ma se tasi o la matou au peresitene o le itu, sa ou fesoasoani e faamaopoopo se gaoioiga lea na foai mai ai e le au paia o lo matou itu ni meataalo mo tamaiti matitiva e nonofo i le aai o Soacha, Kolomupia. Na matagofie le tali mai o le au paia atoa. E le o meaalofa uma sa fou, ae o le tele lava sa i ai i tulaga lelei.

Ina ua maea ona matou utaina ia meaalofa i luga o le pasi e ave ai i matou i le aai, sa sau se teineitiiti laitiiti ia te au ma se polo palasitika ua leva ona faaaogaina ma ua osiosi solo.

Sa ou uuina le polo i lo'u lima, ma tau mafaufau po o ai se tagata na foaiina sea polo ua mafoefoe ma maosiosia. Ma ni manatu faatauvaa sa ou togina ai i lalo o le nofoa.

Ina ua matou taunu, na amata ona usuina e la matou autalavou ni pese Kerisimasi. O a latou pesepesega, faatasi ai ma a latou pulou o le Kerisimasi, na faatosina mai ai se vaega toatele o tamaiti. Ina ua amata ona matou tufaina atu ia meaalofa, na valaau atu tamaiti i isi tamaiti. E lei umi ae uma uma ona tuuina atu ia meaalofa.

Matou te saunia loa e o, ae ou vaaia se tamaitiiti pe a ma le valu tausaga le matua o tamomoe agai mai ia i matou, ma uu mai

**S**a ou faamoemoe ma le leao ina ia ou maua le naunautaiga e faamanuia atu ai i isi e pei ona faamanuiaina e le tamaitiiti matua lona uso.

le lima o si ona uso laitiiti. Ina ua la taunu mai, na fai mai le tama matua, "Na ma o mai mo a ma meaalofa." O lona tulaga mama na ou le magagana ai ma ootia ai lo'u loto.

Sa ou faamatalaina atu ia te ia ua leai ni meaalofa. Sa ia tali mai, "E le afaina pe afai e le o i ai ii sau meaalofa, ae e tatau lava ona i ai iinei le meaalofa a si ou uso laitiiti."

Ona ou mafaufau lea i le polo sa ou togina i lalo o lo'u nofoa. Sa ou fai atu i tamaiti e toe tasi lava le meaalofa sa i ai ae o se meaalofa faatauvaa.


"E le afaina po o le a," o lana tala lea. "O le meaalofa lena."

Sa ou oso i luga o le pasi ma maua ai le polo. Ina ua ou tuuina atu i le tamaitiiti, sa matuai tumu i le fafia. Sa oosooso i le agaga faafetai, ma fai mai, "O se polo! O le meaalofa lena sa ou ole atu i le pepe o Keriso e aumai mo au." Na faaauau pea ona siva faataamilo ma le fafia ao la o ese atu ma lona uso matua ma le la meaalofa faapelepele.

Sa ou tu filemu ai iina ma tagi ao siomia a'u e se lagona mafanafana o le filemu ma le agaga faafetai. O le popole ma le tausiga lē manatu faapito o le uso matua na tuuina atu i lona uso laitiiti na pa'i mai ia te au, ma sa ou faamoemoe ma le leao ina ia ou maua le naunautaiga e faamanuia atu ai i isi e pei ona faamanuiaina e le tamaitiiti matua lona uso.

A o savavali ese atu ma le fafia tamaiti, sa ou toe manatua le alofa o le Faaola mo i tatou. Sa lei galo ia te Ia se tamaitiiti i autafa o se mauga o le na aioi atu mo se polo faatauvaa mo le Kerisimasi. ■

Walter Emilio Posada Rodriguez,  
Kolomupia





**Saunia e Elder  
Robert D. Hales**  
O Le Korama a Apostolo  
e Toasefululuā

# O Le FOLAFOLAGA o le KERISIMASI

*Sei o tatou faaaluina se taimi i lenei vaitau  
o le Kerisimasi e faafou ai a tatou feagaiga  
e mulimuli i le Faaola ma fai Lona finagalo,  
e pei lava ona Ia faia le finagalo o lo tatou  
Tama Faalelagi.*

**T**atou te le mafai ona malamalama atoatoa i le uiga o le Kerisimasi sei vagana ua tatou malamalama i le uiga o le soifuaga o le Faaola, Togiola, ma le Toetu.

E le mafai ona ou te mafaufau e uiga i le soifua mai o le Faaola e aunoa ma le mafaufau i Lana fetalaiga ia Pilato: “O le mea lenei na fanau mai ai a’u, o le mea foi lenei na ou sau ai i le lalolagi, ina ia ou molimau i le upu moni. O i latou uma lava o i le upu moni, e faalogo mai i latou i lo’u leo” (Ioane 18:37).

A o tatou amataina le vaitau o le Kerisimasi, ia tatou mafaufau i valoaga faaletusi paia e uiga i le Faaola. E le na o ni faamatalaga ese lava o le talafeauga; nai lo lena, o ni faamatalaga loloto o le faamoemoe ma le folafolaga e uiga i Lona soifuaga ma le misiona ma Lona faamoemoega mo i tatou taitoatasī.

## O Valoaga o Lona Afio Mai

O le afio mai o Keriso na muai valoiaina mo le fia afe o tausaga. Pe tusa ma le 2,000 tausaga a o lei oo i le fanau mai o Iesu Keriso, na aoao mai ai Aperaamo e uiga i Lana matafaioi i le ata o le faaolataga. Pe tusa ma le 1,400 tausaga a o lei oo i Lona fanau mai, sa aoao mai ai e Mose ia lava upumoni matagofie e tasi. Pe tusa ma le 700 tausaga a o lei oo i Lona fanau mai, sa faaali mai ai e Isaia le tulaga o Lona fanau mai, soifuaga, ma le maliu:

“O le mea lea e tuuina mai ai e le Alii lava le faailoga ia te outou; Faauta, e to le taupou, ma fanau mai se tama tane; na te faaigoa foi ia te ia o Emanuelu” (Isaia 7:14).



“Aua ua fanau mai mo i tatou le tama, ua foaiina mai mo i tatou le atalii, e i lona ua le malo, e igoa foi o ia, o le Silisili Ese, o le Faipule, O le Atua malosi, O le Tama o le Faavavau, O le Alii o le Filemu” (Isaia 9:6).

“Ua inosia ma tuulafoaiina o Ia e tagata; o le tagata faanoanoa, ua masani foi ma le tiga. . . .

“E moni ua na tauave o tatou tiga, ma na tauave o tatou faanoanoa: a ua tatou manatu o ia ua taia, ua fasia e le Atua, ma ua faatigaina.

“A ua manua o ia ona o a tatou solitulafono, ua momomo o ia ona o a tatou amio leaga . . . o ona faalavalava foi ua malolo ai tatou. . . .

“. . . E pei o le tamai mamoe ua taitaiina ia fasia, e pei o le mamoe foi i luma o e sele lona fulufulu, ua faalologo ia, o ia foi ua le tautala mai.

“O le faasaua ma le faamasinoga na aveeseina ai o ia. . . .

“Na tofia o ia ia fai lona tuugamau faatasi ma e pagotata, a e peitai sa i le mauoa ina ua maliu; ua na le faia e ia se faasauaga, ua leai foi se pepelo i lona fofoga” (Isaia 53:3–5, 7–9).

E lei leva ona mavae le valoaga a Isaia, ae faia e le perofeta o Liae se miti o'oo'o ma aoao ai lona aiga i le mea sa ia aoaoina. Na faamaumauina e Nifae: “I le ono selau tausaga mai le taimi na tuua ai e lo'u tamā Ierusalem, o le a faatu mai ai e le Alii le Atua se perofeta i totonu o tagata Iutaia—o se Mesia lava, po o, i ni isi upu, o le Faaola o le lalolagi” (1 Nifae 10:4).

Na talanoa mai foi Liae e uiga i le toatele o perofeta o e na molimau mai

e uiga i le afio mai o le Togiola o le lalolagi (tagai i le 1 Nifae 10:5).

### O Le Folafolaga o le Kerisimasi

O le Talalelei a Luka na faamau-mauina ai faapea ao lei fanau mai le Faaola, na alu atu faanatinati Lona tina e asiasi i lona tausoga o Elisapeta.

“Ua faalogo mai Elisapeta i le alofa o Maria, ona osooso ai lea o le tama i lona manava, ua faatumuina foi Elisapeta i le Agaga Paia:

“Ua alaga ia, ua leotele, ua faapea mai, Amuia oe i fafine, amuia foi lē a fanau mai ia te oe” (Luka 1:41–42).

A o molimau mai le Agaga Paia ia Elisapeta, na Ia molimau mai ia i tatou ua faataunuina ia upu a perofeta. Ua afio mai le Faaola ma faia le galuega na auina mai ai o Ia e Lona Tama e faataunuina.

Na tusia e Nifae, e uiga i le Faaola:

“Ma sa ou vaai ma toe iloa atu le taupou, ua sapasapaia e ia se tamameamea i ona lima.

“Ma sa fetalai mai le agelu ia te au: Faauta i le Tamai Mamoe a le Atua, ioe, o le Alo lava o le Tama Faavavau!” (1 Nifae 11:20–21).

Ina ua 12 tausaga o le Faaola, sa Ia aoao atu i le malumalu. Na Ia faamatala atu i Ona matua popole sa i ai o Ia i le fale a Lona Tama (tagai i le Luka 2:42–49).

Na faataunuina lena tulaga ao Ia faatunuina Lana misiona faale-lalolagi. Na faamatalaina e le Faaola le faatumutumuga o lena misiona i upu musuia nei:

“Na ou sau i ou lava tagata, ma sa le talia au e ou lava tagata. Ma ua



*I vaiaso taitasi a o tatou auai i sauniga o le faamanatuga, tatou te faafouina le folafolaga o le soifua mai o le Faaola i o tatou lava olaga.*

faataunuina ai tusitusiga paia e faatau i lou sau.

Ma o le toatele o i latou o e ua latou talia au, o i latou ia ua ou tuu atu i ai avea ma atalii o le Atua; ma o le a faapea lava ona ou tuuina atu i le toatele o i latou o e e talitonu i lou igoa, aua faauta, o au e oo mai ai le togiola, ma o au ua faataunuina ai le tulafono a Mose" (3 Nifae 9:16–17).

O Lana folafolaga e mafai ona avea i tatou ma Ona atalii ma afafine o le a faailoa mai a o tatou talitonu ia te la ma faatino le faatuatua ia te ia i le usiusitai. Ona tatou saunia lea mo le mauaina o le meaalofa o le ola e faavavau.

Na ia fetalai mai: "Faauta, o au o Le na saunia mai le faavaega o le lalolagi e togiola lou nuu. Faauta, o a'u o Iesu Keriso. . . O a'u e maua ai e tagata uma le ola, ma e faavavau, ia i latou lava o e e talitonu i lo'u igoa, ma o le a avea i latou ma ou atalii ma ou afafine" (Eteru 3:14).

### O Le Uiga o le Kerisimasi

O le Kerisimasi o se vaitaimi o le fetufaa'i o a tatou meaalofa, o le faamalosia o isi, ma le faia o la tatou vaega i le malo o le Atua. O le Kerisimasi o se taimi foi e faaali atu ai lo tatou alolofa i isi ma tuu atu ai a tatou molimau e uiga i le Faaola.

O se tasi o auala e mafai ona tatou faasoaa atu ai a tatou molimau o le i ai lea o se vaaiga faafaatusa o le fanau mai o Iesu i o tatou fale ina ia mafai ai ona tatou amatalia ni talanoaga e uiga i le fanau mai o le Alii. O le isi auala o le faamatala lea o tala e pei o John Weightman i le *The Mansion*.

O John Weightman o se tagata faamanuina ma o ana faalapotopotoga o galuega alofa na iloga ma tautau ai o ia. I se tasi afiafi, ina ua uma ona iloiloina ni faaputuga o otiga nusipepa o loo viai ai o ia mo lona agalelei, sa ia siiina i luga lana Tusi Paia. E lei umi ae moe ina ua uma ona fatauina ia upu a le Faaola: "Aua tou te toloa'i oa mo outou i le lalolagi, o i ai le mogamoga ma le ele e faaumatia ai, o i ai foi tagata gaoi e eli atu, ma gaoi ai" (Mataio 6:19).

A o moe o ia, na faapea ona oo ai Ioane i "le aai faalelagi," o loo malaga atu ma isi ao latou taliaina a latou maota tetele. Ina ua tu le Leoleo o le Faitotoa i luma o se tamai fale e fausia i ni meafaufale na tiaiina, sa ia fai mai ia Ioane, "O lou maota lea."

Na tetee atu Ioane, ma tolaulau atu le anoanoai o ana sao i tagata lautele.

"Pe lei faamaumauina uma ea nei galuega sa faia i le fogaeleele e faoopoopo ai i lou manuia?" na fesili atu ai le Leoleo o le Faitotoa. "Ua uma ona tauia ai oe. Pe o le a totogi faalua ea oe?"<sup>1</sup>

I lenei vaitau o le Kerisimasi, ou te faamoe moe o le a tatou tofu maua uma se avanoa e foai atu ai ma le le faailoaina atu.

### Mauaina o le Folafolaga

I vaiaso taitasi a o tatou auai i sauniga o le faamanatuga, tatou te faafouina le folafolaga o le soifua mai o le Faaola i o tatou lava olaga. Tatou te tauave Lona suafa i o tatou luga, ma tatou faafouina a tatou feagaiga o le usiusitai ma la tatou folafolaga ina ia tatou manatua pea o Ia.

O le talalelei, e pei ona tusia i le Mataupu Faavae ma Feagaiga, e faapenei:

"E faapea na afio mai o ia i le lalolagi, o Iesu lava, e faasatauroina mo le lalolagi, ma tauave agasala a le lalolagi, ma faapaia le lalolagi, ma faamamā mai amioletonu uma;

"Ina ia mafai ona faaolaina e ala ia te ia i latou uma" (MF&F 76:41–42).

Sei o tatou faaaogaina lenei taimi o le vaitau o le Kerisimasi e faafou ai a tatou feagaiga ina ia mulimuli i le Faaola ma fai Lona finagalo, e pei lava ona Ia faia le finagalo o lo tatou Tama Faalelagi. A tatou faia faapea, o le a faataunuina ai mo i tatou i le taimi lenei ia upu o le nuu a le Tupu o Peniamina, na tusia i le 125 tausaga a o lei fanau mai le Faaola, e faapea: "E, ia alofa mutimutivale mai ia, ma faaaoga le toto togiola o Keriso ina ia mafai ai ona matou maua le faamagaloga o a matou agasala, ma mafai ona faamainina o matou loto; ona ua matou talitonu ia Iesu Keriso, le Alo o le Atua, o le na foafolina le lagi ma le fogaeleele, ma mea uma lava; o le o le a afio mai i lalo i totonu o le fanauga a tagata" (Mosaea 4:2).

Ou te molimau atu na afio mai le Faaola i le ogatotonu o taimi ma o le a Ia toe afio mai. Ou te molimau atu o Lana Ekalesia, na toefuatai mai i lenei tisipenisione mulimuli a o lei Afio Mai Faalua o Ia, o le "galuega ofoofogia ma le mea e ofo ai" (2 Nifae 25:17) lea o loo tatou galulue ai i le avea ai ma Au Paia o Aso e Gata Ai. ■

### MANATUA

1. Henry e Van Dyke, "The Mansion," i le *Inspirational Classics for Latter-day Saints*, comp. Jack M. Lyon (2000), 54–57, 62–63.



Saunia e Elder  
Jeffrey R. Holland  
O Le Korama a Apostolo  
e Toasefululua

Saunia mo le

# AFIO MAI FAALUA

O tamalii ma tamaitai maoae i tausaga ua mavae atu na mafai lava ona faaauau pea, molimau atu, taumafai pea e fai le mea sili latou te mafaia, e le faapea ona sa latou iloa o le a latou manuia, ae ona sa latou iloa o le a outou manuia.

**U**a tatou ulufale mai i lenei vaitaimi o le olaga faaletino i le tisipenisione aupito sili ona maoae o le talalelei ua tuuina mai i tagata, ma e tatau ona tatou faia le mea sili.

Ou te fiafia i se fuaiupu mai se saunoaga a le Perofeta o Iosefa Samita o loo faapea mai ai o perofeta na muamua atu, ositaulaga, ma tupu “ua latou tulimatai atu ma le nau-nautaiga i aso o loo tatou ola ai; ma le musuia i le fiafia ma le naunautaiga faalelagi ua latou pepese ai ma tusia ai ma valoia ai lo tatou taimi lenei.”<sup>1</sup> Ia matau lenei foi folafolaga talitutusa mai ia Peresitene Uilifoti Utilafi: “O loo matau mai i tatou e le silafaga a le Atua ma perofeta paia uma. O le tisipenisione sili lenei sa tautalagia ina ua faatoa faavae le lalolagi.”<sup>2</sup>

E i ai sou talitonuga e uiga i na tisipenisione na muamua atu faapea ma taitai, aiga, ma tagata o e na soifua i lena vaitaimi. Sa ou mafaufau soo lava ia i latou ma tulaga matau-tia na feagai ma i latou. Sa latou feagai ma taimi e matuai faigata ma, mo le tele o vaega, sa le manuia i a latou tisipenisione. E moni, o le mafuaaga autu lava o le Toefuataiga o le talalelei i nei aso e gata ai, ona sa lei faasaoina mai le talalelei i na vaitaimi anamua ma o le mea lea ua toe faatulagaina ai i le vaitausaga faaiu ma le manumalo.


## O Se Tisipenisione O Le A Lē Iuvala

I se faapuupuuga, o le liliuese ma le faatafunaga o se tasi o ituaiga po o se isi foi sa avea ma taunuuga tupito lea o tisipenisione aoao uma lava sa tatou oo i ai talu mai le amataga. Ae o lo'u talitonuga lenei. O lo'u talitonuga e faapea o na tamalii ma tamaitai maoae, o taitai i na tausaga ua mavae atu, na mafai lava ona faaauau pea, e molimau atu, taumafai pea e fai le mea sili latou te mafaia, e le faapea ona sa latou iloa o le a *latou* manuia, ae ona sa latou iloa o le a *outou* manuia. Ou te talitonu sa latou lototetele ma faamoemoe e le mo o latou lava tulaga ae mo outou—o se faapotopotoga matagofie o tagata talavou ua faapotopoto mai e ala i le fai-tau selau o afe ma afe i le lalolagi atoa i se taumafaiga nau-nautai ina ia vaai ua faamanuiaina ma manumalo le talalelei.

Sa fai mai Moronae i se tasi taimi, i le talanoa mai ia i tatou o e o le a mauaina ana faamaumauga i aso e gata ai:

Faauta, ua faaali mai e le Alii ia te au mea tetele ma ofo-ofogia e faatatau i mea ua lata ona oo mai, i lena aso o le a oo mai ai nei mea ia te outou.

“Faauta, ou te tautala atu ia te outou e peiseai o outou faatasi mai i le tasi nei, peitai ua outou le o i ai. Ae faauta, ua faaali mai outou ia te au e Iesu Keriso, ma ua ou iloa a outou mea o fai” (Mamona 8:34–35).



Po o le a lava, ou te manatu e toe-toe lava o perofeta *uma* ma uluai apusetolo sa i ai a latou taimi faafaaaliga e uiga i o tatou taimi—o se vaaiga lea na tuuina atu ia i latou le lototetele i o latou lava vaitau na itiiti ai le faamnuaina. O na uso anamua na iloa se vaega ofoofogia e uiga ia i tatou. Na vaaia e Perofeta e pei o Mose, Nifae, ma le uso o Iareto ia aso e gata ai i se faaaliga matuai auiliili. O nisi o mea na latou vaai i ai sa le manaia, ae e mautinoa lava o na autupulaga anamua sa lototetele i le iloaina o le a iu lava ina tasi le tisipenisione lea o le a le toilalo lava.

O o tatou aso, ae le o i latou, ia na tuuina atu ai ia i latou ni “fiafiaga ma le naunautaiga faalelagi” ma mafua ai ona latou pepese ma vavalou atu i le manumalo. O o tatou aso, i le ta’ua faatasi uma, lea na tagai mai i ai perofeta mai le amataga o taimi, ma na uso na muamua atu o loo i ai pea iina e faamalo-siu mai ia i tatou! I se auala moni lava, o lo latou avanoa e mafaufau ai i lo latou manuia atoatoa e faalagolago lea i lo latou faamaoni ma lo latou manumalo. Ou te fiafia i le manatu o le alu i le taua i aso e gata ai e avea ma sui o Alema ma Apinati ma le mea sa la aioi atu ai, ma fai ma sui o Peteru ma Paulo ma osigataulaga sa laua faia. Afai e le faafiafaina oe i lena ituaiga o tofiga i le tala faatino o talafaasolopito, e le mafai ona e maua le fiafia!

### **Sauniaina o le Ekalesia a Keriso mo Lona Afio Mai**

Sei ou faaopoopoina se isi elemene i lenei vaaiga o le tisipenisione ou te manatu e otometi lava ona mulimuli mai. Talu ai o lo tatou vaitaimi o se vaitaimi mulimuli ma e silisili i tisipenisione uma, aua o mea uma o le a iu lava ina faaumaina ma faataunuina

i lo tatou vaitaimi, o le mea lea, o loo i ai se mea se tasi e faapitoa lava, e matua patino lava le pau o le tiutetauave lea i luga o i tatou i le Ekalesia i le taimi nei lea e lei tutusa le pau i tauau o tagata o le Ekalesia i soo se taimi ua mavae atu. E le pei o le Ekalesia i aso o Aperaamo po o Mose, Isaia po o Esekielu, po o aso o Iakopo ma Ioane i le Feagaiga Fou, *ua ia i tatou se tiutetauave e saunia ai le Ekalesia a le Tamai Mamoe a*

***Ua ia i tatou se tiutetauave e saunia ai le Ekalesia a le Tamai Mamoe a le Atua mo le taliaina o le Tamai Mamoe a le Atua—i le tino, i le mamalu manumalo, i LANA matafaioi i le meleniuma.***

*le Atua mo le taliaina o le Tamai Mamoe a le Atua—i le tino, i le mamalu manumalo, i LANA matafaioi i le meleniuma o le Alii o alii ma Tupu o tupu. E leai lava se isi tisipenisione muamua na i ai lena tiute.*

I le gagana o tusitusiga paia, ua atofaina i tatou i le talafaasolopito atoa e tatau ona tatou saunia le tamaitai faaipoipo mo le oo mai o le Faatoafaiava ma ia agavaa ai mo se valaaulia i le taumafataga o le faaipoipoga (tagai i le Mataio 25:1–12; 22:2–14; MF&F 88:92, 96). I le talanoa faalauaitele atu—e tusa lava po o o tatou olaga po o olaga o a tatou fanau po o fanau a fanau po o soo se taimi lava—ua i ai tatou le tiutetauave i le avea ma

se Ekalesia ma ni tagata taitoatas o le Ekalesia ina ia agavaa e afio mai Keriso ia i tatou, ina ia agavaa e Na te faafeiloia i tatou, ma Ia taliaina ma opoina i tatou. O olaga tatou te tuuina atu ia te Ia i lena itula paia e *tatau* ona agavaa mo Ia!

### **E Tatau Ona Tatou Agavaa mo Lona Taliaina o i Tatou**

Ua faatumulia au i le maofa, faatasi ai ma se lagona loftuina o le tiute e saunia ai lo’u olaga (ma i le tulaga ou te mafaia, e fesoasoani e saunia ia olaga o tagata o le Ekalesia) mo lena aso ua leva ona valoia, mo lena ui atu o le pule, mo le taimi o le a tatou tuuina atu ai le Ekalesia ia te Ia o lā ana le Ekalesia.

Pe a afio mai Keriso, e ao i tagata o LANA Ekalesia ona foliga ma amio e pei o foliga ma amio e tatau ona i ai tagata o LANA Ekalesia pe afai tatou te mananao e Na te taliaina i tatou. E tatau ona tatou faia LANA galuega, ma e tatau ona tatou ola i ANA aoaoga. Ia tatau ona vave ma faigofie ona Ia silafaina i tatou o ni Ona soo moni lava. E pei ona fautuina ai i tatou e Peresitene J. Reuben Clark Jr. (1871–1961), o lē na avea muamua ma Fesoasoani Muamua i le Au Peresitene Sili, na faapea mai: e le tatau ona faafraigata le iloaina o lo tatou faatuatua.<sup>3</sup>

Ioe, afai tatou te faapea atu i lena itula maoae mulimuli, o i tatou o ni tagata faatuatua, ona tatau lea ona tatou faaali atu. Ua silafia e le Leoleo Mamoe Ana mamoe, ma e tatau ona iloa i tatou i lena aso tele o Ona soo i faatinoga faapea foi i le upu.

Au uo talavou pele, o aso nei e gata ai, ma e tatau ona avea i taua ma *Au Paia* sili o Aso e Gata Ai tatou te mafaia. Tuu se faamamafa i le upu *au paia*, faamolemole.



O a fea o le a uma ai lenei mea? A fea o le a faaali aoao mai ai Keriso, i le manumalo, ma amata ai le Mele-niuma? Ou te le iloa. O le mea ou te iloa, o le taimi muamua lava na amata ai lena mea o le a tupu o le 193 tausaga ua mavae. Ou te iloa, o se taunuuga o lena Uluai Faaaliga ma le mea na mulimuli mai ai, ua tatou ola ai i se taimi o faamanuiaga tulaga ese—o faamanuiaga na tuuina mai ia i tatou mo le faamoemoega o le ola faamaoni ma le mama aua afai o le a iu lava ina taunuu mai ma le manumalo le Faatoafaiava, o le a mafai ona Ia valaauliaina ma le talafeagai i tatou i le taumafataga o le faaipoipoga.

O' uso talavou pele e ma tuafafine, ou te tuuina atu ia te outou ou alofaaga ma la'u molimau e le gata ina soifua le Atua; e alofa o Ia ia i tatou.

E alofa o Ia ia te oe. O mea uma Na te faia e mo lo tatou lelei ma lo tatou saogalemu. O loo i ai mea leaga ma le faanoanoa i le lalolagi, ae e leai se mea leaga pe lamatia o ia te Ia. O Ia o lo tatou Tama—se tamā atoatoa—ma o le a Ia faamalumaluina i tatou mai le afa.

Ioe, e na o le pau le popolega ou te manao tatou te mafaufau i ai o se mea e patino lava: E mafai faapefea ona tatou ola atili atoatoa, faamaoni atili, ina ia mafai ona liligi mai i luga o i tatou taitoatasina ma luga o olaga o i latou o tatou pai atu i ai ia faamanuiaga uma o lenei tisipenisione maoae?

“Aua le matatau, le lafu ititi e . . . Vaai [atu ia Keriso] i mafaufauga uma; aua le masalosalo, aua le fefefe.” “Tou te lei malamalamana lava i le tetele o faamanuiaga o i ai i le Tama . . . ua sauna mo outou” (MF&F 6:34, 36; 78:17).

*Ou te fiafia i le manatu o le alu i le taua i aso e gata ai e avea ma sui o Alema ma Apinati ma le mea sa la aioi atu ai, ma fai ma sui o Peteru ma Paulo ma osigataulaga sa laua faia. Afai e le faafafiaaina oe i lena ituiga o tofiga i le tala faatino o talafaasolopito, e le mafai ona e maua le fiafia!*

Ou te tuuina atu ia te outou au faamanuiaga, o lo'u alofa, ma se molimau faaaposepolo i le moni o nei mea, o le a le toilalo la tatou tisipenisione ma o i latou o e ola i aoaoga a Keriso ma faia Lana galuega o le a agavaa ai mo se valaaulia i le taumafataga o le faaipoipoga pe a oo mai le Faatoafaiava. ■

*Mai se faeasaite a le Ofisa o Aoga a le Ekalesia mo talavou matutua, “Terror, Triumph, and a Wedding Feast,” na tuuina atu i le aso 12 Setema, 2004. Mo le tusiga atoa i le gagana Peretania, asiasi i le speeches.byu.edu.*

#### FAAMATALAGA

1. Iosefa Samita, i le *History of the Church*, 4:609–10.
2. Wilford Woodruff, in James R. Clark, comp., *Messages of the First Presidency of The Church of Jesus Christ of Latter-day Saints*, 6 vols. (1965–75), 3:258; tagai foi Gordon B. Hinckley, “Ua Tafa Ata o se Aso Matagofie,” *Liahona*, Me 2004, 83.
3. Tagai J. Reuben Clark Jr., *The Charted Course of the Church in Education*, rev. ed. (1994), 7.

## “E faapefea ona ou teteeina faaosoosoga?”

**E**ui e ese lava le faalogo i ai, ae o faaosoosoga e manaomia mo lo tatou tuputupu ae faaleagaga. Ana faapea e le i tofotofoina i tatou, semanu e le mafai ona tatou filifili i le va o le lelei ma le leaga (tagai i le MF&F 29:39). Ma afai e le mafai ona tatou filifilia le lelei pe a ofoina mai se isi filifiliga, e le mafai ona tatou tuputupu a'e faaleagaga (tagai i le 2 Nifae 2:11–30).

O se tasi o ki i le teenaina o faaosoosoga o le usiusitai e le aunoa. Afai e te gauai atu i ai i nisi o taimi, o le a faigata atu ona e teena faaosoosoga i le lumanai. Afai e te teenaina e le aunoa, o le a e malosi atu ma faigofie atu ona e teenaina i le lumanai. O le tele o le malosi e tetee atu ai e sau mai le Togiola a le Faaola o loo galue i lou olaga. A o e faia le mea sili e te aoao ai i aoaoga a le Faaola ma mulimuli i ai, e faamalosia oe e le Alii e tetee atu i faaosoosoga.

O loo aoao mai e tusitusiga paia isi auala e tetee ai i faaosoosoga:

“Tatalo e le aunoa, ina ia mafai ona e sau ai o lē ua manumalo; ioe, ina ia mafai ona e manumalo ia Satani” (MF&F 10:5).

“Ai se faalogo i le afioga a le Atua, ma pipiimau i ai, e lē fano lava i latou; pe mafai foi e faaosoosoga ma ufanafana mu a le fili ona faatoilaloina i latou” (1 Nifae 15:24).

“Tetee atu i le tiapolo, ona sola ese ai lea o ia ia te outou. Ia outou faalatalata atu i le Atua, ona faalatalata mai lea o ia ia te outou” (Iakopo 4:7–8).

Ma le isi foi, e taua le iloa e le afaina le tofotofoina. Na faaosoosoina Iesu. “Na mafatia o Ia i faaosoosoga ae sa lē gauai atu i ai” (MF&F 20:22). E mafai ona e vaai atu i Ana faataitaiga—ma faataitaiga o le toatele o isi i tusitusiga paia—e fesoasoani ia te oe.

### Tatalo mo le Malosi



Ina ia tetee atu i faaosoosoga, e muamua ona tatou manaomia le manao ma le naunau faamaoni e filifili le mea sa'o. E fesoasoani tele ia te au pe a ou vaai faalemaufau muamua i se tulaga ona filifili lea o le mea sa'o. O le isi mea na fesoasoani ia te au o le tatalo. Afai tatou te tatalo mo le malosi, saili mo le fafagaina faaleagaga, ma filifili ma le faaeteete nofoaga tatou te tafafao ai, ona mafai lea ona avea le Agaga Paia ma o tatou soa tumau e faatasai ma i tatou ma lapataia i tatou.

Esther G., 18 tausaga, Lower Saxony, Siamani

### Ia Lagolago e le Tasi le Isi



Ou te manatu o le fai-tauina o tusitusiga paia i aso taitasi, tatalo, faaaogaina o le loto pulea, ma mulimuli i saunoaga a le perofeta, e mafai ai ona tatou teenaina faaosoosoga. O le tetee atu i faaosoosoga e faamalosia ai lou faatuatua ma faaali atu ai lou tautino i le Tama Faalelagi e tausia ia feagaiga ua e osia. O le i ai o ni uo i le Ekalesia e mafai ona fesoasoani foi ia i tatou, aua e mafai ona tatou lagolago atu i le tasi ma le isi. E manaomia ai le tele o le lototole e fai atu leai. Ia manatua, “Ua le foaiina mai e le Atua ia te i tatou le agaga e mata'u ai; a o le agaga e faamalosi ai, ma alofa ai, ma mafaufau tonu ai” (2 Timoteo 1:7). Pe a tatou manumalo i faaosoosoga, ua tatou faalatalata atili atu ia Iesu Keriso ma lo tatou Tama Faalelagi.

Nancy S., 19 tausaga, Tultitlán, Mekisiko

### Faasoa Atu Ou Talitonuga

I le aoga maualuga, na valaaulia ai au e le toatele o tamaiti o la'u vasega ia inu ava malosi ma matamata i ponokalafi. O taimi uma lava ou te fai atu ai leai ona ou te faia mea e finagalo le Faaola ou te faia. Ou te manatua o Ia ma tausia a'u feagaiga. O nisi taimi e le faaosoosoina ai a'u e a'u uo ma tamaiti o le vasega aua ua latou iloa la'u lotu. O le faasoa atu o o tatou talitonuga ma molimau i isi—aemaise lava i uo, tagata o le vasega, tuaoi, ma aiga—o le a faaititia ai faaosoosoga i o tatou siosiomaga. Ou te iloa o le ola i le talalelei, e mafai

ai ona tatou faatoilaloina faaososoga i o tatou olaga.

*Romeo P., 19 tausaga, Negros Occidental, Filipaina*

### Faalogo i le Agaga Paia

Ua ou iloa a oo mai faaososoga, e taumafai le Agaga Paia e lapatai mai ia te au e filifili le mea sa'o. Fai mea—e pei o le tatalo ma faiatou au tusitusiga paia—ina ia faatumau ai le Agaga ia te oe, ma aloese mai nofoaga e le mafai ona sau i ai le Agaga Paia.

*Rachel O., 13 tausaga, Pensilevania, ISA*

### Tutu i Nofoaga Paia

E fai mai i taimi uma lo'u tuagane matua ia "tu i nofoaga paia." Sa ou iloa o le uiga o lenei mea, o le tu i nofoaga e tau le i ai ni faaososoga pe e tau le ogaoga foi. Fai mai lo'u peresitene o le siteki, "Aua nei na ona tetee atu i faaososoga—aloese mai faaososoga." O le a i ai taimi e tatau ai ona e tetee atu i faaososoga, ae e faigofie atu ona ola i le talalelei pe a le i ai ni faaososoga iina e faaosooso ai oe.

*Aaron L., 18 tausaga, Iuta, ISA*

### O Taimi Uma Lava Tatou te Filifili Ai

O le meaalofa o le Agaga Paia e fesoasoani tatou te iloa ai le eseesege i le va o le lelei ma le leaga ma fesoasoani ia tatou iloa le taimi e tofotofoina ai i tatou. E tatau ona tatou manatua o faaososoga o suega e fesoasoani tatou te iloa ai taimi tatou te faia ai mea sa'o ma taimi tatou te le faia ai mea sa'o; ma e tatau ona tatou iloa afai tatou te

mulimuli i le Alii, Na te le faatagaina i tatou ina ia faaososoina e sili atu nai lo le mea e mafai ona tatou teteeina (tagai i le 1 Korinito 10:13). O taimi uma tatou te filifili ai pe filifili le auala sa'o nai lo o le auala sese.

*Juan T., 19 tausaga, Montevideo, Iurukuei*

### Faatino le Filifiliina o le Mea Sa'o



Ou te manatu e taua lo'u mafaufau mamao e uiga i i filifiliaga o le a ma faafeagai. Sa faafuasei ona ou feagai ma se tulaga faigata, ma o le taunuuga

na lelei aua na uma lava ona fai la'u faaiuga o le a ou le toe aluese mai o'u tulaga faatonuina. E ui lava o nisi taimi ou te le to'alelei ai, ae e faataitai ona faatino e lo'u aiga se tulaga ina ia ou iloa ai le mea e tautala atu ai pe fai pe a feagai ma faaososoga.

*Emelyne P., 14 tausaga, Wyoming, ISA*

### I Ai ni Uo Lelei

O le i ai o ni uo lelei e filifilia le mea sa'o, o se mea lea e mafai ona e faia e tetee atu ai i faaososoga. Latou te faia ni faataitaiga lelei. E mafai ona e



### FILIFILI VAVE E FAAOGA AI LE FAATUATUA

"E manaomia se faatuatua le malulue i le Alii o lesu Keriso e filifili ai le ala i le ola e faavavau. . . . O le galue i lena faatuatua tatou te fausia ai le malosi e fai le finagalo o le Atua. Ma o le faatinoina o lena faatuatua ia lesu Keriso, e faapea e mafai ona tatou tetee atu i faaososoga ma maua le faamagaloga e ala i le Togiola. . . .

"O le taimi sili ona lelei e tetee atu ai i faaososoga o le amataga lava. O le taimi sili ona lelei e salamo ai o le taimi nei lava. O le a tuu e le fili o o tatou agaga mafaufauga i o tatou mafaufau e faaososo ai i tatou. E mafai ona tatou filifili vave e faaaoga le faatuatua, e lafo ese mafaufauga leaga ae tatou te le'i faatinoina i latou."

**Peresitene Henry B. Eyring, Fesoasoani Muamua i le Au Peresitene Sili, "Sauniuniga Faaleagaga: la Vave Amata ma la Tumau Ai," Liahona, Nov. 2005, 38.**

valaau atu ia i latou pe afai ua faaososoina oe. O le a latou fesoasoani e te filifili le mea sa'o. O uo lelei e mafai ona faamanatu atu ia te oe ia tatalo, faiatou i tusitusiga paia, ma usiusitai.

*Samu E., 17 tausaga, Uosigitone, ISA*

## FESILI O LE A SOSOO MAI

**"O le a se mea e tatau  
ona ou faia pe a tauemu-  
ina a'u i le aoga ona o le  
mulimuli i tulaga faato-  
nuina o le Eklesia?"**

Auina mai lau tali ma se atapue sili ona manino, pe a manaomia, a o lei oo i le aso 15 Ianuari, 2014, i le liahona.lds.org, e ala i le imeli i le liahona@ldschurch.org, po o le meli (tagai i le tuatusi i le itulau e 3).

E ono faapupuuina tali mo le uumi po o le manino.

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e ititi ifo i le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.



Saunia e Elder  
Bradley D. Foster  
O Le Fitugafulu

# O Le Vaaiga mai le **FAAIUGA O LE AUALA**

O le savali mai le faaiuga o le auala e manino: “E mafai ona e faia lenei mea. Ma pe a e faia, o le a sili atu ona lelei mea uma.”

“**O** le a ou le faagaloina lava oe, epikopo. Na e laveaia lo’u ola.”

O le tagata na faia lena faamatalaga i le taimi nei sa le’i faapena ona lagona i le amataga. I le avea ai ma se talavou sa fefe o ia. Sa ia iloa e tatau ona salamo. Sa avea a’u ma ona epikopo i le taimi lena, ma sa ia iloa sa manaomia ona ma talanoa. Ae sa tumu o ia i le masalosalo.

“O le a se manatu o le epikopo ia te a’u?”

“Mata o le a ia tausisia le le faalauaiteleina?”

“E mafai faapefea ona ou toe tilotilo ia te ia?”

O popolega faapena e mafai ona lagona ai le lofituina, ma e pei a toetoe ina le mafai ai ona maua le lototele e manaomia e uia ai le ala i le salamo.

## Vaavaai Atu i Ala

Ae sei o tatou vaai atu i lena auala. O nisi vaega o le salamo e sili atu ona faigofie nai lo isi. O le tasi laasaga o le iloa lea. E masani lava ona tatou iloa pe a tatou faia se mea sese;

e fesoasoani le Agaga Paia ia tatou lagona lena mea. E tatau ona tatou sui, ma o le naunautaiga e sui e masani lava ona malosi.

Ona faasolo faigata ai lea o laasaga. Na fetalai mai le Alii e tatau ona tatou ta’uta’u atu ma lafoai. E foliga mai e faigofie atu le ta’uta’u atu i le Tama Faalelagi i a tatou tatalo. E mafai ona tatou faasa’oina le tele o agasala i lenei auala, saili le faamagaloga, toe totogi, ma faaleleia atili amioga seja oo ina faamautu mai e le Agaga ua tatou faia mea uma tatou te mafai.

Ae o nisi o faailoaga e manaomia ai ona e talanoa atu i lou epikopo po o le peresitene o le paranesi. Ma o le tulaga lena na i ai lenei alii talavou. Sa ia manaomia se fesoasoani sili atu nai lo lona lava malosi, ma sa manaomia ona ia iloa e mafai ona ia faia le malaga.

## Faamoemoe i le Auala Televave

O i latou o e sa malaga i le ala o le salamo o le a latou ta’u atu ia te oe, e le gata o le malaga e mafai ona fai ae afai e te oo atu iina ma toe tepa i tua, o le mea lenei o le a e vaaia:

*E mafai ona e faia lena mea. Ma a e faia, o le a lelei mea uma.*

Ua poloaiina i tatou e le Alii ia tatou salamo ona e alofa o Ia ia i tatou. E ala i Lana Togiola, na Ia totogiina ai le tau mo a tatou agasala, ma ua Ia silafia ai o le salamo e faasalotoina ai i tatou. O le a Ia faamalosia soo se tasi e liliu atu ia te Ia. Na aoao mai Alema, ina ia faaaoga le Togiola, e tatau ona tatou salamo—i tatou uma taitoatasati (tagai i le Alema 5:33–34).



## E TATAU ONA TATOU ATAATA

“O le salamo o se meaalofa paia, ma e tatau ona i ai se ataata i o tatou foliga pe a tatou talanoa e uiga i ai.”

Elder D. Todd Christofferson o le Korama a Apostolo e Toasefulua, “O Le Meaalofa Paia o le Salamo,” *Liahona*, Nov. 2011, 38.



O le auala atonu e faigata, ae o le a outou uia faatasi ma se epikopo lena auala. O loo *i ai* le fesoasoani i le ala.

*O le taimi lava e te amata ai, o le a e lagona le matuu atu [o se avega].*

Liliu atu i lou epikopo. O le a e maua ai se tagata e alofa ma faaaloalo ia te oe. E matuā loloto le faatuataga e mafai ona e attina ae ma lou epikopo. O le a tumau e faavavau, ma o le a fesoasoani e te lagona ai le saogalemu i isi epikopo i le lumanai. O le a tuuina atu ia te oe se vaaiga ese i ou faigata. I lona atamai ma le poto masani, ma musumusuga mai le Alii, o le a faapalenai ai e le epikopo mo oe se mea sa e manatu o le mutaaga lea o le lalolagi ae atonu ua na o se patu lava i le ala.

O le a fesoasoani o Ia ia e malamalamo moni o le Faaola o le Malamalamo o le Lalolagi. O lou faaaogaina o le Togiola, o le a susulu ai lou olaga, o le a manuia ai lou lumanai, ma o le a e malamalamo ai o le maua o le faatuatua i le Alii o Iesu Keriso o se tasi lea o faamoemoega sili o le sau e nofo i le lalolagi.

*O le a fesoasoani atu lou epikopo ia te oe i le gasologa o lenei mea. O le a e alofa ia te ia ma e le galo lava o ia.*

Ou te matua talitonu o tagata e fesoasoani atu ia te oe i taimi o ou faigata e pipii i lou loto. O le a la le tele, o le pipii o se epikopo ia te oe, pe a fesoasoani atu o ia i se faigata faale-agaga? E mafai ona faalauteleina e le Alii le agalelei o le epikopo ma lona gafatia e taiala ai oe. O lou epikopo o le a avea ma au uo e faavavau.

Ma mo outou alii talavou o le a i ai se aso e avea ai outou lava ma epikopo po o peresitene o siteki, o ou aafiaga ma lou epikopo o le a aoao ai oe mo lena taimi pe a e i ai i le isi itu o le laulau.

Sei ou faaiu atu i le faamatala teisi atu e uiga i le ma feiloaiga ma lena alii talavou. "Epikopo," na ia fai mai ai, "o le a e inoino ia te a'u mo le mea o le a ou ta'u atu ia te oe. O le a le mafai ona e toe vaai mai ia te au, ma afai e te faamatala atu i se tagata le mea o le a ou tauina atu, o le a ou pule i lo'u ola."

Sa ou fai atu, "ou te folafola atu o le a ou le faalataina lava lou talitonuina [o a'u]. O le a ou alu ifo lava ma a'u i le tuugamau."

Sa ia ta'u mai ia te au e uiga i nisi o tulaga laiti ma tilotilo mai mo sa'u tali. Ina ua ou fai atu, "ou te iloa le mea o loo feagai ma oe. E mafai ona ou fesoasoani atu ia te oe, "na ia faaaau malie seia oo ina taunuutu atu i le mea moni sa ia manao e talanoaina. Sa ou faamanatu pea lava pea ia te ia sa ou faamemelo ia te ia mo le ta'uta'u mai ma le manao e sui. E ui lava ina sa foliga mai na sauni o ia e tamoe ese i soo se taimi lava, ae na ma galulue faatasi lava ina ia ma'ea le mea sa manaomia ona ia faasoa mai.

Pe sa o se mea telē ea? Sa telē ia te ia. Ae a o ma talanoa, na oo ina malamalamo atili o ia i le alofa mutimutivale ua ofoina mai e le Alii ia i latou e salamo faamaoni. Ina ua mavae lena asiasiga muamua, sa ma galulue faatasi, ma i le aluga o taimi sa oo ina atoatoa ai lona salamo. O aso nei e valaau mai pea o ia e faamālō mai, ma o a ma'ua talanoaga e fiafia.

Sa faamanuiaina a'u e fesoasoani atu ia te ia ia iloa tatou te faalagolago uma i le Togiola. Ma e tuuafaatasi o ma'ua lea i le viia o Iesu Keriso, o lē na laveaiina moni lona ola. ■



*I le avea ai ma se  
tamaitai talavou, ou  
te le i manatu lava  
o ponokalafi o le a  
avea ma se mea o le  
a ou tauivi ai.*

**O** u te le'i manatu lava o le avea o ponokalafi ma vaisu e mafai ona avea ma se faafitauli a se teineitiiti. Sa faamaonia lo'u sese ina ua pe a ma le 16 o'u tausaga. Sa ou tau ai i se vitio o ponokalafi, ma talu ai sa na o a'u ma le fialoa, sa ou matamataina loa. Ina ua uma lena taimi muamua, sa pei sa tatau lava ona ou matamata i se mea i aso uma. Sa oo ina avea ponokalafi ma a'u vaisu.

O le matamata i ponokalafi sa le lelei ai o'u lagona. Sa ou iloaina e

# E LE O TOE AVEA MA **VAISU:** OLau Malaga i le Faatoilaloina o Ponokalafi

Taofia le igoa



sese, ae ou te le'i faia se mea e suaia. Sa ou le fiafia, ma sa ou lagona le palapalā ma aafia i faaosoosoga eleleia a Satani. Ae na ou maua lava ni auala e matamata ai, tau lava ina ia mafai ona faamalieina ai lo'u manao. O le fai o ponokalafi ma a'u vaisu na taitaiina atu ai i le tele ma le anoanoai o le faia o mea sese. Sa ou pepelo i tagata uma: lo'u tuagane, lo'u tina, ma sili atu ona leaga o i latou uma, o le Alii ma au lava. Ou te faapea ifo ia te au lava, toe tasi lava se ata tifaga o le a ou le afaina ai, toe tasi se tala palapalā o le a le leaga lea.

Sa ou alu pea i le lotu, Mutuale, ma le seminare, ae e le'i i ai le uiga sa'o po o le Agaga ia te au. Sa ou tiga, o lea ou te le'i aoaoina ai se mea mai i lesona. Sa taofi le totogiina o a'u sefuluai, tatalo, ma le faitauina o tusitusiga paia. Sa ou lagona le tausalaina, ae sa le mafai lava ona ou tuua. Sa ou aumaia a'u lava i lalo i aso uma.

Mulimuli ane, sa faatapulaaina ai lo'u faaaogaina o ponokalafi. I le taimi muamua sa ou lagona le taofiofia i le leai o ni ponokarafi, ae na i'u ina ou iloa na suia mea mo le lelei. Sa ese a'u gaoioiga masani. Ou te lei matamata i ponokarafi i aso uma. Sa i ai lava ni uunaiga e matamata ai, ae sa ou lelei lava i le tetee atu i ai. Mulimuli ane, ina ua mavae le lua tausaga o le fai o ponokalafi ma vaisu, sa amata ona ou tatalo i taimi uma mo le malosi ma tuu atoa ai le matamataina. Ae sa ou lagonaina pea le palapalā i totonus. Na ou iloaina e tatau ona ou talanoa atu i le epikopo. Ae sa le mafai ona ou faia.

Mulimuli ane, ina ua uma ona [ou] faalogo i le toatele o tagata o talanoa e uiga i le uia o le salamo ma tofofoga na latou manumalo ai, sa ou

lagonaina e tatau lava ona ou vaafia lo'u epikopo. Sa ou iloaina foi sa ou misia se faamanuiaga sili i le Ekalesia: lo'u faamanuiaga faapeteriaka.

Sa ou faia se avanoa e feiloi ai ma lo'u epikopo.

Sa ou lagona le maasiasi e savali atu i totonus o le ofisa o lo'u epikopo i le po o lo'u faatalanoaga. Sa ou fefe o le a na ona ia tilotilo mai ia te a'u ma faapea mai, o la'u mataupu ua leai se faamoemoe, ma ua ou eliina lava e a'u se lua ua loloto tele mo le sola ese mai ai. Sa ou fefe ina ne'i le toe tutusa lona vaai mai ia te a'u. Ae a o faamatala atu i ai la'u tala atoa, sa ia ataata mai ma le agalelei ma faalologo maua'i. Sa alofa moni o ia ia te au. Ina ua uma ona ma talanoa ma lo'u epikopo ma galulue ai i nei mea uma, sa iu ina ia fai mai ia te au ua ou mama.

O tausaga o lo'u faia o ponokalafi ma vaisu o tausaga loulouā ia o lo'u olaga, ae sa matuai lelei ou lagona ina ua ou tuua le ofisa o lo'u epikopo ma lagona o le mama. Sa peiseai na aveese atu mai o'u tauau se avega sa ou tauaveina i tausaga. Sa ou fiafia na mafai ona ou maua lo'u faamanuiaga faapeteriaka ma ai ma le agavaa i le faamanatuga ma toe maua le Agaga. Sa ou lagona le pei o se tagata fou. Sa fai mai foi tagata ua ou ese lava ma ua ese lo'u susulu. Sa sili atu lo'u fiafia i taimi uma ma i ai se uiga e sili atu ona lelei i mea uma.

Ou te iloa, faatasi ai ma le fesoasoani a le Alii e mafai ai ona tatou suia ma faatoilalo ai vaisu. Ma e le tatau ona tatou popole e uiga i le talanoa atu i le epikopo, ona o le a ia fesoasoani ia i tatou pe a tatou salamo ina ia mafai ona tatou toe lagona le mama e ala i le Togiola a Iesu Keriso. ■

## O LE A LE SALAMO?

"E ala i le Togiola, e mafai ona e maua ai le faamagaloga ma faamamaina mai au agasala pe a e salamo.

"O le salamo e sili atu nai lo le na o le faailoaina o mea sese. . . . E aofia ai le liliu ese mai le agasala ma liliu atu i le Atua mo le faamagaloga. . . .

". . . Afai ua e agasala, o le vave ona e salamo, o le vave foi lea ona e amata toe foi atu ma maua le filemu ma le olioli e oo mai i le faamagaloina. . . .

". . . A o e taumafai ia salamo, saili le fesoasoani ma fautuaga mai ou matua. O agasala matuia, e pei o feusuiga po o le faaaogaina o ponokalafi, e manaomia ona ta'uta'u atu i le epikopo. Ia faamaoni atoatoa ia te ia. O le a fesoasoani o ia ina ia e salamo."

*Mo Le Malosi o le Autalavou  
(tamaitusi, 2011), 28, 29.*

# SILI ATU NAI LO o se Paga



*"Ou te iloa le auala e avea ai ma se uo faapea foi ma se faiaoga o aiga. Ou te fiafia i le vaiai o mea e mafai ona ou faia e fesoasoani ai i isi."*

E te manatu ua na o oe  
o se paga pe a oo mai  
i faiaoga o aiga? Toe  
mafaufau.

**U**a e vaai i ai i tala uumi po o ata tifaga i le tele o taimi. E i ai se faafitauli tele, ma le taufaafefe e tautau mamaao mai e pei o se ao pogisa. O mala e foliga mai e le maalofia. Ona oo mai lea o le toa autu e faatoilaloina mea leaga ma laveai le aso.

O toa autu faapena e masani lava ona i ai faatasi ma se paga. O lenei tagata e masani lava ona i ai ni tomai masani, ae e matele lava i le togi atu i le toa autu se auupega i le taimi e amata ai lamatia.

I le avea ai ma se soa laitiiti o faiaoga o aiga, e ono taufaaososo le mafaufau e faapea o oe o se mea e pei o se paga i le lua soa. Ae maise lava, o lau soa matua ua leva ona i ai ma tele atu lona poto masani nai lo oe. Ia e tatau la o ia e faasaoina le aso, a ea?

E leai.

A oo mai i faiaoga o aiga, e leai se mea faapena e ta'u o se toa autu (o lau soa matua) ma lana paga (o oe)—e na o toa autu e toalua

o e e mafai ona la sua faatasi le lalolagi.

Tusa lava po o ai oe ma po o le a foi lou ituaiga tagata, ua ia te oe patino le mea e manaomia e fai ai se eseesga tele i olaga o i latou e te lua asia.

## E Leai se Valaauga e Sili Atu

Na saunoa Peresitene Ezra Taft Benson (1899–1994), “E leai se valaauga o le Ekalesia e sili atu nai lo o se faiaoga o aiga.”<sup>1</sup>

E tele atu mea e faasoa atu e faiaoga o aiga nai lo o se savali faale-agaga. Latou te fesoasoani i aiga taitasi ina ia iloa o loo i ai ni a latou uo e mafai ona tapa i ai.

Na saunoa Peresitene Thomas S. Monson, “O se uo e faia e sili atu nai lo o se tiute le asiiasi i masina taitasi. . . O se uo e manatu popole. O se uo e alofa. O se uo e faalogo. Ma o se uo e aapa atu.”<sup>2</sup>

Ioe, o faauoga maoae, e mafai ona faia i soo se matua.

## Auauna Atu o se Uo

O Sean C., e 16-tausaga mai Iuta i saute, ISA, e iloa auala e avea ai ma se uo faapea foi ma se faiaoga o aiga. O Sean e ese le tele o mea e fiafia e fai, e aofia ai le tauva i tietiega solofanua



## AUAI I LE TALANOAGA



ulavavale, piiga, galue i povi, ma le lipeaina o taavale. E fafia foi o ia e atiina ae faauoga ma tagata e faiaoga o aiga ai.

"Ou te fafia e talanoa i tagata ma vaaia po o le a se mea e mafai ona ou faia e fesoasoani ai ia i latou," o le tala lea a Sini.

O lana soa o faiaoga o aiga o le epikopo o le latou uarota. I se tasi aiga sa la'ua asia, o le fafine o se tagata o le Ekalesia ae o le tamaloa e le lotu. Sa fesootai lelei lava Sean ma le tamaloa, o Floyd, i la la'ua asiasiga muamua lava. Ina ua amata ona talanoa Floyd e uiga i lona Sipi, sa vave lava le fialloa e Sean. "Sa vave ona ma fesootai," o le tala lea a Sini.

I le tausaga na asiiasi atu ai Sean ma le epikopo ia Floyd ma lona faletua, ua faamalosia ai e Sean ia na faauoga—e aofia ai le fesoasoani ia Floyd e galulue i afi o taavale mai lea taimi i lea taimi.

O se tasi o mau e fafia i ai o le Sean e faatatau i le auauna atu: "Pe a outou auauna atu i o outou uso a tagata, ua nao lo outou auauna atu lava lea i lo outou Atua" (Mosaea 2:17).

Na faamatala e Sini, "E manaomia e tagata uma ona vaavaai atu e su'e ni auala e auauna atu ai."

### O Au Meaalofa Faaleagaga

E tofu i tatou uma ma meaalofa ma taleni faaleagaga. Ma le isi, ua i ai ni mea maoae tatou te fafia i ai ma fafia e fai. E ia i tatou taitoatas se mea faapitoa e ofo atu lea e leai se isi tagata e tutusa lona faiga e [pe]i o oe].

"E eseese uma tagata ma e eseese foi saofaga e faia," o le aoao mai lea

a Peresitene Henry B. Eyring, o le Fesoasoani Muamua i le Au Peresitene Sili. E leai se tasi o faamoemoe ia toilalo."<sup>3</sup> O le faiaoga o aiga e mafai ona avea ma se avanoa mo oe e faaaoga ai na meaalofa e faamanuia ai isi.

Mo se faataitaiga, a oo i lou avanoa e faasoa atu ai se savali faaleagaga, atonu e te mafaufau e tatalo muamua e uiga i le mea e mafai ona e ta'u atu o le a sili ona aoga i tagata e te asia.

E masani lava, o le a i ai sou aafiaga patino i se autu atofaina e mafai ona e faasoa atu i le aiga. Ia faasusulu atu lou malamalamalama! Faasoa atu le mea ua e iloa.

E mafai foi ona e maua ni auala futufatui ma anoa e auauna atu ai i aiga e te asia. Mo se faataitaiga, faafoliga e i ai se isi i se tasi o aiga e te asia e fia iloa ta le kitara. Ae fetau lava, aua e tele tausaga o e tata kitara. I le tulaga lea, o ni nai motugaafa faamusika mai lea taimi i lea taimi atonu e tutusa lava le aoga ma le suaeseina o le kiona mai lo latou auala po o le teuina o a latou laau.

A oo mai i faiaoga o aiga, atonu e sa'o o lau soa sinia e malosi faaleagaga. Ae aua ne'i e sese. O oe o se atalii o le Atua ma e tutusa lava lua tiutetauave o ni faiaoga o aiga.

O le a i ai i taimi uma se mea ofoo fogia e te faaopoopo i ai. ■

### FAAMATALAGA

1. Ezra Taft Benson, "To the Home Teachers of the Church," *Ensign*, Me 1987, 50.
2. Thomas S. Monson, "Aoaoga i Aiga—o se Galuega Paia," *Liahona*, Ian. 1998, 53.
3. Henry B. Eyring, "Fesoasoani ia i Latou e Faatutu ni Sini Maualuluga," *Liahona*, Nov. 2012, 60.
4. Linda K. Burton, "Muamua Matau, Ona Auauna Atu ai Lea," *Liahona*, Nov. 2012, 78.

**I**a Tesema atoa, o le a taulai atu ai au lesona i Aso Sa i le fausiaina o le malo o le Atua. O faiaoga o aiga o se tasi lea o auala e faia ai lenei mea, ae o tagata uma e mafai ona fausia le malo o le Atua e ala i galuega auauna atu o aso uma. A o e tatalo mo isi, e ono faamanatu e le Agaga ia te oe se mea e mafai ona e faia. Mana-tua le fautuaga lenei mai ia Sister Linda K. Burton, peresitene aoao o le Aualofa: "Muamua matau, ona auauna atu ai lea."<sup>4</sup> O faapefia ona e maua ni auala e matau ai ona auauna atu lea i le fausiaina o le malo o le Atua? la saunia e faasoa atu ou aafiaga i lau uarota, faatasi ma lou aiga, po o isi talavou.

# TUTU I NOFOAGA PAIA



1

O le tausaga lenei sa valaaulia ai e Mekasini a le Ekalesia le autalavou mai le salafa atoa o le lalolagi e auina mai ni ata o loo faaalia ai auala na latou tutu ai i nofoaga paia. Matamata i nisi o ata na auina mai ma vaai i mea na fai e le autalavou e ola ai i le autu o le Mutuale o le 2013.

---

**1** Soo se taimi ou te aafia ai i gaoioiga lelei, ae maise lava faatasi ma lo'u aiga, ua ou tu i nofoaga paia.

*LaRae R., 16 tausaga, British Columbia, Kanata*

---

**2** Ou te tu i nofoaga paia pe a ou faatauaina mea e i ai se taua e faavavau nai lo o mea o le lalolagi.

*Kirck M., 18 tausaga, Negros Occidental, Filipaina*

---

**3** la te au, o le tu i se nofoaga paia o lona uiga o le faia o auaunaga. O le auala e sili ona ou fiafia i ai e fai ai auaunaga o totonu o le malumalu. E mafai ona ou lagonaina se agaga malosi pe a ou te faia le galuega a le Alii i le maota o le Alii.

*Kiana B., 15 tausaga, Iuta, ISA*



2




3



4



5



6



7

**4** O loo o'u tu atu i autafa o le faatanoa o le vai papatisoga lea sa ou papatiso ai. Ou te mafaufau i lenei faatanoa o se nofoaga paia, lea e osifeagaiga ai tagata ma le Atua ma faafouina ai.

*Joe Smith E., 17 tausaga, Akwa Ibom, Nigeria*

**5** Soo se taimi lava ou te alu i mauga ma vavae ese mai le lalolagi, ua ou iloa e mafai ona avea ma nofoaga paia ma le toafilemu.


*Emma P., 17 tausaga, Oregon, ISA*

**6** Ou te fiafia lava i fafo, ma o soo se taimi lava ou te i ai i se nofoaga e pei o lenei (Delicate Arch i Moapi, luta), ou te lagona le fesootai tele atu i lo'u Tama Faalelagi. O le mafai ona vaa'i mea ofoo fogia ua foaoaina e le Tama Faalelagi mo i tatou e fesoasoani ou te lagona ai le Agaga.

*Ioane T., 18 tausaga, luta, ISA*

**7** O lo'u fale o se nofoaga mamalu, paia, aua ou te lagona ai le fiafia tele ma le toafilemu iina. Ma a ou faitauina le Tusi a Mamona, ou te lagona se toafimalie filemu e ala mai i le Agaga Paia.

*Melisa D., 13 tausaga, Kosovo*



## ISI NOFOAGA PAIA

**O**ala lenei na faapefea ona fauma ai e isi talavou le fuaiupu "Ou te tu i nofoaga paia pe a . . ."

- "Ou te faasoat le talalelei i au uo." *John B., 17 tausaga, Ceará, Pasila*
- "Matou te tutu ma faifeatalai, ona o le galulue faatasi ma i latou ou te maua ai le tele o aafiaga i le faasoat le talalelei, ma e le o toe umi ae avea a'u ma se faifeatalai faamisiona." *Joseph H., 18 tausaga, Jakarta, Initonisia*
- "O loo o'u i luga o le malae pasiketipolo, ma ou te loto fesoasoani i la'u au ma faaali atu le taalo tausaafia i le au taalo, e oo lava i le isi au." *Emily C., 12 tausaga, Iuta, ISA*
- "Matou te faafafia i le aufaipese a le matou aoga mau-luga ma faasoat a matou taleni." *Tanner M., 17 tausaga; Kaylynn S., 15 tausaga; Lexie J., 17 tausaga; Spencer M., 17 tausaga; Idaho, ISA*
- "Ou te alu i le tolauapiga a Tamaitai Talavou. Sa ou maua le avanoa e feiloai ai i isi tamaitai talavou e tutusa [o matou] tulaga faatonuina ma tulaga faatauaina, ma ia feiloai i taitai o e aoao i matou i matapu faavae ina ia mafai ona matou aoao e fai le mea sao." *Norma V., 17 tausaga, Guayas, Ekuatoa*

• "Sa ou auai i le seminare. E fesoasoani ia te au e faatumauina ai le Agaga i lo'u aso atoa!" *Savannah F., 17 tausaga, Arisona, ISA*

• "Ou te faailoa atu i la'u au mea ou te talitonu i ai ma puipua i aoga lape a la'u aoga." *Makenna F., 15 tausaga, Kaledonia, ISA*

• "Ou te tufaina le faamanatuga ma manatua le Togiola a lesu Keriso." *Axel S., 14 tausaga, Jakarta, Initonisia*

• "Ou te tausia a'u lava ia mama ma filifili le mea tonu, aua ou te iloa afai ou te tausisia pea, e i ai se aso e mafai ona ou faaipoipo i le malumalu." *Whitney H., 15 tausaga, Iuta, ISA*

• "Ou te tausia au feagaiga ma le Atua." *Mark M., 17 tausaga, Oregon, ISA*

la mafaufau laia i mea ua e aoaoina mai le autu o le Mutuale o le tausaga lenei. O a ni nisi o ou nofoaga paia? E faapefea ona mafai ona e faaauau pea ona tu i nofoaga paia? Mafaufau e faamaumauina ou mafaufau-uga i lau api o talaaga.

**8** O se ata lenei mai le Amataga Fou. O au, o le falelotu o se nofoaga paia lea ou te aoao ai i tulaga faatauaina o Tamaitai Talavou ma matapu faavae o le talalelei. I le lotu, ou te faamalosia ai foi a'u faauoga ma tamaitai talavou e tutusa o matou faatuatuaga.

*Luize S., 12 tausaga, Rio Grande do Sul, Pasila*

**9** Ou te tu i se nofoaga paia pe a ou fesoasoani atu i tagata ma fiafia faatasi ai ma ni uo lelei.

*James R., 17 tausaga, Karolaina i Matu, ISA*

**10** Ou te tu i se nofoaga paia pe a ou faatasi ma uo o e ola i le talalelei. Latou te fesoasoani mai ia te au ia tumau lo'u fesootai atu i lo tatou Tama Faalelagi ma ia faateleina le lotogatasi ma le Agaga Paia.

*Jonathan N., 17 tausaga, Buenos Aires, Atenitina*

**11** Ou te tu i nofoaga paia pe a ou taina le piano i le sauniga faamanatuga. O fati ma upu o viiga e faamalosia ai lo'u faatuatu ma la'u molimau.

*Chelsea A., 13 tausaga, Banten, Initonisia*

**12** Ou te tu i nofoaga paia pe a ou taitaia pese i le sauniga faamanatuga aua ou te ootia i pesega matagofie a le faapotopotoga.

*Geovani W., 15 tausaga, Banten, Initonisia*

**13** Ou te tu i nofoaga paia pe a ou aoaoina la'u korama i Aso Sa. Ou te fiafia e faasoat le talalelei.

*Ramón M., 16 tausaga, Kaledonia, ISA*





# O Se Pese Kerisimasi e Sili ona Fiafia | Ai

Saunia e C. G. Lindstrom

**O** u te manatua o le pati Kerisimasi o lau uarota masani: o laulau na ufi i pepa vaivai lanumumu ma lanumeamata, o le taumafataga sa laulau i ipu pepa, fanau iti e taufetuli solo, ma le leo fiafia o tagata o le uarota o loo talanoa. Ae, sa mafai e se tagata ona faafilemu ma faamanua le taumafataga, ona taumamafa loa lea o tagata uma. Na toeitiiti lava amata le polokalama.

Sa le o la'u uarota. Sa ma o ma la'u uo i le pati a lana uarota, o lea sa le toatele ni tagata na ou iloina. Sa ma mananao ma te o ese vave, ae na tauanau i maua e lona tina ma te nonofono mo le polokalama.

O le pese muamua o le polokalama o tamaiti o le Peraimeri, o e na savali atu i luga o le tulaga ma ni pale ilaila auro i luga o latou ulu. Sa latou usuina se pese ona tautulei lea ma feātai a o o ese mai le tulaga, ma tuua ai se auala o mea ilaila auro a o savavali ese mai.

Ona ta lea e ni ta piano se toalua ni pese fiafia. O le ta piano muamua sa taina le, "Outou Faamaoni o Mai" (*Viiga*, nu. 114) e aunoa ma se nota e misi. O le isi, o se tama talavou, sa saofai i le piano ma tilotilo atu ma le faavauvau i luga a'e o lona tauau i lona tina, o lē na amata faitauina lemu le

pāō. Sa mapuea le tamaitiiti, liliu atu i le mea fai musika, ma ta lana tāaga sili ona lelei o le "Up on the Housetop."

O le isi vaega na sosoo ai o le polokalama, o se tasi o pese e sili ona ou fiafia i ai—"C-h-r-i-s-t-m-a-s [K-e-r-i-s-i-m-a-s-i]."

Sa ou ea a'e ma vaaia ai se uso e faano'uno'u ona tauau ma le lima e tasi na pipii atu i lona tino, sa savavali atu ma se laa faalēlelei e tu i autafa o le piano. Sa tu o le isi ona suilapalapa e puupuu i lo le isi ma tuuina mai se 'ata'ata pi'o a o lei amataina. Ou te tautino atu sa ou mafaufau sese pe mata o le a manaia le pese.

"A o o'u laitiiti, sa na o le tasi lava le uiga o le Kerisimasi," sa ia pepese ai. O le pese e faamatala ai le auala e aoao ai e se tamaitiiti le sipelaga o le *Kerisimasi* ma iloa ai le aano moni o le aso malolo.

Sa pi'o itu tasi lona gutu, ma sa faigata ona ia ta'uina ia upu.

Sa ou tilotilo solo ma le faaeteete i le potu ma matau foliga o tagata o lana uarota. Sa leai se tasi na maasiasi. O le mea moni, sa latou nonofono ma ataata ma faalogologo ma le fiafia.

Sa faaauau pea ona pese o ia ma liliu atu ona foliga agai i luga, ma faataupupula atu i se vaega o luga o le taualuga. Ina ua mavae

*Ou te lei talisa-  
paia lana pese  
seia oo ina ou  
matauina le  
tagata sa pese  
moni atu i ai.*



sina taimi sa ou tepe a'e foi, ae sa na o maa o le taualuga na ou vaiaia. Ae, ina ua ou toe tilotilo atu ia te ia, sa ou matauina ai loimata ua ātaāta mai i ona mata.

Ina ua uma lana [pesel], sa patipati tagata uma sa i ai i le fale faafafia. Sa mūmū ona alafau. A o toe foi mai o ia i lona nofoaga, sa aapa atu lima e pai atu i lona ogalima po o lona tauau a o faaali atu e tagata o le uarota le agaga faafetai faamaoni. O se tasi o uso sa nofo latalata mai ia te au, sa fai atu ia te ia e ese le manaia o lana taumafaiga, lea na ia tali mai i ai ma le filemu, "Faafetai lava. Ou te faa-moemoe sa fiafia i ai o Ia."

*O Ia? O ai na pese i ai o ia? Ae a o o'u fesili ia te a'u lava i le fesili, sa ou iloaina le tali. Sa ou iloaina sa lei pese o ia i se tasi i totonus o le potu. Sa lei faafafia o ia mo le faamaoniga a le au maimoa. Sa pese o ia i le Faaola e viia ai o Ia.*

Ua mavae le tele o Kerisimasi talu mai lena pati a le uarota, ma na ou faalogo i le pese "C-h-r-i-s-t-m-a-s [K-e-r-i-s-i-m-a-s-i] o faatinoina e le toatele o leo na aoaoina lelei. Ae o le fatuga sa ou faalogo i ai i lena Kerisimasi, sa usuina e se tasi o lana faatinoga sa ese mai i usuga masani ae na sau moni mai le loto, o le [Kerisimasi] lea e sili ona ou manatuaina. ■

*O le tusitala e nofo i Uosigitone, ISA.*

# O Lo'u Uso o le Faifeautalai



**Saunia e Kevin V., 11 tausaga, Mekisiko**

*"Talosia ia ou talai atu le talalelei i tagata, o e fia iloa le upumoni"*  
("Faamoemoe Latou Te Valaaau Au i le Misiona," Tusipese a Tamaiti, 91).

**O**lo matou aiga—o'u matua, lo'u uso, ma a'u—na sauni mo se taimi uma ina ia mafai ona alu lo'u uso i se misiona. Soo se taimi lava matou te talanoa ai e uiga ia te ia i le avea ma se faifeautalai, ou te tausua ia te ia, ma fai atu o le a ou le misia o ia ma o le a ou fiafia i le tuua na o a'u.

Na iu ina oo mai le aso e auina atu ai i totonu ana pepa o le misiona. Sa taumafai o ia ia lelei i le aoga, ma sa matou galulue malosi uma e sefe ni tupe mo lana misiona.

I se tasi aso na valaau mai ai le peresitene o le siteki ma fai mai ua taunuu mai le valaauga. Sa filifili lo'u uso e tatala le tusi i le fale pe a uma le taumafataga i le afiafi. Sa valaauna o ia e auauna atu i le Misiona a le Aai o Mekisiko i Sasae.

E lei leva lena, ae matou momolina o ia i le malae vaalele ma faatofa i ai. A o matou o atu i le fale, sa le mafai e lo'u tina ona taofiofi ona loimata, ae sa ou le tagi. Ae i le na o le lua itula mulimuli ane, a o o'u i ai i totonu o le potu sa masani ona ma toalua ai ma lo'u uso, sa faafuasei ona ou iloaina o le a ou le toe vaai ia te ia mo se taimi umi. Ia o a'u la le tagata sa le mafai ona taofiofi o'u loimata, ma sa ou faatagaina a'u lava e tagi ma tagi pea. Sa fusi ma

faamafanafana a'u e o'u matua, ma sa matou lagonaina uma le olioli tele ma le faanoanoa tele i le taimi lava lea e tasi.

Talu mai lena aso, ou te tatalo lava i le Tama Faalelagi ma ole atu ia te Ia e tausi lo'u uso a o auauna atu o ia.

Sa aoaoina au e lo'u uso, e tatau foi ona ou saunia mo se misiona. E tatau ona ou agavaa e maua le perisitua, auai i le seminare, ma ausia sini i le *Faataunuina o Lo'u Tiute i le Atua*. Sa ia aoaoina a'u e galue ma sefe se tupe, faitau i tusitusiga paia, ma usitai i o'u taitai.

Ou te fia auauna atu foi i se misiona ina ia mafai e isi tagata ona maua faamanuiaga o le talalelei ma iloa e moni. ■



Saunia e Peresitene  
Boyd K. Packer

Peresitene o le  
Korama a Aposetolo  
e Toasefululua

*O uso o le Korama  
a Aposetolo e  
Toasefululua o ni  
molimau faapitoa  
a Iesu Keriso.*

# Aisea e taua tele ai le faaalu o le taimi ma o tatou aiga?



O taimi faaleaiga o taimi paia.

O le fuafuaga o le fafia o se fuafuaga mo aiga.

O le aiga o le faalapotopotoga faavae i le olaga nei ma le faavavau.

Matou te uunaia o tatou tagata ia faaali atu le tuuto i o latou aiga.

Ou te tatalo ia faamanuiaina aiga o le Eklesia, o matua ma fanau.

*Boyd K. Packer, "E Taitaiina Foi i Latou e le Tama Itiiti," Liahona, Me 2012, 9.*



E mafai ona e faaaogaina le lesona ma le gaoioiga lenei e aoao atili ai e uiga i le autu o le Peraimeri i le masina lenei.

# Ou Te Iloa o le a Toe Afio Mai Iesu Keriso

**E**mafai ona e vaai faalema-faufau i le opoina o oe e Iesu i Ona aao ma tuu atu ia te oe se faamanuia? O le mea lena na Ia faia mo tamaiti sa Nifae i le Tusi a Mamona ina ua mavae Lona toetu mai.

Ma sa oo ina poloai mai o ia ia avatu a latou fanau laiti.

“O lea na latou aumai ai a latou fanau laiti ma ua faanonofo

i latou i lalo i luga o le eleele faataamilo ia te ia, ma sa tu Iesu i le totonugalemu.

“... Sa ia ave a latou fanau laiti, taitoatasi, ma faamanuia i latou, ma tatalo atu i le Tama mo i latou.

Ua tatou iloa o le a toe afio mai Iesu ma soifua i le lalolagi faatasi ma i tatou. O le a avea o Ia ma o tatou Tupu ma Pule. O le a avea

o se taimi o le filemu ma le fiafia mo i latou o e ua saunia e faafeataiai o Ia.

E alofa Iesu ia te oe e pei o Ia alofa i tamaiti sa Nifae. E mafai ona e saunia e vaai ia te Ia pe a toe afio mai e ala i le agalelei i isi, e ala i le usiusitai, e ala i le faia o au tatalo, ma e ala i le filifilia o le mea sa’o. Ma o le a e saunia ai pe a toe afio mai o Ia! ■


## MANATU MO TAUTALAGA FAALEAIGA

Talanoa ma lou aiga pe o le a faapēi le lalolagi pe a i ai Iesu iinei ia i tatou. E mafai ona outou faitauina le 2 Nifae 21: 6–9. Ona outou talanoa lea pe o le a faapefea ona fai e tagata le tasi ma le isi, pe o le a faapefea amioga a manuvaefa, ma pe faapēi le saogalemu o le a i ai le lalolagi. Tuu atu i tagata taitoatasi o le aiga se avanoa e tau atu ai se mea o loo tulimatai i ai i le taimi e toe afio mai lesu.



## PESE MA LE MAU

- “Pe a la Toe afio Mai”  
(*Tusipese a Tamaiti*, 46–47)
- Mataio 16:27





Aua na la fetalai,  
"Tuu fanau ia o mai."




## PE A IA TOE AFIO MAI

Saunia e Mirla Greenwood Thayne




Pe ao atoa o le po?




Pe i ai ea se fetu e  
taasi e susulu naua!

Pe a la toe afio mai,  
e pese ea agelu?



Ou te iloa na te valaau,  
fanau ia te la,



Pe tote kiona ea  
fuga mai laau?  
le fanua, pe tote



Pe tote tagi  
manufelelei?

# O LA TATOU ITULAU

TAMAITI

Ou te fiafia e faitau i itulau a tamaiti e uiga i soifuaga o perofeta ma lesu Keriso. E faamalosia ai la'u molimau a o ou faitau i molimau a isi. *O Le Liahona e fesoasoani ia te au e filifili le mea sa'o ma tausia tulaga faatonuina a le Ekalesia. E fesoasoani foi ia te au e lagona ai le latalata atili i le Tama Faalelagi.*  
Camilla K., 11 tausaga, Meleisia i Sisifo



Ailin C., 8 tausaga, Kuatemala



O se tasi aso sa asiasi atu ai la matou Peraimeri i le Malumalu o São Paulo Pasila. Sa sili atu ona matagofie togalaau nai lo soo se isi [togalaau] ua ou vaai i ai. Na matou aoao ai, e ala atu i feagaiga tatou te osia i le malumalu, e mafai ai ona tatou ola ma o tatou aiga i le faavavau. Na saunoa mai le peresitene o le malumalu ia i matou i totonu o le potu faatalitali, lea na matou vaai ai i atavali mananaia. Sa ou maua se lagona mafanafana ma le fiafia, ma sa ta'u mai e lo'u tina ia te au, o le Agaga Paia lea na molimau mai ia te au o mea na ou aoaoina e moni. Sa ou mauaina se molimau o le malumalu o le maota o le Alii.

Renato B., 8 tausaga, Pasila



O Renato ma lona aiga i lona papatisoga

*Sa fiafia tele tamaiti o le Paranesi a Cayenne, French Guiana, e tuuina atu la latou polokalama a le Peraimeri o le sauniga faamanatuga. Sa latou fiafia e faitau a latou vaega ma sa latou pepese lelei. Latou te fiafia i le Peraimeri. O se tasi o pese latou te fiafia i ai o le "O Au o se Atalii o le Atua" (Viiga, nu. 184).*



*O Mauricio H., 7 tausaga, mai Mekisiko, o loo i ai se naunautaiga ina ia papatisoina, ma ia usiusitai ina ia i ai se aso e mafai ai ona ulufale i le malumalu. O loo taumafai o ia e avea ma se faataitaiga lelei mo lona uso laitiiti, Tanielu.*



*O Tanielu, 3 tausaga, mai Hong Kong, o le uii i lona aiga. Ua ia te ia se loto tele ma se ataata tele, ma e fiafia o ia e auauna atu i isi. O taimi uma e ofo ai o ia e tatalo i le lotu ma i le fale, ma e fiafia e tutu faatasi ma lona tama ma faafeiloai atu i tagata o le uarota a o lei amataina le sauniga faamanatuga. E fiafia foi o ia e ao tusipese ma faamamā le falesa pe a tuua le lotu. I se tasi aso na ia faia ai se faataitaiga lelei mo lona tina ina ua ia valaauliaina se tamaitiiti laitiiti sa la fetau a o alu atu i le lotu la te o i le lotu.*



Tima B., 6 tausaga, Lukureini

*"Aua e sau le Atalii o le tagata faatasi ma ana agelu i le mamahu o lona Tama" (Mataio 16:27).*

**S**a sueni solo e Keiti le pusa e teu ai mea, ma vaavaai ma le faaeteete i le tagapepa maa-numinumi. Na te le'i maua lava le mea na ia sueina.

Sa ia toe tuuina mea uma i le pusa ma alu e sue Tina.

Sa autilo Keiti i tua o le piano, i lalo o le nofoa umi, e oo lava i le moega o Tomasi. Na leiloa. O lea e tatau ai ona ta'u atu ia Tina.

"Mama, ua leiloa le pepe o Iesu."

Sa taitai atu e Keiti ia Tina i le seti o faatusa o le fanau mai o Iesu sa i le potu malolo. Sa i ai iina ia Iosefa ma Maria ma le leoleo mamoe. O le Au Makoi—e oo lava i se kamela ma se

asini—sa i ai iina. Sa faataaliolio uma faatusa i le faatanoa vao gaogao.

"E foliga mai lava o lena, a ea?"

Na fai atu ai Tina.

"Ioe, ua ou le mauaina o Ia i soo se mea. Sa ou vaai ma toe vaai." O le a leaga le faatusa o le fanau mai o Iesu pe a leai le pepe o Iesu.

Sa alu Tina i le fatatusi. "E le'i leiloa o Ia," na fai mai ai ao aapa atu ma aumai se mea mai le fata pito i luga.

Sa mapuea Katie i le matuu atu [o lona popole]. "A lena!" na ia fai mai ai. "O le a ou alu e tuu o Ia i le faatanoa vao."

Sa aapa atu o ia mo le faatusa, ae na toe tuu e Tina i luga o le fata. "O le tausaga lenei o le a tatou tuu ai le pepe o Iesu i le faatanoa vao i

le taeao o le Kerisimasi," o le tala lea a Tina. "O se tu masani na iloa mai e Tama i Farani."

"Aisea? Ua foliga faanoanoa tagata uma."

"Ou te le iloa pe o faanoanoa." Na fai atu ai Tina. "Ia te au, e foliga mai e pei o loo latou faatalitali."

Sa iloilo e Keiti ia faatusa. Sa mafai ona ia iloa le nofoaga avanoa o Iesu i le faatanoa vao. O nisi o faatusa na aapa atu i le avanoa.

"Ou te matea o lena," o le tala lea a Keiti.

"E te manatua a o lei fanau mai Tomasi, sa ese lou fafia mo ia i lona oo mai?" O le fesili lea a tina.

# Faatalitali mo Iesu



Sa ataata atu Keiti i lona tuagane pepe, o lē sa taalo i luga o se palanikeke. “Ioe, sa pei e faavavaau.”

“Na e iloa sa faatalitali perofeta mo le faitau afe o tausaga mo le afio mai o Iesu e fesoasoani ia i tatou e toe foi atu e nonofo faatasi ma le Tama Faalelagi?”

Na manatua e Keiti le vaiaia o se ata i le Peraimeri o se perofeta o tusitusi e uiga i le soifua mai o le Faaola. “O lo’u manatu lena,” o lana tala lea.

“O perofeta e pei o Isaia sa mafaufau ma tusitusi e uiga i mea o le a fai e le Faaola pe a afio mai o Ia,” o le tala lea a Tina. “Na latou faaaluina o latou olaga atoa e faatalitali ai mo Lona soifua mai. O se tasi lena o mafuaaga ua tatou faatulagaina ai faapenei le faatusa o le soifua mai o Iesu, e faamanatu mai ai ia i tatou e toatele tagata sa faatalitali mo se taimi umi mo le afio mai o le Faaola.”

“O le a ou lelava faatalitali i lo’u olaga atoa,” o le tala lea a Keiti, ma vaavaai atu i leoleo mamoe o e na faatalitali mo Iesu.

“Ae o loo i ai foi se tasi o mafuaaga tatou te faia ai lenei mea,” o le tala lea a Tina.

“O le a?”

“E te manatua i le afiafi faaleaiga ina ua tatou talanoa e uiga i le Afio Mai Faalua?”

Sa mafaufau Keiti mo se minute. “E le o le taimi lena e toe afio mai ai Iesu?

“E sao lena,” na fai mai ai Tina.

“O afea o le a tupu ai lena mea?”

“Ia, tatou te le iloa. Ae o loo tatou faatalitali mo le afio mai o Iesu, e pei lava o leoleo mamoe i le faatusa o le fanau mai o Iesu, ma e pei lava o perofeta anamua. O le isi mafuaaga lena ua tatou faatalitali ai seia oo i le Kerisimasi ona tuu lea o le pepe o Iesu i le faatusa o lona fanau mai—e faamanatu mai ai ia i tatou, o loo tatou faatalitali foi mo Iesu.”

“Pe toe afio mai foi la o Ia i se faatanoa vao?” O le fesili lea a Keiti.

“Leai, e le toe avea o Ia ma se pepe. O le isi taimi e afio mai Iesu o le a toetu o Ia. Ae o le faatanoa vao gaogao i le faatusa o le fanau mai o Iesu, e faamanatu mai ai ia i tatou, e pei foi ona e faatalitali mo le taeao o le Kerisimasi, ma e pei foi ona faatalitali tagata mo le afio mai o Iesu i le lalolagi, o le taimi nei o loo tatou faatalitali foi mo Lona toe afio mai. E le’i leiloa le tatou pepe o Iesu. O se vaega lenei o le ala e manatua ai e lo tatou aiga o Ia.”

“E tatau lava ona tatou faatali,” na fai mai ai Keiti ma se ataata.

“E sao lena,” na fai mai ai Tina.

“A o tatou faatalitali, e mafai ona tatou faia ni kuki suka?” ■



“Matou te tautino atu o le a toe afio mai o la i le lalolagi, o le taimi lenei i le malosi, mamalu, ma viiga, e nofotupu o le Tupu o tupu ma Alii o alii.”

Elder Jeffrey R. Holland o le Korama a Apostolo e Toasefululu, “Tutu Faatasi mo le Faamoemoe o Keriso,” *Liahona*, Aok. 2012, 28.

*O mai tatou o e suesue se nofoaga taua i le talafaasolopito o le Eklesia!*

**S**a savalivali i le kiona ia Elise ma Kyle H., e 9 ma le 6 tausaga, i magaala o se faatusa o le nuu o paonia i le Aai o Sate Leki, Iuta. E foliga ua la'ua toe foi i tua i vaitaimi o le ogatotonu o le 1800. O le vaitaimi lena sa faamautu ai paonia i le Vanu o Sate Leki. Tatou auai faatasi ma Elise ma Kyle a o la suesueina le Paka o le Tofi o le Nofoaga Lenei, ia iloa ai pe na faapēi le avea ma se tamaitiiti paonia. ■

# O Le Nofoaga Lenei!

Saunia e Annie Beer

*Na auina atu e le oti ulu o le taulaga ia lauulu e totoe mai otigalauulu ma tafigalauulu i tagata e faia meataalo e faaaoga o ni lauulu mo pepa meataalo.*





*O se aiga e toa  
12 sa nonofo  
i le tamai fale  
paionia lenei. Sa  
o tamaiti i fafo  
ma feaei i se  
apefa'i ina ia oo  
atu i le avanoa  
o le taualuga e  
momoe ai.*



*A uma a latou feau, sa taaalo tamaiti paionia i a latou  
meataalo. O le meataalo e sili ona fafia i ai Kyle o se  
urosa e te tosaina i luga i ni maea se lua. Sa fesoasoani  
i tamaiti paionia e aoao ai i le tatauina o susu o pov!*

*Tai manaia!  
Sa fafia foi  
tamaiti paionia  
i lole!*




*O paionia muamua  
sa pau mai le latou  
faigamalaga i sisifo  
i le 1847. O le taimi  
muamua na vaai ai  
Polika laga i le Vanu  
o Sate Leki, sa ia sau-  
noa, "O le nofoaga  
sa'o lenei." O le maa-  
faamanatu lenei, sa  
mamanuina e le atalii  
o se alo o Polika  
laga, ua faamama-  
luina ai na paionia  
lotototoa.*

*Sa masani ona o tamaiti paionia i le aoga i se  
fale e tasi le potu. O tamaiti o soo se matu-  
tua sa faapotopoto i le potu e tasi—e tusa  
lava pe na latou aoaoina ni mea eseese.*



# Ua Soifua mai Iesu

Saunia e Charlotte Mae Sheppard



Ua Malaga Maria ma  
Iosefa i Peteleema. O  
se auala umi. E le o toe  
mamao ae fanau Maria.


Sa tumu uma ia  
faletalimalo. Sa nofo  
Maria ma Iosefa i  
se fale o manu lea  
e momoe ai manu.  
O i ai iina, na fanau  
ai Iesu.



I se nofoaga latalata ane, sa i ai ni leoleo  
mamoe i fanua o loo vaavaaia a latou mamoe.

Na oo mai se agelu ma ta'u atu ia te i latou e  
o atu i Peteleema e vaai i le pepe fou.

Na maua e leoleo mamoe le fale  
o manu lea sa Maria ma Iosefa. I se  
faatanoa vao sa i ai le pepe o Iesu,  
ua aui i ie. O le a avea o ia ma  
Faaola o le lalolagi atoa.



I le Kerisimasi e aumai ai ia i tatou e o tatou  
aiga ma uo i nisi taimi ni meaalofa. Ae o le  
meaalofa sili o meaalofa uma o le meaalofa  
lea na tuuina mai ia i tatou e le Tama Faalelagi.  
Na Ia auina mai Lona lava Alo, o Iesu Keriso,  
e fanau mai i le lalolagi. ■



# O Le Mafuaaga mo le Vaitau

Saunia e Val Chadwick Bagley

Sue ma li'o ia mea o loo natia i le ata.



# O LE MALAGA ILE AIGA

Saunia e Heather Whittle Wrigley

**N**a amata la'u malaga i le pasi e toe foi i le aiga mai le galuega e pei lava o isi [malaga i le pasi]. I totonu o le lima minute, ua faalagolago lo'u ulu i le faamalama, ma e lei umi o le tu soo ma le toe alu o le pasi na o'u moe ai. Sa ou tau faamasani lava i tiutetauave fou na oo mai i la'u faaipoipoga talu ai nei, a o o'u faigaluega ma ave a'u kosi o [vasega] tumau. O nisi aso e leai sa'u mea e mafai ae o le moe i le taimi atoa o le malaga a le pasi i le alu ma toe foi mai.

A o fai ma ou faagalegalemoe, sa ou faalogoina ni leo o taufonō atu faasinoga o le auala o le pasi. E lei umi ae ou iloaina, o le avepasi fou e tatau ona faatonutonu i afega uma, i auala taitasi, ma i nofoaga uma e tu ai le pasi i le auala e 50-maila (80 km).

O le iloa atonu o le a umi atu se taimi e alu ai nai lo o le itula ma le afa na masani ona tau-nuu ai i le fale, sa vave lava ona ou ita. Sa tumu lo'u mafaufau i mafaufauga le alofa e uiga i le faavalevalea o le avepasi. Sa faaauau pea ona faalavelave ia leo na taufonō atu i le faasinoga o le auala i a'u taumafaiga e moe.

Ae peitai, e lei umi, ae ou matauina ua uma le feei. Sa ou tilotilo a'e ma vaaia ai se tamaitai o faasinosinoina malie le avepasi mai lona nofoaga e lua laina i o'u luma atu. Sa ou



*Pe a tatou le  
iloa le ala e liliu  
atu i ai, o Iesu  
Keriso ua faa-  
alia ia i tatou  
le ala.*


matauina a o ia, tuuina atu malie ma le agalelei i le tamaloa le faasinoga ma, a o le'i nofo i le vaega e nofo ai, sa ia ta'u atu foi nai isi nofoaga e tu ai le pasi i lalo atu o le auala. Na leva ona ou taunu i le fale, ae sa faalavelave ia te a'u ia a'u gaoioiga o le faitio e faatusa atu i le taitaiga agalelei a lenei tamaitai.

Na ou iloaina ai sa pei lava a'u o le avepasi —e le'i sili atu so'u iloa o lo'u auala i le olaga nai lo o le iloa e le avepasi o lona auala fou. O i maua uma sa i luga o se auala e le masani ai. Ou te mautinoa sa ia faafetai ona sa naunau se tasi o lē sa uia muamua lena auala, e ofofina atu ma le onosai ni faasinoga e uiga i mea o loo taatitia i luma atu.

E fai e Keriso lena lava mea e tasi mo i tatou. Pe a tatou te le iloa le ala e liliu i ai, o Lana faataitaiga e faailoa mai ai ia i tatou le ala. A i ai ni a tatou fesili, na te tuuina mai ma le alofa ni tali. Pe o le a faafia ona Ia, i le vaivai i le maea ai o se faigamalaga umi ma le mamao, saili e tali i manaoga o isi?

Talu mai lena aso, sa i ai ni nai a matou avepasi fou. E i ai taimi na latou manaomia ai ni faasinoga, ma e faafetai i le faataitaiga na faaali mai ia te a'u e se tamaitai agalelei ma lo tatou Faaola, na ou naunau e tuuina atu i ai. ■

*E alala le tusitala i Iuta, ISA.*



ATA NA TUSIA E ROBERT T. BARRETT

## Iosefa Filitia Samita

O Iosefa Filitia Samita na aoao e galue malosi ao avea ai ma se alii talavou. Sa tausia e lona tina ia tamaitai o e sa fananau, ma o Iosefa sa aveina o ia i le **taavale solofanua** pe a ia asiasi atu i gasegase. A o tuputupu ae o ia, na atinaneina e Iosefa le fiafia i tusitusiga paia. Sa ia tusia ai le tele o **tusi** e uiga i le aoaoga faavae o le Ekalesia. Ao avea ma Peresitene o le Ekalesia, sa ia tusia le tatalo e faapaia ai le **Malumalu o Provo Iuta**.



**N**a tau atu e agelu i leoleo mamoe o e na vaia a latou tamai mamoe i le fanua e lata ane i Peteleema le fanau mai o le Faaola. “O le tama meamea o le na afio mai i le vaitau o le fananau mai ua lauiloa o le ‘tamai Mamoe a le Atua,’” na tusia e Elder Bruce D. Porter o le Fitugafulu. “O se faalagiga o le taua loloto, aua na la afio faatasi mai ma tamai mamoe ma o le a i ai se aso o le a ‘taitaiina ia fasia, e pei o le mamoe.’ … O ia o lē ua sili na faia ia te la Lava e aupito itiiti—le leoleo Mamoe Faalelagi o le na avea ma Tamai Mamoe.” Tagai i le “O Mai, Tatou Vivii ia te la” i le itulau e 16.

O LE EKALESIA A  
**IESU KERISO**  
O LE AU PAIA O ASO  
E GATA AI

4  
02107928902  
SAMOAN  
10792 Dec 13